

Ա. Վահաբյան

Գուրգել
Մասրի

Բանաստեղծ և արձա-
կագիր Գուրգեն Մահարու
ստեղծագործությանը նվիր-
ված սույն գրքույկում ցու-
ցադրվում է հեղինակի ան-
ցած նախապարհը, բացա-
հայտվում են Երա պոեզի-
այի և արձակի գեղար-
վեստական առանձնա-
հատկությունները:

ԳԻՏԱ-ՄԱՍԱՅԱԿԱՆ ԳՐԱԴԱՐԱՆ

5 (25)





АКАДЕМИЯ НАУК АРМЯНСКОЙ ССР
Институт языка и литературы им. М. Абегянса

С. Агаджан

Гурген Мадж

Издательство АН Армянской ССР
ЕРЕВАН · 1959

ՀԱՅԿԱԿԱՆ ՍՍՈ ԳԻՏՈՒԹՅՈՒՆՆԵՐԻ ԱԿԱԴԵՄԻԱ
Մ.Վ.ՖԷԼՈՎԱՆԻ անվան ԳՐԱԿԱՆՈՒԹՅԱՆ ԴԱՏԵՒԹՅՈՒՆ

Ա.Վղաբեյան

891.99.092 [Ծակուրի]

և

Գործեւ

Մահմադի

Հ 353
Ա



Հայկական ՍՍՈ ԳԱ Հրատարակություն
ԵՐԵՎԱՆ • 1959

Տայտիկում է Հայկական ՍՈՅ-
ԴԻՄՈՒՐՅՈՒՅՆԵՐԻ ակադեմիայի
ԽՄԲԱԳՐԱԿԱՆ-ԾՐԱՏԱՐԱԼՀԱԿԱՆ
ԽՈՐԲԻԼԻ որոշմամբ



ԳՈՒՐԳԵՆ ՄԱՀԱՐԻ



Դու կամեցար քո երգերով
Լինել հեռու ու անաղարտ,
Երգողական քո ձեռներով
Բռնել միայն դափնի ու վարդ,
Բայց կոչեցին օրերը քեզ
Որպես մարտիկ, շեփորահար...

Այս տողերով է բնութագրել Գուրգեն Մահարին իր ստեղծագործությունը։ Ճշմարիտ ու անկեղծ ինքնանկար-խոսառվանություն՝ հանված անցած ճանապարհի ու սեփական գեղարվեստական փորձի իրական տվյալներից։

Գուրգեն Մահարու ստեղծագործությամ մեջ, իրոք, առանձնահատուկ երանդ է սովորել ժամանակի ու դաշտային ծաղիկների, շեփորի ու վարդի, օրերի շառաշի ու դարնան անձրևի, դարաշրջանի ու չինչ, վճիռ աղջկա, ժողովրդական լայն կյանքի ու ճերմակ, խշացող բարդիների հնագույն, «տրաղիցիոն» հակասությունը։ Դա հասարակական և անձնական ապրումների, կոլեկտիվ ու անհատա-

կան զգացմունքների, պոելիայի առարկայի և նրա դերի հարցն է, որ Մահարու մոտ, այնուամենայնիվ, լուծվում է պրական ձեռվ և սկզբունքորեն ձիշտ։ Այդ երկու կողմերը հանդես են զալիս անխղելի միասնության մեջ. ոչ կարմիր կակաչների սերն է զոհարելովում պղնձե քնարին, ոչ էլ պոելիայի տեսադաշտից դուրս է մղվում նրա էությունը՝ հասարակական բովանդակությունը։ Նոր աշխարհի այրող շոնչը իր տիրապետության տակ է առնում բանաստեղծ-արձակադրի ստեղծադորժական աշխարհը՝ կորով ու զրնկոց տալով նրա երդի պայծառ հանգին ու քնքշություն՝ նրա հոգու դեղեցիկ ծաղիկներին։

«Կարմիր կակաչներ» (1947—1948) պուեմիկական պատմվածքի մեջ, ամփոփելով իր երկարամյա մտորումները արվեստի նպատակների ու հասարակական կոչման շուրջը, Մահարին հանգում է ուսույցիոն նոր իրականության և մարդկացին քնքուշ հույզերի, ժամանակի ու աշխարհի օբոլոր ծաղիկների» նոր, բարձր սինթեզի անհրաժեշտությանը։

Գուրզեն Մահարու պրական հանապարհը ընթացել է թվացող տուանձնության մեջ։ Նրա ստեղծադորժության «թարուն արդիականությունը» չըհակացվելով, քննադատության կողմից դիտվել է փրոկ հեռացում ժամանակի այրող խնդիրներից, որակվել է «ստեղծադորժական չեղորություն»

անունով, իսկ նրա որոնումները ինքնատիպ և ինքնուրույն գրելածեմի բնագավառում համարվել են սոցիալապես շիմաստավորված՝ ոճի ու ձևի նախասիրության դրսելորում։ Տխո՞ւր թյուրիմացություն, որի մեջ անհրաժեշտ ուղղումներ մտցրեց ժամանակը։

Գ. Մահարու ստեղծագործությունը ունի իր նախապատմությունն ու շատ որոշակի զիգզագներ։ Հատկապես 20-ական թվականների առաջին կեսին նրա պոեզիայում արտահայտվել են գաղափարական սխալ տենդենցներ, բեկման շրջանի հոգեբանական հակասությունները և նոր երգի երկունքի ու որոնման դժվարությունները։ Բայց նա աստիճանաբար «զտվել է» հակասություններից և զարդացնելով իր ստեղծագործության առողջ, բնական երակը, դարձել է սովետահայ պոեզիայի ու արձակի հետաքրքրական դեմքերից մեկը։

1

Գուրգեն Մահարին (Գուրգեն Աճեմյան) ծնվել է 1903 թվականին, Արևմտյան Հայաստանի Վան քաղաքում։ Հայրը ժողովրդական ուսուցիչ էր, որ հազիվ էր կարողանում հոգալ բազմանդամ ընտանիքի տնտեսական կարիքները։ Մանկության տարիների մասին «Ինքնակենսագրության» մեջ Մահարին պատմում է հետևյալը. «Հայրս ուսուցիչ էր. մորս պատմելով նրա ստացած աշխատավարձը

չեր բավարարում լնտանիքի ապրուստին։ Տարվա
ընթացքում մի քանի անգամ անհետանում էր նրա
ժամացուցը։ Մորս Հարցին, թե ո՞ւր է ժամացուց-
ը, նա պատասխանում էր, թե տվել է նորոգելու։

Հետաղայում միայն մայրս վերահասու է եղել,
որ նա ժամացուցը միշտ տվել է դրավ և փոխա-
րինաբար փող է վերցրել սրանից-նրանից։ Հայրս
պատկանել է արմենական կուսակցությանը, լավ
տիրապետել է ֆրանսերեն լեզվին։ և պոլսական
թերթերում տպել է կիսագրաբար բանաստեղծու-
թյուններ։ 1907 թվականին դաշնակցության հանձ-
նաբարությամբ մորեղբայրս իր տանը գնդակահա-
րում է Հորս, որը դաշնակցության ակտիվ հակա-
ռակորդներից էր։ Մորս արցունքներով է սկսվում
իմ մանկական առաջին հիշողությունները, ապա՝
տատիս ժպիտներով, հեքիաթներով, ասութներով,
և աղոթքներով»¹։ Նախնական կրթությունը Մահա-
րին ստացել է ծննդավայրի նորաշեն և Երամյան
վարժարաններում, զգալի առաջադիմություն ցուց-
տալով մայրենի գրականությունից և հայ ժողո-
վորդի պատմությունից։

Ընթերցասեր պատանին հաճախակի այցելել
է Վանի գրադարանները, առանձնապես ովկորվե-
լով այնպիսի աղատասիրական գրքերով, ինչպես

¹ Գ. Մահմետի, Ինքնակենսագրություն (անալիզ)։

Շիլէրի «Վիլհելմ Տելլ», Բաֆֆու «Կայծերը», «Զալալեդինը»:

1915 թվականին, երբ տեղի են սմենում Հայության մասսայական կոտորածները, ավարտվում է Մահարու «ոսկե մանկությունը», հազարավոր դադիթականների հետ նա բանում է Կովկաս տանող ճանապարհը: Իդոիրի, էջմիածնի, Դիլիջանի որոշնոցներում մի որոշ ժամանակ ապաստանելուց հետո, Մահարին «տեղափոխուվում» է Երևանի թեմական դպրոցը. «Կարդացի Տերյանի «Մթնշաղի անուրջները»: Ահռելի տպավորություն: Թեմական դպրոց: Արսեն Տերյան: Երևան, երրորդ որոշում: Խմբատիպ թերթ «Նպատակ»: Առաջին արձակ և չափածո բանաստեղծություններ: Առաջին անգամ տպվում եմ Երևանի «Աշխատանք» շաբաթաթերթում, 1917 թվի նոյեմբերի 23-ին: Ապա Թիֆլիսի «Վան-Տուպ»-ում, «Հորիզոնում», Երևանի «Ժողովուրդ»-ում: Աշակերտական «Վերածընունություն» շաբաթաթերթում՝ երդիծական նախակների շարք: Թիֆլիսի «Վան-Տուպում» դրախոսական-հոդված «Հրազդան» գրական ալմանախի մասին՝ «Մենարիփունի» ստորագրությամբ: Էլի կեղծանուներ՝ «Գ. Արփունի», «Գ. Դժուն», «Գուրիս», «Գուրգեն», «Գ. Մահարի»¹:

1918 թվականին շաբանակվում են պատանի

¹ «Ենքնակենսագրություն», էջ 2:

բանաստեղծի թափառումները Երևան-Թիֆլիս-Վլադիկավելագ-Թիֆլիս-Երևան «Հվացուցակով»:

Թիֆլիսի և Երևանի պարբերական մամուլում տպագրված Մահարու առաջին բանաստեղծությունները, — երերուն, անկազմակերպ տրամադրություններով ու միստիկական «ցնորժներով» ներծծված գործեր, — արձագանքում էին ժամանակի «Հուսահատության» պոեզիայի մշտապատ ու անորոշ «ծրագրերին»:

«Սուլ», «Մեռելոց», «Լքում», — ահա այդ ոտանավորների բնորոշ «պրոբլեմատիկան» ու նույնքան բնորոշ պոետական հյուսվածքը: Իրական կյանքի պատկերները Մահարու այս կարդի գործերում փոխարինվում են միստիկական նախալգացումների ու խորհրդավոր այլաբանության, անտարկա խորհրդածությունների ու մեռելոցի տրամադրությունների տաղիացիաներով: Գրչի այդ նախավորձերի մեջ ոչ մի ակտիվ փոխարերություն կյանքի հետ: Գրանք տարբեր բանաստեղծների հետեւթյամբ ոճավորված և ինքնուրույնությունից զուրկ, «ողբաշունչ» ու «շնչարսպատ» ոտանավորներ են, դեկադենտական բանաստեղծության հավերժական հերոսուհու՝ մահվան պոետականացման ու կյանքի ունայնության հետադիմական մտքի քարոզով.

Ռւնայնությունն ալ ահուն կփորի վիճն իր անհուն,
Ու խոհերս կդառնան մոռացումի հովիտեն...

Ոտք դնելով զրական ասպարեզ, Մահարին մտնում է Վ. Տերյանի աշակերտների այն ստվար խմբի մեջ, որը հայ զրականության պատմության մեջ հայտնի է «Տերյանի շկոլա» անունով:

Այդ խումբը, սակայն, ըստ էռթյան «Չըչված Տերյանն» էր և ոչ մի իրական փոխարաբերության մեջ չէր տրագիկական ավրումների, բարձր մտքերի, սոցիալական լայն պրոբլեմատիկայի բանաստեղծի հետ:

Տերյանի «ուղղափառ» աշակերտների բանաստեղծություններից անբաժան ու ուրվականներն ու միստիկական ստվերները, մոայլ կոլորիտն ու կապույտ թախիծը, ֆանտաստիկական տեսիլներն ու աղոթքի շեշտերը՝ անձնապաստան անհատների այդ «տիրաշունչ» երգերի մոտիվները ոչ թե Տերյանի «ազդեցության» արգասիք էին, այլ ուղղակիորեն հակադրվում էին մեծ բանաստեղծի պոեզիայի հասարակական խոր բովանդակությանը:

Գուրգեն Մահարին տերյանական դպրոցի շատ ներկայացուցիչներից տարբերվում էր հայ զրականության, մասնավորապես արևմտահայ պոեզիայի՝ Պ. Դուրյանի, Դ. Վարուժանի, Սիամանթոյի, Մ. Մեծարենցի, Վ. Թեքեյանի խոր իմացությամբ, նրանց նկատմամբ տածած սիրով:

Մեծարենցի «Բլլայի»-ները, Թեքեյանի «Հանըմը», Սիամանթոյի և Վարուժանի բոցեղին տո-

սերը, ինչպես և Տերյանի «թավշյա» պոեզիան,
Ռ. Տագորի իմաստությունն ու Համսունի «Պանի»
որոնող հերոսների համակուլ շունչը, — այս ամենը
կաթիլ առ կաթիլ լցվում են երիտասարդ Մահարու
հոգեկան աշխարհը, նրան կանգնեցնում հոգերա-
նական փակուղուց դուրս կալու անդիմադրելի
ձգուման առաջ:

Մահարու վրա մեծ ազդեցություն է թողնում
նրա ծանոթությունը դրական հորիզոնում արդեն
իայլատակած Եղիշե Զարենցի հետ:

«Դժգույն էր և աղքատ դաշնակցական Հայաս-
տանի Պառնասը, Դաշնակցական Պառնասն այդ
դժվար տարիներին բռնված էր զինարրուքով և
թղթախաղով:

Որբանոցային «գրական» աշխարհում սիրված
էր Վեսպերը, որը ստեղծել էր մի տեսակ դաղթա-
կանական պոեզիա.

Ուկե աշուն է նստեր մեր մոխրացած տան բույր,

Ուկեղեղին տերեներ նազով թափեր են պարտեղ...

Ոստանիկը իրեն նման կարճ ու թեթև բաներ
էր գրում, Ֆենիքսը ճոռում ու կեղծ կլասիցիզմով
նարեկացիություն էր անում, Արմենուհին իր սա-
խարինե լիրիզմով սեր էր ճովողում...

Այս դորշ ֆոնի վրա Զարենցի անունը պայ-
խեց ոռւմբի նման:

Սիամանթոյի ահարկու տեսիլներով էի հուզ-
վում, Վարուժանն էր ինձ տանում մինչև հեթանո-

սականը, թափառում էի Մեծարևնցի «Ճամփաներուն վրա»¹, ինձ գրավում էր Թեքեյանի «Հանըմը», Կնուտ Համսունի «Պանը»։

Աւ ես տեսա-ճանաշեցի Զարենցին։

Հեռու մոտիկ ընկերներին, աշխարհներին, արևներին,
Հրանման հոգիներին...

Նոր էր այդ աշխարհը, իրերը, ոիթմը, պատկերները, գույներն ու ստվերները։

Նոր էր աշխարհը, առնական, խորին։

Հեղափոխությունը ես՝ Եղիշե Զարենցով ընդունեցի այն ժամանակ։

Լցվեցի ես, որբանոցը, Երևանը ամբողջ աշխարհը։

Շփոթ երգերով ու աղմուկներով»¹։

Մահարին սիստեմատիկաբար «Հաճախում էր» այն որբանոցը, որտեղ հասարակ դաստիարակի պաշտոնով աշխատում էր Զարենցը։ Իր հետ նա տանում էր բանաստեղծությունների աշակերտական տեսրերը և կարդում։ Նկատողությունների, և զրույցների մեջ անմիջական, ջերմ, անկեղծ Զարենցը, որ այդ տարիներին բացում էր հայ բանաստեղծության նոր, ունույցիոն հունը, բնակա-

¹ Գուրգեն Մահարի, Զարենցի մասին, «Դրական թերթ», 1935, № 3։

նաբար, ծանր խոսքեր է ասում ելիտասարդ Մահարու՝ կյանքից կտրված, իրականությունից օտարացած երգերի մասին. «Ես նրան տվի մի տետր: Անհամբեր և զղային կարդաց, շուռ տվեց, էլի կարդաց, շհավանեց, անցավ, կրկնեց և մատը դրեց մեկի վրա:»

— Ա'յ, այս մեկը լավ է...

Արտասանեց առաջին «առմնը»:

Փռել եմ քո կապույտ նաղանքների մուժում,
Ինչ-որ իզուր ու զուր ցրել եմ ու թողել,
Հին դյուղերի ճամփին, ճամփաների փոշում»¹:

Զարենցի և նրա կրտսեր բանաստեղծ-ընկերոց բարեկամությունը շարունակվեց նաև հետագայում: «Գրական դաստիարակը» ուշադիր հետեւում էր իր «սանի» անվատահ քայլերին, ներշնչում հավատ, զգուշացնում ինքնուրույնությունը կորցնելու և ուրիշներին կրկնելու վտանգից:

2

1922 թվականին Երևանում սկսում է հրատարակվել պրոլետարական գրողների տպագիր օրդանը՝ «Մուրճ» հանդեսը: «Մուրճի» նշանաբանն

¹ Գուրգեն Մահարի, Զարենցի մասին, «Գրական թերթ», 1935, № 3:

էր՝ «Դուրս քաշել անորոշությունից և լքումից աշխատավոր, շնորհունակ գլուղներին»¹:

Մահարին դառնում է հանդեսի ակտիվ աշխատակիցներից, տպագրելով այնտեղ իր բանաստեղծությունները:

1923 թվականին Ալեքսակովս լույս է տեսնում Մահարու բանաստեղծությունների առաջին գրքույթը՝ «1920—23?» տարօրինակ խորագրով։ Դրան հետևում են «Յաղիտ օպերետը»՝ դաշնակցության գեմ ուղղված «Խնդիր մ’ ալ առեք», հակակրոնական «Խորհուրդ խորին» և «Կովկասի տերերը» աղիտկաները։ Սրանք ներկայացվում են Հայաստանի դյուլական ու բանվորական բեմերում, ինչպես նաև Թիֆլիսում, Բաքվում, Ռոստովում։

1924 թվականին Լենինականում լույս է տեսնում «Տիտանիկ» բանաստեղծությունների ժողովածուն։

Մահարու բանաստեղծությունների առաջին ժողովածուները դարձյալ «Հմարսված» աղդեցությունների արդյունք են։ Դրանց մեջ հեշտությամբ ճանաչվում են ամենատարբեր բանաստեղծների ոճավորումները՝ սկսած Տերյանից, Եսենինից, Զարենցից մինչև լեֆական-ֆոստուրիստական թեհ բանաստեղծները։ Առանց ժաղիտի չի կարելի կարդալ Մահարու առաջին բանաստեղծությունները,

¹ «Մուրճի» դեկադացիան, «Մուրճ», 1922, № 11

այնքան նրանք պարզունակ են իրենց ձևով, աղքատ՝ արտահայտչական միջոցներով, այնքան հեռու ժամանակի ու տոօրյայի խնդիրներից:

Բանաստեղծը շի դրսեսրում սոցիալական և գեղադիտական քիչ թե շատ որոշակի հայացքներ. մերթ առըլում է Լեֆիստական «Ճախությամբ», մերթ վերացական կոսմոփիտորիկայով, մերթ կարակային անարխիզմով.

Դնում հիմտ բոսյակի ոես
Բնկնեմ փողոց բնկեր գտնեմ,
Ու մտնեմ բաց դռներից ներս
Հաց ու դինի ու կին գտնեմ:
Ու կիսահարբ՝ կեսիս ծռած
Ծեծեմ դարբաս ու լուսամուտ,
Բռնեմ խեղդեմ, ով որ դուրս դա
Ու հեկեկամ դռների մոտ:

Կարդացած վերջին բանաստեղծությունը, ինչպես տում են, ամուր նստում է երիտասարդ բանաստեղծի հոգու մեջ. նա որդեգրում է Չարենցի և Եսենինի պոեզիայի առավելապես բացասական կողմերը, «Մոմանս անսերի» (1923) և «Կարակային Մոսկվա» («Москва кабацкая», 1924) տիկի մոտիվները՝ էրոտիկական «զգացմունքներ», անարխիստական տրամադրություններ, թեթև ժամանցի պաշտամունք:

Մահարու առաջ ծառանում է պրոլետարական դրականության շարքերից դուրս մնալու վտանգը:

Սկսվում են թափառումները Անդրկովկասի և Հյուսիսային Կովկասի քաղաքներում։ Թիֆլիսում՝ 1924 թվականի աշնանը նորից նա հանդիպում է արտասահման ուղևորութեալ Զարենցին։ Զարենցը արդեն հրաժարվել էր լեֆիստական ժամանակավոր տուրքերից և թեակոխել էր ստեղծագործական որոնումների նոր շրջանը։

Մահարին Թիֆլիսից դառնում է Լենինական՝ ստեղծագործական նոր ծրագրերով ու մտահղացումներով։ Մկրտիչ Արմենի հետ միասին նրանք հիմնադրում են Լենինականի բանվորա-դյուլացիական դրոզների «Հոկտեմբեր» խմբակցությունը և Լենինականի ազիտ-սատիր թատրոնը («Էստր»)։ «Էստր» ունեցավ աղմկալի հաջողություն. քաղաքական-գաղափարախոսական»¹, իսկ «Հոկտեմբեր» սկսեց Շիրակի ջրանցքին նվիրված շափածոցի շարքի հրատարակությունը (Գ. Մահարի. «Շիրակի ջրանցք», Մ. Արմեն. «Շիրականալ», Գ. Սարյան. «Շիրակի հարսանիք», Սարմեն. «Դաշտերը ժպտում են»)։

«Շիրակի ջրանցք» (1925) առաջին քայլն էր Մահարու կողմից՝ ընդհուպ մոտենալու սոցիալիստական առօրյային, ստեղծագործության նյութ դարձնելու երկրի վերաշինությունը։ Անկատար են նրա բանաստեղծությունները, անորոշ

¹ Գ. Մահարի, Ինքնակենապրություն։



պյատկերները, ծայրահեղորեն պարզունակ են և
մշուշապատ նոր կյանքի վերաբերյալ նրա պատ-
կերացումները։ Եթիստական հնչախաղն ու աղ-
մուկը, անարտահայտիչ «մանրամասներն» ու ան-
կատար ձեզ փոխարինում են մտքերի արտահայտ-
ման ռեալիստական միջոցներին, իսկ այդ մտքե-
րըն էլ աղքատիկ են ու խիստ վերացական, շհա-
սովուցած, օրգանակնս «շմերված» նրա հոգեկան
կառուցվածքին։ Զգացվում է լիֆիստական էսթե-
տիկայի բացասական աղդեցությունը։

Մահարին դժվարություններով և ստեղ-
ծադործական ներքին հակասությունների հաղ-
թահարման ճանապարհով ձգտում է մոտենալ ոհ-
վոլցուցիոն իրականությանը; բաժանվել իր կողմից
ոխալ հասկացված Տերյանից, Չարենցից, Եսենի-
նից և մերձենալ իսկական Չարենցին, Տերյանին,
Եսենինին։ Ամբողջ հարցն այն է, որ Մահարին իր
շուտ տպավորվող ստեղծադործական խառնվածքի
շնորհիվ անմիջապես «վերցնում» էր, տսենք, Եսե-
նինի թուլությունները, այն, ինչ կոշվում էր Եսե-
նինականություն, շխորանալով ոռւսական պեյզա-
ժի և ոռւսական խարակտերի անզուգական քնա-
րերգուի ստեղծադործության ոչքոն էության, ոչ
էլ նրա ապրած առանձնահատուկ դրամայի մեջ։
Նույնացվում էին Եսենինը և հսենինականությունը,
այդ տարբեր հասկացովությունները։ Ա. Վ. Լուս-
չարսկին «Սերգեյ Եսենին» հոդվածում անդրադառ-

նալով բանաստեղծի ստեղծագործության այդ
միակողմանի պատկերացմանը, 1927 թվականին
գրում էր.

«Հարկավոր չէ Եսենինին և Եսենինականու-
թյունը բացարձակապես նույնացնել։ Հարկավոր չէ
ո՛չ թերապնահատել, ո՛չ գերազնահատել Եսենի-
նին։ Եսենինը շատ նույր հոգով մարդ էր, արտա-
կարգորեն շարժուն և շատ դյուրին կերպով արտա-
քին աշխարհի բոլոր տեսակի շփումներին են-
թարկվող։

Եսենինը դյուզից եկավ ոչ թե որպես գյուղա-
ցի, այլ որոշ իմաստով որպես գյուղական ինտե-
լիգենտ։ Բայց նա հիանալի գիտեր գյուղը, նոր
ձևով արտացոլեց այն պոեզիայում և շուտով
մոդա դարձավ։ Պետք է ասել, որ այն շրջանում,
երբ նա եկավ մայրաքաղաք, ուժեղ կերպով հրա-
պուրվում էին գյուղով, գյուղում որոնում էին ճշշ-
մարտություն և հայտնություններ։

Գյուղի մասին, գյուղական այն տիսրության
մտսին, որ բուրում են խնկով և զողանջում զան-
գերի պես,— Եսենինի դրած բանաստեղծություն-
ները նրա ստեղծագործության առաջին շրջանն են
հանդիսանում»¹։

Եսենինի ստեղծագործության մեջ անդրա-

¹ А. В. Луначарский, Статьи о советской литературе. Москва. Учпедгиз. 1958, стр. 438.

դառնում են սոցիալական որոշ շերտերին համակած գաղափարական և հոգեբանական երերումները, բայց նա ներքին վժվարին պայքարով ձըգտում է հասկանալ պատմական պրոցեսի ուղղությունը, ձգտում է վերահսու լինել, թե «ո՞ւր է տանում մեզ դեպքերի ճակատագիրը...» («Կудա նետ նас рок событий...»).

Մահարու հայացքների սահմանափակությունը, գումարած դրան նեղի շրջանում ստեղծված այն գաղափարական-էմպոցիոնալ անկայուն միջավայրը, որը չէր ըմբռնում ուսուցիայի ժամանակավոր տակտիկական նահանջի իմաստը և որի հետ կապված էր Մահարին, անշուշտ, սննդարար հող էին ստեղծում եսենինականության տարածման, մասնավորապես քաղաքի դեմ ուղղված նահապետական գյուղացիական բոճտի տեսակետի «որդեգրման» համար։ Եսենինյան ողբերգությունը խարսխվում էր գյուղի և քաղաքի «գաղինքի» անհրաժեշտությունը շհասկանալու, «քաղաքակրթության» մեջ հին գյուղի ավերման բոլոր «սկզբնապատճառները» տեսնելու վրա։ Եսենինի «Сорокоуст» պոեմի հետևությամբ, պոեմ, որտեղ ուս բանաստեղծը ողբում է հին գյուղի նահապետական կյանքի ձևերի կործանումը և անեծքով դիմավորում «երկաթե հյուրին», Մահարին գրում է իր «Քառասունքը»՝ կենտրոնական դեմք դարձնելով

շեղյալ Հիսուսին հավատացող գյուղացու կերպարը:

Նույն էր նաև Տերյանի պարագան, Մեխանիկորեն կրկնելով հայ խոշորագույն լիրիկի որոշմուտիվները, Մահարին շեր հասկանում Տերյանի պոեզիայի տրադիկական պաթոսի սոցիալական հիմքերը, նրա ստեղծադործության խոր հոմանիստական բովանդակությունը:

Այս տեսակետից բնորոշ է նրա հետևյալ քառյակը.

Վերջին պոետն եմ, լսեցեք ինձ,
Վերջին կարոտն եմ՝ նախրաբաղձ,
Ինձնից հետո վիճ կրացվի,
Մահմանագիծը կլինի պարզ:

Տերյանի «Մի՞թե վերջին պոետն եմ ես...» ողբերգական պաթոս ունեցող և միայն հարցադրման ձևով առաջ քաշված ձևակերպմանը Մահարին տալիս է արդեն որոշված պատասխանի տեսք, առաջադրելով այն միտքը, թե անդարձ կորել են իսկական լիրիկայի ուղիները, թե սկսվում է սահմանագիծը հին երգի տրադիցիաների և նոր ժամանակի միջև:

Մահարուն հատուկ հակասական տրամադրությունների հաղթահարման դործում վճռական դեր է խաղում 1925 թվականին հիմնադրված «Նոյեմբեր» միությունը, որի կենտրոնական դեմքն էր

արտասահմանից արդեն վերադարձած Եղիշե Զարենցը:

«Նոյեմբերը», ի տարրերություն պրոլետարական գրողների ասոցիացիայի ստեղծած «Չերմոցային» գրականության, առաջ էր քաշում գրական ազատ մրցության հարցը, ծառանալով թեմատիկայի և ձևերի սահմանափակման, արվեստի բովանդակության նեղացման, գրական այլ խմբովորումների ներկայացուցիչների նկատմամբ եղած անհանդուրժողական վերաբերմունքի դեմք «Նոյեմբերի» վարած գրական առողջ քաղաքականությունը դրական ձևով է անդրադառնում մի շարք երիտասարդ գրողների, դրանց թվում նաև Գուրգեն Մահարու ստեղծագործության բովանդակության վրա։ Նորի պահպասխ, ժամանակի շունչը, մարդկային հոգիբանությունը, հայրենի երկրի բնության գույները, ժողովրդական կենցաղի դժերը, ժողովրդի պատմական անցյալն ու ներկան, ասլագայի երազանքը, սոցիալիստական շինարարության առաջին քողբոցները, նոր հերոսները մտնում են պոեզիայի տեսադաշտը, զգալիորեն կոնկրետանում է թեմատիկան, բեռնաթափվելով վերացական կոչերից և ֆորմալիստական «նորարարությունից»։

Նոր խոսք ասելու ստեղծագործական պահանջը դրական լուծում է սովանում այն իմաստով, որ այդ նորի որոնումը չի մնում ինքնանպատակ փորձերի շրջանակում, այլ կապվում է սոցիալական

Կյանքի նոր որակի հետ, երկրի ու ժողովրդի կյանքում կատարված պատմական-հոգեբանական տեղաշարժերի հետ: Բովանդակության մեջ կատարված որակական փոփոխությունները, իրենց հերթին, բերում են նոր ձևը: Ստեղծագործական վերակառուցման վերընթաց դժուկ է հատկանշվում նաև Գ. Մահարու 1925—30 թթ. ստեղծագործությունը: Որակական փոփոխություններ են կատարվում ոչ միայն նրա պոեզիայի թեմատիկայի, այլև կիրառած ձեերի, լեզվի, ոճի, պատկերների սիստեմի մեջ:

Մահարին որոնում է երևոյթներին, մարդկանց ներաշխարհին մոտենալու իր սեփական ձանապարհներն ու ինքնուրյուն ոճը, կյանքի երեկույթները նոզերանորեն, ներսից բացելու եղանակները:

3

Մահարին ասլրում է ստեղծագործական վերակառուցման, էսթետիզմից և դավառական միստիցիզմից ազատագրվելու, քաղաքացիական անկեղծ պաթոսով տոգորվելու շրջան: Առաջներում կյանքից մի կողմ կանգնած, հասարակական, «աշխարհիկ» տագնապներից հեռացած, անձնապատահ խոհերով զբաղված բանաստեղծը «կապույտ հեռուներից» դառնում է դեպի ժողովրդական կյանքը, դեպի ժամանակի այրով հարցերը:

Իր բանաստեղծություններում առաջին անգամ
Մահարին արծարծում է պոեղիայի հասարակա-
կան կոշման, ժամանակի և արվեստի փոխարա-
բերության, օրերի հետ համընթաց քայլելու
պրոբլեմը:

Վերջին պոետը... դեռ չկա նա,
Նա սկսելու գա դեռ, պայծառ հանգով,
Ամեն մի երգն իր՝ հասու դանակ,
Ամեն մի երգն իր՝ հերկի ակու

Գաղափարական հասունացման զգալի տա-
րածություն է բաժանում «Վերջին պոետն եմ...»
բանաստեղծությունը երգը՝ հերկի ակու, երգը՝
պայքարի զենք, երգը՝ աշխատանքի դրոշ համա-
րող բանաստեղծից:

Որպեսողի խոսքը քո շառաչով շողա,
Զուլված պետք է լինես կյանքի այրող շնչին:

Այս կարդի պոլեմիկական լիցքով հարուստ
շափառողերը հաճախ են մուտք գործում Մահարու-
ստեղծագործական աշխարհը: Դա պոլեմիկա էր
նախ և առաջ իր անցյալի, իր նախկին դրական
դավանանքների, իր դավանած հին ուղիների դեմ:

Պոլեմիկան, սակայն ինքնանպատակ չէր
Այն արդյունավետ անդրադարձավ նրա գաղափա-
րական և ստեղծագործական էվոլյուցիայի վրա:
Այդ էվոլյուցիան, որ և՛ թեմատիկական, և՛ ժան-
րային, և՛ մանավանդ՝ էսթետիկական որոշակի ըս-

կը զբունքների վրա էր խարսխվում, Մահարուն
կանգնեցրեց սովետահայ պոեզիայի մայրուղու՝
շարենցյան տրադիցիաների ուղու վրա: Մահարուն
էվոլյուցիան սկսվեց նրա լիրիկական պոեմներով,
շարունակվեց բալադներում և ավարտվեց «Մըր-
զահաս» գրքով, որտեղ առավել որոշակի արտա-
հայտվեցին նրա խնդիրատիպ տաղանդը և գրական
վարպետությունը:

Ստեղծագործական վերընթաց զարգացման
մեջ անգամ Մահարուն պոետական աշխարհի մեջ
«իներցիայի ուժով» երբեմն արտահայտվում են
պեսիմիստական որոշ խորհրդածություններ, իրա-
կանության սահմանափակ ու հակասական ընկալ-
ման տենդենցներ, բայց գերիշխողը բախումն է
իր նախկին «փոքրիկ կենսական մասշտաբների»
հետ և իրականության սոցիալ-պատմական ընդ-
հանրացման համար սովետական նոր թեմաների և
նոր ձևերի որոնումը: Այս վերջին հանդամանքը
նրան տանում է դեպի պոեզիայի համեմատաբար
ավելի լայն կտավը՝ լիրիկական պոեմն ու բալ-
լադը:

Մահարուն պոեմների նյութը մոտիկ անցյալի
դրվագներն են՝ հայ գյուղերի կյանքը իմպերիա-
լիստական պատերազմի տարիներին, ուսուցիոն
տրամադրությունների: Ներթափանցումը գյուղա-
ցիության միջավայրը, հեղոսական պաթոսի
ծնունդը, պատերազմի ու դաշնակցության տիրա-

պետության խավար գիշերվա միջից լուսավոր
ափեր երազող ժողովրդի մտորումները:

Նոր, ունույուցիոն պոեմի ժանրը հայ գրակա-
նության մեջ արդեն ուներ այնպիսի կենսունակ
ավանդներ, ինչպես Հակոբ Հակոբյանի և Զարեն-
ցի դործերն էին: Անհատապաշտական կա-
պանքներից ազատվող Մահարին, բնականաբար,
հաշվի է առնում այդ տրաղիցիան, մասնավորա-
պես Զարենցի «Ամբոխների...» և «Ամենապոեմի»
ստեղծագործական որոշ սկզբումքները:

Սոցիալական թեմատիկային անցնելու տեսա-
կետից հետաքրքրություն է նիրկայացնում «Գյու-
ղերի երգը» պոեմը: Մահարու ստեղծագործության
մեջ առաջներում էլ կային սոցիալական իրակա-
նության որոշ արձագանքներ (ինչպես, օրինակ,
«Երկու մանուկ էին նրանք» ողբերգական ինտոնա-
ցիայով և հետաքրքրական կառուցվածքով՝ գրված
բանաստեղծությունը՝ կովի մեջ զոհված բանվորի
երեխաների թշվառ կենցաղի մասին), բայց այս-
տեղ է Մահարին կանոնում ստեղծագործական
համոզված դիրքի վրա, թե նոր պոետի աշխարհը
պիտի դառնա ժողովրդի կյանքն ու միջավայրը,
նրա սյատմությունը, նրա օրերը.

Եմ երգում այն օրերն են ցուրտ,
Նրանցով եմ երգո գրել,
Եմ երգի թախիծը անձուկ
Հին գյուղի մշուշն է փռել

Հոգե՞րը.
 Գյուղե՞րը.
 Հյուղե՞րը.—
 Հանդերում խոտերի վայրի.
 Առյլերը, խոշը, մաճը.
 Երա՛զր անծիր դաշտերի,
 Դաշտերում երազող նախին...

«Նախին սղբերգությունը», որը Մահարին
 դարձնում է իր «լիրիկական խոհերի» տռանցքը,
 «Գյուղերի երգը», պոեմում հանդես է գալիս ոչ թե
 ծայրահեղորեն սուրբեկտիվ բնկալումների ձևով,
 այլ՝ կոնկրետ, տեսանելի բովանդակությամբ:

Մայակովսկու բառերով ասած՝ «առղերի էու-
 թյամբ լիրիկ» («Пирик по строчечной сути») բանաստեղծը, ճիշտ է, այս պոեմում չի պարզա-
 բանում պատերազմի առաջացման սկզբնապատ-
 ճառների խսկական էությունը, խորը չի թափանցում
 համաշխարհային մեծ երեսութիւնը բոլոր կողմերի
 մեջ, պատմական կուս հայեցակետ չունի, սակայն
 հանդես է բերում ոհալիստական դեղարկեստական
 մտածողություն, երեսութները տեսնում է իրենց
 կոնկրետ-առարկայական հարաբերությունների ո-
 լորառում: Ստեղծագործական այս հատկանիշը ար-
 դեն նոր պիծ է Մահարու գրական կենսագրության
 մեջ: Մյուս նորությունն այն է, որ Մահարին առաջ-
 վա նման տարակուսած չի կանգնում դեպքերի
 «տարերային» բնթացքի առաջ, այլ հանդես է բե-

րում որոշ քննադատական վերաբերմունք նախրյան
գյուղերին սոցիալայիս խորհրդ ուժերի նկատմամբ:

Գաղափարական և գեղարվեստական այս ե-
րակետները, անշուշտ, դրական ձևով են անդրա-
կառնում Մահարու պոեմի վրա, որտեղ, ճիշտ է,
ուրվագծերի, տեղ-տեղ ֆրազմենուար դիտողու-
թյունների, հեղինակի միշտ արթուն լիրիկական
վերաբերմունքի և անմիջական ինտոնացիայի
ձևով նկարագրվում է ժողովրդի տառապանքը,
նախրյան գյուղերի հնավանդ վիշտը համաշխար-
հային առաջին պատերազմի շրջանում:

Պոեմում Մահարին գեղջկական կոլո-
րիտի ոգով վերստեղծում է մեծ իրադարձություն-
ների սեմֆին կանգնած հայ գյուղերի խեղճության
և «հավիտենական» անշարժության պատկերը:

Գյուղ նախրյան,
Այն, որ գեռ Հիսուս էր ու մեգ,
Արնոտ խոփ ու ցավի զուռնա,
Շների ոռնոցը դառն՝
Դեղերի վրա հուսահատ,—
Շների ոռնոցը դառն՝
Խելագար նախիրների դեմ,—
Շների ոռնոցը դառն՝
Դաշտերի քամիների հետ,—
Շների ոռնոցը դառն՝
Արշավող քաղաքների դեմ,

«Նոր գյուղացիական» բանաստեղծներին հա-
տուկ հայեցությամբ պոեմի նախերգանքում

պաթետիկ շեշտերով պատկերելով գյուղացիական կյանքի անշարժության և կասլիտալիզմի Մոլոխի հանդիպման դրաման, Մահարին այնուհետև՝ պոեմի երկու գլուխների մեջ անդրադառնում է մի կոնկրետ երևույթի՝ զորակոշի նկարագրությունը։ Նա ցույց է տալիս, թե ինչպես «սրտամաշ» մշուշ ու մեղի», «փոշուտ ճանապարհների», «թախծուտ դաշտերի», «անհորիզոն լեռների», հավիտենական ձանձրույթի աշխարհում խոր ճեղքվածք է բացում պատերազմը։

Զորակոշ է։—Ռնց որ սելավ
Գտ ու խփի հոտ ու նախիր,։—
Զորակոշ է։—Էս ի՞նչ ելավ,
Ո՞վ է ուղում, ու՞մ տա մահի...
Հավաքում են զորք անքանակ,
Ամրանում են ներսից, դրսից,
Համարվում է աստղ ու ամազ,
Չի համարվում զորքը ոսի։

«Գյուղերի երգը» պոեմում Մահարին չի կերտում հերոսների անհատականացված կերպարներ, երևույթը՝ զորակոշը և գյուղական առօրյան, նկարագրում է ընդհանուր ուրվագծերով, ժամանակի պոետիկային բնորոշ արտահայտչական ձևերով՝ կրոնական սիմվոլներ (գյուղը նմանեցնում է խաչված Հիսուսին), խոսքի ոռմանտիկական երանգավորում («Նրանք եկան քաղաքներից ու քանդեցին հազար անգամ»), այլաբանական ակնարկներ

(«Իայտանը գծի վրա՝ մի սպիտակ, հոկտեմբեր») և այլն:

Պոետիկական այս սիստեմի մեջ նա միաժամանակ մտցնում է ռեալիստական, ժողովրդական խոսքի վրա կառուցված նկարագրություններ, ինչպես օրինակ.

Եցվել էին վագոններում հազար Մարտ,
Շինելներով, փաթաններով, պայուսակով,
Խոսում էին, սրախոսում ու ծիծաղում:
Կայարանում —
Թափվել էին պառավները մոտ գյուղերից.
Եկել էին, առած պարեն ու վարանում,
Եկել էին վերջին ժամու հրաժեշտի:

«Գյուղերի երդը» պոեմում հետաքրքրական է գյուղի և քաղաքի փոխհարաբերության տյն նոր ըմբռնումը, որ Մահարուն սահմանազատում է հակառանիստական թևի բանաստեղծներից: Պոեմի վերջարանում նա արդեն գիտակցում է քաղաքների պատմական դերը գյուղի սոցիալական վերանորոգման գործում:

Ճշտմ են սուլիչները լեռներից անդին,
— Ռողուց հողաղուրկին՝ կարմիր քաղաքից:
Աւ ձգվում է դյուզը անհանգիստ, անհանգիստ,
Մի մասր ելել է արդեն ոտի,
Թռչում է սուրճանդակ քամին հանդերից,
Լեռները կասլում են ալ կարմիր դոտի:

Որոշ իմաստով «Գյուղերի երպը» պոեմի շարունակությունն է «Եհսութիշերից մինչև առավոտ» պոեմը։ Իմադերիալիստական պատերազմին այստեղ՝ փոխարինում է քաղաքացիական կոիվների մարտադաշտը, որի ֆոնի վրա Մահարին՝ դժագրում է պյուղական միամիտ, սահմանափակ պատանու անցումը ունուցուցիոն գիտակից ուայքարի դիրքերը։ Գյուղական անձունկ հորիզոնից ոտք դնելով քաղաքացին միջավայր, հաղթահարելով կյանքի դժվարությունները, ուատանի Ալեքը՝ պոեմի հերոսը, դուրս է դալիս մեծ կյանքի ճանապարհը։ Այս է պոեմի բովանդակությունը. ընդհանուր դերով։ Մակայն պետք է ասել, որ զեղարվեստական կատարման իմաստով պոեմն ունի լուրջ թերություններ. նախ և առաջ հերոսի քաղաքական լուսավորման պրոցեսը արված է թռուցիկ ուրվագծերով՝ ընկավ քաղաք, ծանոթացավ նոր մարդկանց, ապա բանտարկվեց և այնտեղից դուրս եկավ հոգեբանության նոր որակով։

Ծանրանալով արտաքին դեսքերի վրա, Մահարին աշքաթող է արել դեղարվեստական ստեղծագործության համար ամենապարտադիր պայմանը՝ հերոսի հոգեբանության մշակումը։ Ալեքը անհատականություն շունեցող, սոսկ զաղափարական խնդիր կատարող հերոս է։ Հերոսի հոգեբանության և բնակորության դեերի անմշակությունից բացի «Եհսութիշերից մինչև առավոտ» պոեմը շունի

նաև հստակ սյուժետային գծագրություն, դեպքերը զարգանում են թոխչաձև, չկա ներքին կապակցություն տարրեր դրվագների միջև՝ պոեմի ելման կետի և վախճանակետի միջև:

Մյուս էական թերությունը, որ բնորոշ է թե՝ այս, և թե՝ նախորդ պոեմին, այն է, որ Մահարին նախահեղափոխական շրջանի հայ գյուղի կենցաղի վերարտադրությունը տանում է գերազանցապես երևույթների նատուրալիստական թանձրացման ուղիով։ Բավականանք մի օրինակով։

Նայում էր լուսինն երդիկից,
ռԱստծու բաղարջը ընկած,—
Հիշեցի հորս, որ թքեց
Բաղարջին, կարիքից կրած։
Լուսինը նայում էր վերից,
Ու մայրս ժալտում էր նրան,
Դրել էր նա թույլ թևերը
Իր մղլած ծծերի վրա։

Դրական համարելով բանաստեղծի տենդենցը՝ պոեզիայի բառապաշարը հարստացնելու գյուղացիական խոսվածքի բնորոշ երանգներով, օգտըվելու կենդանի խոսքի արտահայոշական ձևերից, որը ինքնըստինքյան ուղղված էր անհյութ, «թորված», «նրբացած» լեզվամտածողության դեմ, այնուամենայնիվ, շենք կարող չնշել, որ Մահարին, հասնում է ծայրահեղությունների։ Ժողովրդական լեզվի տարրերի փոխարեն հաճախ նրա պոեմնե-

րում նույնությամբ, առանց ստեղծագործական մշակման, ուղղակի իմիտացիայի ճանապարհով վերարտադրվում են կոպիտ բառաձևերն ու բառիմաստները։ Դա, ըստ էության, պատճենում է գյուղացիական խոսվածքին, փսկ այդպիսի անմիջական պատճենման դեպքում, հասկանալի է, անհընարին է արտահայտել բանաստեղծի ընտրած թեմաների հետ կապված մեծ դադարիարներն ու հուզվերը։ Մահարու այս պոեմների պատկերային սիստեմը ևս՝ համեմատություններ, փոխաբերություններ, մակդիրներ, տեղ-տեղ գոյություն ունեն ինքնակա վիճակով (իմանժինիստական պոետիկայի ազդեցության հետքն է դա) և շեն արտահայտում տվյալ երևուցի էությունը։

Գեղարվեստական այս թուլությունները նկատելիորեն նվազեցնում են պոեմների հասարակական ներդորժության ուժը։

1929—30 թթ. Մահարին հանդես է գալիս մի շարք նոր պոեմներով՝ «Էն տարին», «Հերօջին մայիսը», «Արնախեղդ վարդեր» և այլն։ Դրանցից որոշակիորեն առանձնանում է առաջինը։ Այստեղ բանաստեղծը նույնպես հավատարիմ է մնում իր լիրիկական տարերքին, նույնպես անդրադառնում է նախասովետական հայ գյուղի նկարագրությանը, բայց նշանակալիցն այն է, որ Մահարու խոսքը այլևս չի բեկրեկվում, հին գյուղի դեսպերի ակա-

նատես պատմողը սոցիալական իրականությունը
ներկայացնում է իր ընկալումներին համապա-
տասխանող ժողովրդական խոսքի ձևով.

Սևվ բացվեց էն սև տարին,—
(Կարգացողը տեսնի բարին),—
Կաքավն իջավ մամոռու քարին,
Կտուցը լիք կարմիր արին:
Լուրը մտավ, գյուղը բռնեց,
Ծեծեց երդիկ, ծեծեց դռներ,
Միծաղը մեր սրտում սառավ,
Իրար անշան մանուկ, պառավ:
Քյոխվեն կանգնեց կտրի ծերին,
Փեշատած թուղթ բռնեց ձեռին,
Ասաց.—Վերին ուժի կամքով,
Թաղավորի հրամանքով՝
Կոխվ բացվեց հենց էս ժամին
Տերության հետ մեզ թշնամի:
Պիտի գնալ, սկիտի գրվել,
Մեր վաթանի համար կովել:

Անցյալի մասին պատմող ծերությունների մեջ գյուղացիության սև օրերի վերաբերյալ դիտողությունները ներհյուավում են պատմական երևույթների բնորոշ գծերին: Ընդ որում բանաստեղծը հիմնական ուշադրությունը դարձնում է ոչ թե պատմող գյուղացու հոգեբանական ապրումների, այլ իրականության երևույթների յուրովի անդրադարձման վրա: Պատերազմը, փետըրվարյան ուսույուցիան, դաշնակցության տիրա-

պետության ծանր օրերը պոեմում կենդանի մարմ-
նավորում են ստանում։ Սակայն պետք է ասել, որ
ուղղուցիոն ժամանակաշրջանի նախապատմու-
թյունը շատ ավելի գունեղ է տրված, քան բուն ոհ-
վուցուցիայի արձագանքը հայ գյուղում։ Պատե-
րազմի ընդհանուր իրադրությունը և դրա հետ
կապված ուղղուցիոն տրամադրությունների հա-
սունացումը տրված են թանձր գույներով.

Էսպես անցավ երեք տարի,—
Կարդացողը տեսնի բարի,—
Քանի նամակ եկավ, գնաց,
Որը — մեռավ, Փրը՝ մնաց,
Որը կռվից դառավ կռնատ,
Շատերից էլ ոչ մի նամակ,
Տեսնես ընկան ո՞ր քարի տակ...
Մի նամակ էլ մի օր բերին,—
Թախտից ընկավ նիկոլ քեռին,
Ընդունեցեր լուրն էս բարի,
Պիտի ապրենք առանց ցարի...

«Էն տարին» պոեմի առավելություններից մե-
կըն այն է, որ Մահարու խոսքը մտնում է ոեալիս-
տական արվեստի հունը, որ նա, հետեւելով Հ. Թու-
մանյանի պարզ, ժողովրդային խոսքի տրադիցիա-
ներին, օդտագործում է ժողովրդական ինտոնա-
ցիաները, սկատերավորության և հանգավորման
սկզբունքները («Կաքավն իջավ մամուռ քարին,
կտուցը լիք կարմիր արին», «Գյուղը բռնեց սուգ ու
շիվան, արտուտները արտից թռան», «Մորեխն

եկավ արտը կերավ, հորովելը արտում մեռավ», «բայց, դե, ինչ-որ թագավորից՝ մեկ էր՝ թե դար երկնավորից»):

Պոեմի հյուսվածքը ուժեղանում է ժողովրդական զրուցի ինտոնացիայով («Անոյլ բացվեց էն սև տարին»), գեղջկական բառապաշարով («Նամակ առա իմ ազիզից, գրում եմ մեր պազիցից») մեմուարային ձևերով («Էն մի օր էլ ելանք, որ ի՞նչ», «Մի նամակ էլ մի օր բերին»), առածանման խոսքերով («Իրար անցան փեսա-աներ, էսպես աներ, էսպես բաներ»), կենցաղային խոսքի բառիմաստներով («Ո՞նց թե... ապրել անթագավո՞ր, սուտ է գրում շուն-շանորդին»):

Ժողովրդական խոսքի գանձարանին և թումանյանի պոետիկայի դիմելն ինքնին վկայում էր Գ. Մահարու ձգտումը դեպի ոեալիստական արվեստը:

Հայ ժողովրդի ուսուցիոն-ազատագրական պայքարի էջերին են նվիրված «Վերջին մայիսը» և «Արնախեղդ վարդեր» պոեմները։ Քսանական թրվականների հայ պոեղիան հաճախակի էր անդրադառնում այս թեմային (Ե. Զարենցի ուսուցիոն պոեմները, Ն. Զարյանի «Նոյեմբերյան օրերին», «Ապստամբություն», «Տաթևի ժայռից» գործերը և այլն):

«Արնախեղդ վարդերը», որ Մահարին անվանել է «Երվագներ», ներկայացնում է դաշնակցական

Խմբապետների գործադրած բռնությունը մայիսյան ապստամբության հերոսների նկատմամբ և նրանց արյունուր դատաստանը.

Ու դոփում են ձիերը,
Ու լուս է անծայր դաշտը,
Դաշտերը բուրում են դեռ
Արնոտ մի դարուն:

Հայաստանի բանվորների և գյուղացիների մայիսյան ապստամբությունից մի դրվագ է նաև «Վերջին մայիսը», որտեղ Մահարին վերաբռնադրում է «Վարդան Զորավոր» զրահապատի հերոսների ողբերգական մահվան դիշերը:

Այս երկու գործերում Մահարուն առավելապես հաջողվել է դաշնակցական գործիշների արյունուր ավաստակներից ցուցադրումը, քան ոնուցիոն մարտիկների կերպարները: Էականն այն է, որ Մահարին լավատեսական լուծում է տալիս ողբերգական թեմային, ընդդեմով մայիսյան հերոսակատումի պատմական արժեքը.

Ու Շիրակի հին դաշտերում
Նա դրնդաց, զնդաց նորից,
Ու մոտ թվաց՝ ինչ որ հեռու,
Ազատ թվաց՝ ինչ որ գերի:

Վաղվա մասին նա զրնդաց
Մեր հաղթական երգի մասին,
Հնի մասին մահագնաց,
Ու մարմնացած մեր երազի:

Գ. Մահաբու ստեղծադրժության մեջ կատարված գաղափարական տեղաշարժը՝ պասսիվ հայեցողական պոելիայից դեպի սոցիալական պրոբլեմատիկան, ավելի բազմակողմանի արտահայտություն է գտնում նրա բալլագներում։

Քսանական թվականները սովետական գրականության մեջ,— նկատի ունենք չափածոն, — կարելի է անվանել «բալլարային շրջան», այնքան հաճախակի են բանաստեղծները դիմում դեռևս XVIII դարից արևմտյան, ապա ուստի գրականության մեջ զարգացած այդ ժանրին։ Սովետական բալլարը, նրա վարպետների՝ Վ. Մայակովսկու, Ն. Տիխոնովի, Էդ. Բագրիցկու, Պ. Տիշինայի, հայ պոելիայում՝ Ե. Չարենցի կողմից թեմատիկական-արտահայտչական նոր նկարագիր է ձեռքբերում, ազատազրվելով ոռմանտիկական ուղղությանը բնորոշ խորհրդավորությունից, պայմանական սիմվոլներից, առասպելական ոլատմություններից, ֆանտաստիկական սյուժեներից։ Բալլարների հնագույն նմուշներին հատուկ այս գծերը սովետական բալլարում փոխարինվում են միանգամայն իրական պատմություններով և պատմական կոնկրետ հատկանիշներ՝ ունեցող հերոսներով։

Ինչպես ուրիշ, այնպես էլ այս բնագավառում, հայկական պոելիայի մեջ նոր ուղիներ բացեց Չարենցը, դնելով նոր որակի բալլարի՝ հերոսներով։

Կան ուսուցիոն մարտիրոսագրության ժանրի սկիզբը:

Չարենցյան բալլադներին բնորոշ գծերը՝ ոռ-
մանտիկական ինտոնացիան, դրամատիկական
սյուժեն, բալլադային սլաքիկ գործողությունը,
յուրահատուկ ոիթմիկան պահպանվում են նաև
Մահարու այդ ժանրի գործերում։

Սովետական բալլադն առհասարակ, Մահա-
րու բալլադը մասնավորապես ստեղծվեց ռևոլյու-
ցիոն մարտիկների հերոսության պատկերման
նպատակով։ Բալլադի արտահայտչական հնարա-
վորությունները շատ նպաստավոր էին հերոսա-
կան բովանդակությունն արտահայտելու համար։
Ահա, օրինակ, «Շուր սարի բալլադը» (1932),
որը ենթավերնագրված է «Նոյեմբերյան ֆրագ-
մենտ»։

— Ինչո՞ւ ես լուր, մայրիկ...
Ես հիշում եմ հիմա
Կոխվը Շուր սարին
— Ինչո՞ւ ես տխուր, մայրիկ...
Քանի կտրին ընկավ
Շուր սարի մութ լանջում։
— Դու լալիս ես, մայրիկ...
— Մաղիկներն են կանչում
Շուր սարերի լանջում,
Շուր սարերի վրա
Մի օր ընկան նրանք,
Հանդան որպես կրակ...

Այս, մնացին անտես
ես տրեին կարմիր,
Որ բարձրացավ, առևո,
Շուր սարերի լանջից...
— Դու ժպտում ես, մայրիկ...
— Շուր սարերի լանջում
Ծաղիկներն են կանչում...

Ահա ամբողջը՝ ընդամենը 10 տող։ Բայց այդ
սակավաթիվ շափառողերի տարողությունը մեծ է,
դրանք կրում են կարեսը բովանդակություն։ Հերո-
սական պայքարի մի ամբողջ դրամա է ամփոփ-
ված մոր և որդու զրուցի մեջ. արդար գործի, ժո-
ղովրդի երջանկության համար նահատակվել են
հայրենի աշխարհի կտրիճները, կարմիր արյունով
են ներկել նրանք հայրենի լեռները, կանչում են
նրանց սարերի ծաղիկները, բայց նրանք չկան...
Այս բալլագի մեջ ողբերգական կոլորիտը միա-
հյուսվում է լավատեսական վերջվածքին, հաս-
տատվում է դիտակցված նահատակության՝ ան-
մահության գաղափարը։

Մահարու լավագույն գործերին հատուկ խտա-
ցումը, մանրամասնությունների հավաք վիճակը
կանխորոշել են նաև այս բալլագի կառուցվածքը։
Առօրեական զրուց է նրա «սյուժեն»՝ հարց ու պա-
տասխանի ձևով, բայց այդ զրուցի մեջ կա բա-
վականաշատ գործողություն, ցավի ու հպարտու-
թյան տրամադրություններից հյուսվող ուժեղ դրա-

մատիզմ։ Այուժեի բացակայությունը նվազագույն շափով անդամ բալլաղը չի զրկում ներքին լարվածությունից և ամբողջականությունից։ Այս բալլաղի մասին կարծես ասված լինի ժանրին տված մերկ արագություն» (Ն. Տիխոնով) բնորոշումը։

Հերոսական նահատակության պրոբլեմի լուծման են նվիրված ոռու զինվորի, կարմիր ձիավորի, Բաքիլի քանովից կոմունարների մասին զրոված բալլաղները։

«Բալլաղ մի ոռու զինվորի մասին» դործի կենտրոնում դրված է Հայաստանի ազատագրական կոիլիների մասնակից ոռու շարքային զինվորի կերպարը։

Բալլաղը զրված է բանաստեղծի վերհուշի ձեզով՝ միայնակ, հոգնած ու տիսրությամբ լի քայլերով նա անցնում է երկաթուղային դժի մոտի արտուղով։ Երկաթուղային դժի վրա տեսնում է ճակտան արմած պատանուն։

Մի մթին դանդված դժերի վրա.

—«Ո՞վ ես»—... «Զինվոր եմ»...—«Ի՞նչ է պատահել»

Եվ արյունոտ եր ճակատը նրա,—

—«Քեզ ո՞վ է, զինվոր, գետին տառալաւել»։

«Խմբապետ Շապուն. — Թրեց երեսիս,

Թուլը պատրանով ճակատիս տվեց,

Ու ծակեց ուսրո. — արնաքամ եմ ես,

իսկ ինձ մոտ զտան մի բանի թոռոցիկ»։

Նա լոեց մի պահ... խոկ հետո ասեց՝
Տարված երազո՞վ, թե զառանցանքով.
—«Դոնից,, Վոլգայից, կդան կհասնեն,
է՞ս, ելման Վոլգա, է՞ս, ապստամբ Դոն...»:

Մահամերձ զինվորի վերջին խոսքերի մեջ
բանաստեղծը սիմվոլացնում է ռեռլյուցիոն խի-
ղախության պատմական արժեքը։ Ընդլայնվում են
բազաղի սահմանները՝ մեռնող զինվորի հիշողու-
թյունը վերաճում է պատմական այն իրողության
հաստատմանը, որ ուսւ ժողովուրդը օգնության
հասավ օրհասական վիճակում գոնվող հայ ժո-
ղովրդին։

Մահարին ոչ միայն վերաբերադրում է ուսւ
զինվորի հերոսական մահը, այլև անմիջականո-
րեն, միրիկական ջերմ ինտոնացիայով իր վերա-
բերմունքն է արտահայտում։

Ու օրեր անցան,—կանգնեց երկիրը,
Հոկտեմբերն եկավ նոյեմբեր ամսին,
Եվ վարդեր էին բոլոր վերքերը,
Ու նորը երգեց նոր կյանքի մասին։

Ու որքան օրերը անցյալ դառնան,
Որքան հեռանան գծերը նրանց,
Ես շեմ մոռանա նակատն այն արեած՝
Երկարուղային գծերի վրա։

«Ես շեմ մոռանա...» կրկներգը ավելի է ընդ-
գծում աղատագրական պայքարի մարտիկի ան-
մահության գաղափարը։

«Կարմիր ձիավորի մահը» (1927) բալադը
փոխադրություն է։ Դա դրված է ժողովրդական
տաքերին բնորոշ ոճով։

Չիավորները կարմիր,
Մերկ սրերը ուսիներին խփելով,
Արշավում են դեպի մայրամուտ
Ռապես բամի։

Բանաստեղծը չի պատմում, թե ինչպես մարտի մեջ մտավ կարմիր ձիավորը, ինչպես կովեց, ի՞նչ ապրումներ ունեցավ։ Նա միայն արձանագրում է փաստը. որպես բռչուն վիրավոր մեկն իր ծիուց զլորվեց ցած։

Սրան հիտեռմ է բանաստեղծի խորհրդածությունը։

Գնաց մի կյանք՝ ձիու նման Հողմաթե...
Լուց և ձայնը գնտի,
Ու ստվերները մթնեցին,
Եվ ջնջվեցին գույները,
Ու վարագույրն իշավ ծանր ու սի,
Նրա կապույտ աշքերին։
Նրա խարսչաշ մազերին
Ռղկույզները փռեցին
Հալկոն ուսիները՝
Ուսիները...

Կարմիր զինվորի հերոսական կերպարի
դժուգության համար Մահարին դիմում է բանա-

վոր ժողովրդական ստեղծագործությանը բնորոշ արտահայտչական միջոցների՝ վշտացող բնություն, լացող, տխուր ուսոխներ, ձիավորների երթի հիպերբոլա («Եվ արևմուտքում ձուլվում են, ձուվում են ձիավորները»), որն ավելի է ընդգծում մահվան հերոսական ռովանդակությունը:

«Բալլադ ուռենու, դարբնի սև տղայի և ելնող արեի մասին» գործում նույնպես Մահարին շիպատմում պատանի հերոսի կատարած այս կամ այն սխրագործությունը, այլ միայն հիշատակում է նրա հերոսական մահը և այդ ողբերգական մահվան մեջ բացահայտում է նրա օպտիմիստական, կենսահաստատ սկզբունքը:

Քսանական թվականներին համամիութենական պոեզիայի մեջ արտակարգորեն լայն տեղ է գրավում բանվոր գասակարդի ունույուցիոն պայքարի ամենահուզիչ և պայծառ էջերից մեկի՝ Բաքվի 26 կոմիսարների թեման: Այդ թեմայով բալլադներ ու բանաստեղծություններ են գրում Վ. Մայակովսկին, Ա. Եսենինը («Բալլադ օ двадцати шести»), Ն. Ասենը, Ն. Տիխոնովը, Ե. Չարենցը և ուրիշներ: Մահարու «Բալլադ Բաքվի և քսանվեցի մասին» ստեղծագործությունը իր մտահղացումով առավելասկես մոտ է շարենցյան բալլադին:

Ժողովրդի ազատագրական պայքարի մարտիկների գործի անմահությունը ցույց տալու համար, ինչպես հայտնի է, Չարենցը դիմում է Բաքվի

նավթաշխարհում ամեն օր շրջող կոմունարների
սիմվոլին:

Նույն կերպ է վարվել նաև Մահարին՝ շեշտը
դնելով ոչ թե նրանց հերոսական պայքարի այս
կամ այն դրվագի, այլ՝ նրանց և ժամանակակից
կյանքը կերտողների անխղելի դաշտավարական
կապի վրա.—

Ու հիմա ամեն օր, երբ բացվում է լույսը,
երբ արել Կասպից մութ ջրերն է ներկում,
երբ ջրերն են ծեծում Ապշերոնի ուսը,—
Վիշկաների խորքից Թուանվեցն է երգում:

Երգում է Թուանվեցը. լսե՛ք, լսե՛ք, լսե՛ք,
Դառնում են փոկերը, անխղների երգը.
Այն ո՞վ է, ո՞վ է որ նրանց գեռ շի լսել,
Ո՞վ է, որ շի տեսել բանվեցի դեմքը:

Մահարու էպիկան, մասնավորապես նրա ոռո-
մանտիկական ինտոնացիայով և հերոսական աս-
քի ոճով գրված բալլադը, ցույց են տալիս, որ բա-
նաստեղծի տաղանդը ավելի է մերձենում ժողո-
վըրդին, ավելի զդացուն է դառնում ժամանակի
այրող հարցերի նկատմամբ:

4

Մահարու սկսելիայի վերընթաց ուղու արտա-
հայությունը հանդիսացավ նրա «Մրգահաս» ժո-

ղովածում (1933): Դա ամփոփում էր բանաստեղծի 1924—32 թթ. գրած լիրիկական բանաստեղծությունները, ներառյալ նրա «Բարդիներ» (1927, Երևան), «Վարսակները» (1928, Թիֆլիս) փոքրիկ հավաքածուները և արդեն քննարկված էպիկան՝ պոեմն ու բալլադը: Այդ ժողովածում քննադատության մեջ առաջացրեց բավական աշխույժ վեճեր: Մխամրի և կաշվի բաճկոնակի, պտուտակի ու հաստոցի՝ վերացական կոսմիքականության և տեխնիցիզմի լայն շրջանառության պայմաններում «Մրգահասը» դիտվեց որպես անհատական լիրիկայի (այդ հասկացողության ոչ նեղ, կամերացին իմաստով) առաջին ընձյուղներից մեկը: Ե. Զարենցը, որ ուշի-ուշով հետևում էր Մահարուստեղծագործության զարգացման կորագծին, «Մրգահասը» համարեց սովետահայ լիրիկայի առաջին բանբերը, առաջին սուրհանդակը: Նա գրեց «Մակագրություն մի գրքի վրա» զերմ բանաստեղծությունը.

Երգերկ ազբյուր են զուլալ՝
Մեր երկրի սրտից բխած,
Դու մեր երկրի պես շռայլ,
Մեր երկրի պես հորդառատ ու բաց:

Կարդալով քո դիրքը անհուն՝
Հավատում եմ դալիքին մեր վեհ, —
Օ, որքան է սիրտը վեհանում
Որ նման երգեր է տվել:

Պայծառ է մեր երկրի դալիքը,
ՅՇ, բերրի հերկերի դուսան:—
Թող հավետ ապրի այս ծաղիկը
Մեր դաշտերում րուսած....1

Զափազանցություն է, անշուշտ, Զարենցի լնա-
ծայականը: Զափազանցված են թե Գ. Մահարու
լիրիկային տված գնահատականը («անհուն
գիրք»), թե բանաստեղծության տողերի արանքից,
իսկ նշմարվող պոլեմիկական ներլիցքը (Զա-
րենցի ենթադրում է, որ Մահարուց առաջ սովե-
տահայ բանաստեղծների տեսադաշտից վստար-
ված է, եղել մարդու հոգու երգը): Բայց այդ
շափազանցությունը ուներ խոր պատճառներ.
բանն այն է, որ լիրիկական բանաստեղծությունը
շատ դժվարությամբ էր հարթում իր ճանապարհը,
որ մեքենաների աղմուկը խլացնում էր ճշմարիտ
զգացմունքի պոեզիան, որ գրական «լուդղիտներ»
էին համարվում նրանք, ովքեր երգում էին սեր,
բնություն, մայրական կարուտ, մի խոսքով դիմում
էին այսպես ասած՝ հավիտենական մոտիվներին:

Գ. Մահարին իր անտիպ «Ինքնակենսագրու-
թյան» մեջ բերում է մի երկու օրինակ այն մասին,
թե ինչպիսի դժվարությամբ էր նվաճվում սեր ու

¹ Ե. Զարենց, Գիրք ճանապարհի: Բանաստեղ-
ծության բնադիրը դանվում է Երեանի Պետական համա-
լսարանի հատուկ ֆոնդում, զրված «Մըղահասի» մի օրի-
նակի գրաւ:

բնություն երգելու իրավունքը։ Նրա սիրային մի բանաստեղծությունը («Զգիտեմ, քեզ եմ սիրում, թե իմ սերը») «Գրական դիրքերում» ամսագրում տպագրվում է «մտքերի փոխանակության կարգով...», իսկ պեյզաժային բանաստեղծության («Հերջալուս») համար 1927 թ. նա հեռացվում է Գրողների Միությունից։ «Սկսեցի ինձ համար գրել լիրիկական բանաստեղծություններ և պահել, տպել՝ ֆելիետոններ, ակնարկներ, կինո-ռեցենզիաներ և գլուխ պահելք¹։

Լիրիկայի նկատմամբ նման անհանդուժողական, «ձախ» վերաբերմուքն էր պատճառը, որ Զարենցը «էպիկական լուսաբաց» դրքի մի շարք բանաստեղծություններում այնպիսի մարդնչող կրքոտությամբ էր հանդես գալիս «կարմրագեստ ֆիլիստերների» և աղանդավորների գեղադիտական մոլորությունների քննադատությամբ՝ հանուն սովետական մարդու հոգերանության արտացոլման, հանուն մարդու անհատականության բազմակողմանիության, հանուն այն բանի, որ պոեզիան հայուանա սրտով։

Զարենցի՝ հայ պոեզիայի, պարագլուխի և մեծ նորարարի վերաբերմունքից հետո էլ «Մրգահասը» գրական որոշ տաքարյուն օրենսդիրների կողմից համարվում էր սովետական դադարախոսու-

¹ «Ինքնակենսագրություն»։

թյանը բոլորովին խորթ, «նեղ բուրժուական» տրամադրություններ արտահայտող, աշխարհայացքի իմացաբանական հիմքով՝ իդեալիստական գիրք¹:

Մահարու ժողովածուն, արդարեւ, ունի հանկառություններ, որոշ բանաստեղծություններում, իրոք, արտահայտվել է հոգեկան դրաման այն մտավորականի, որ Նի ըմբռնում պատմության օրինաշափությանը (դա վերաբերում է 1924—26 թթ. ոտանավորներին), իսկ ամբողջության մեջ այն սոցիալիստական պոեզիայի երևույթ է:

«Մրգահաս» ժողովածուի մեջ մտած շատ բանաստեղծություններ վկայում են, թե ինչպես բանաստեղծը աստիճանաբար թոթափելով հին պատկերացումների բեռը՝ ձգտում է մոտենալ ժողովրդական լայն թեմատիկային՝ մի կողմից, և մարդու կենդանի անհատականությանը՝ մյուս կողմից:

Նրա էվոլյուցիայի մասին հստակ գաղափար կարող է տալ միևնույն նյութի շուրջը գրած երկու բանաստեղծությունների պարզ համեմատությունն իսկ։ Առաջին բանաստեղծության նյութը վերաբերում է Մահարու կյանքի վաղ շրջանին։

Այս, հին այգու դռան ես,
Կնստեհ տրտում,
Կիշներ գիշերն անեղի
Այգում իմ և իմ սրտում։

¹ «Դրական թերթ», 1934, № 8:

Երկրորդ բանաստեղծության մեջ «այգու» բանաստեղծական կերպարը հետևյալ ձևափոխությանն է նեթարկվում։

Ե՛կ, անգին, երգիս այգին,
Ե՛կ, այնպես զով է այնտեղ,
Ե՛կ, զգա շոմշը կյանքի,
Ու քաղիր շողուն վարդեր։
Ե՛կ, անգին, ես քեզ համար
Պահել եմ վերջին նուռը,
Գիշեր է, լույս է վարար
Ու բաց է այգուս դուռը։

Մի դեպքում անելանելի թախիծ, անափ տըրտմություն, տխուր տրամադրություններ, հոգու մենակություն, աշխարհի առաջ իր դռները փակած հոգու տառապանք, գորշ, մթամած գույներ, մյուս դեպքում՝ աշխարհի գեղեցկության դգացողություն, արևային, պայծառ, ծիծաղկուր գույներ,—առույգ հնչուններ, մարդու սիրո և մարդկանց հետ ձուվելու կենսահաստատ պաթոս, մի դեպքում՝ հեռացում, օտարացում մարդկանցից, մյուս դեպքում կյանքի ու մարդու ցնծագին փառաբանություն։ «Երգի այգու» կերպարի լայն մեկնաբանությամբ արդեն Մահարին հոշակում է իր նոր վերաբերմունքը կյանքի հանդեպ, իր բաց, արևային, լուսավարար հայացքը դեպի իրականությունը։

Անգամ Մահարու նախասիրած թեմաներից մեկը՝ գաղթի ծանր ճանապարհներով անցած որք

մանկության թեման, չնայած ողբերգական կոլորիտին, հնչում է պայծառ, արևացին գույներով։ Այս տեսակետից հայ պոեզիայի հազվագյուտ զարդերից մեկը կարող է համարվել «Բալլադ Զաւոյի և առաջին սիրո մասին» բանաստեղծությունը։

Չալոն իմ շունն էր, շալշալ աշք ուներ,
Չալոն շրնաղ էր, ողայծառ Չալո,
Ընկնում էր ոտիս, աշքը փակում էր,
Շածկվում էր տատիս շալով։

Ես հանում էի մեր հին դղրոցից
Գույնգույն լաթեր ու սրմա,
Չարդարում էի պոշից մինչև վիզը
Ու տանում դաշտերը նրան։

Չալոն քայլում էր պշրուհու նման,
Սլվան պոշը բռնած ցից,
Քսվում էր ոտիս, մոռում էր մոայլ,
Մոռում էր հպարտ հաճույքից։

Մեղմ, փափուկ, ջրաներկերով նկարած այս «խաղաղությանը» հետեւում է նրա հակադրությունը։

Դաղթի մութ ճամփին կորավ իմ շունը.
Ո՞վ գիտե՞՞ր ձին կոխոտեց....
Շուրջս մեռնում էր վերջին աշունը,
Չմնաց ինձ ոչ մի ընկեր...»

Բնդամենը շորս տողի մեջ Մահարին ծավա-

լում է մի ամբողջ «լիրիկական դրամա»՝ համաշխարհային առաջին պատերազմում կորած մանկության մասին:

Կառուցվածքով անշափի հետաքրքրական այս բանաստեղծության մեջ Մահարին Զալոյից բացի մտցնում է նաև երկրորդ սիրո՝ խաժ աշքով ու ոսկեգույն մաղերով աղջկա կերպար-սիմվոլը, զուգահեռի միջոցով ավելի խորացնելով ողբերգական, սիսուր մանկության թեման։ Եվ այնուամենայնիվ, այդ ողբերգության անկարագրության» մեջ անգամ Մահարին սկահպանում է զգացմունքի մաքրությունը՝ «Զալոն իմ շունն էր շալ-շալ աչք ուներ, Զալոն շքնաղ էր, պայծառ Զալո» կրկնակի տիսուր երանգին միախառնվելով զվարթ ինտոնացիայի մի նուրբ շիթ։

«Թալլադ Զալոյի և առաջին սիրո մասին» բանաստեղծությունը՝ լիրիկական խոր հնթաքնագրով, կուռ կառուցվածքով, հուզական շնչով դըրված մի գործ,—կարող է դրվել Ս. Եսենինի «Собаке Качалова» հայտնի բանաստեղծության կողքին։ Ինչո՞ւ հիշեցինք ուսւա բանաստեղծին։ Իհարկե ոչ թե ազդեցություն ցուց տալու նպատակով,— կենդանու միջոցով մարդկային հարաբերություններ և հոգեբանական վիճակներ ներկայացնելու գեղարվեստական հնարը ավելի հին է, քան այս երկու բանաստեղծությունը,— այդ հիշատակությունը առաջ եկավ երկու բանաստեղծության մեջ

Էլ ինոր լուծում ստացած մտահղացման զուգադիպության առիթով:

Այս բանաստեղծությունների «գործողության դաշտը» միանգամայն տարբեր է: Մեկը կապվում է պատերազմի, գաղթի տարիների հետ, մյուսի միջավայրը՝ քաղաքային կյանքն է: Մեկի նյութը «պատմական» է, մյուսինը՝ ժամանակակից: Բայց դա չի խանգարել, որ բանաստեղծությունները նման լինեն ոչ միայն առանձին մանրամասների մեջ (Եսենինյան «ты по собачьи дьявольски красив», շվախենանք գործածել՝ հայկական կըրկնակն է Մահարու «պշտուհու նման» քայլող Զալոն), այլև իրենց ենթաբնագրով: Զալոյի և Կաշալովի շան պայմանական «կերպարները» հագեցված են այնքան կենդանի և կրքոտ զգացմունքով, որ շոշափելիորեն բացահայտում են սովորական, առօրյա հանգամանքների մեջ սճնված գեղեցիկ կյանքի, գեղեցիկ երազի, գեղեցիկ սիրո գաղափար:

Զալոյի մասին գրված երգի ուղղակի շարունակությունն է «Թարդիներ» բանաստեղծությունը.

Ես մոքը եի դեռ, մոքը էի իս,
Աշքեր ունեի բարի ու մեղմ,
Արտերի ճամփին տեսա ես քեզ,
Դու այնքա՞ն աղջիկ, այնքան անմեղ:

Առաջին հանդիպում... և ինձ թվաց,
Որ նման ես դու ճերմակ գառի,

Ուզեցի քեզ հետ դաշտը գնալ,
Ու հասնել ճերմակ բարդի ծառին:

Ուզեցի, բայց դու գնացիր տուն,
Ու երազ դարձար, դարձար վերհուշ,
Փռվեց դորշագույն մի իրիկուն,
Մի թողար հաշեց հևովից հեռու:

Տիրագին-նուրբ ինտոնացիայով («Ու դլխիս
վրա խշում էր դաշտերում թողած ճերմակ բար-
դին»), արտաքուստ հովվերգական կենցաղ հիշեց-
նող միջավայրի մեջ (լուսնիա դաշտ, պյուղական
խրճիթ ու դեզ, ճամփի եղերքին բարձրացած բար-
դիներ և այլն), Մահարին ցուցադրում է ճշմարիտ
զգացմոնքի ընդհարումը կոպիտ փրականության
հետ, դարձյալ առաջադրելով դեղեցիկ սիրո գաղա-
փարը:

Մահարու, այսպես կոչված, «սիրային լիրի-
կան» հետաքրքրական է ոչ միայն իր ռաոցիալա-
կան ներլիցքով»: Դա սովետահայ պոեզիայի մեջ
անպայման ուշագրավ երեսութ է նաև նրանով, որ
բանաստեղծը մարդկային ամենախոր զգացմունքի
ուժը արտահայտում է ոչ թե դիդակտիկ խրատա-
կաններով, այլ սիրո զգացմունքին բնորոշ անկեղ-
ծության ու քնքշության բարձր սինթեզի մեջ:

Այս առումով լիրիկական փայլուն բա-
նաստեղծություն է նրա «Կարոտը».

Սիրած ուկն աղջիկ, դեղին, հասկն աղջիկ,
 Աղջիկ իմ, զինջ աշքով,
 Իզուր տարվեցիր դու անձրևների կանչից,
 Իզուր հոռացար դու...
 Ապրում էիր պայծառ դաշտերում իմ հոգու,
 Շաղիկ էիր բացված,
 Բարդու մի ծառ էիր, իմ բարդենի, իմ քույր,
 Իմ ծաղկավոր անցյալ...
 Ա՝ խ, անձնեից հետո դու ծիածան դարձար,
 Շքեղ, հուր ու երահ,
 Բլուրներին ընկար, արոտներին արձակ,
 Ու մարգերի վրա...
 Հետո ցնդեց այն էլ. ու՞ր ես, սեր իմ սիրած,
 Ոսկեթև իմ թիթեռ,
 Աղջիկ էիր, թե վիթ, ցնորս, մուժ ու միրաժ,
 Աղջիկ էիր միթե...
 Ահա օրը բացվեց լիմոնի պես լուսե
 Ու նրա պես անուշ,
 Ա՝ խ, էլ ոչինչ, ոչինչ իմ սիրտը չի հուղի
 Ախ, էլ ոչ մի անուն,
 Սիրած, ոսկե աղջիկ, լուսե օրրան,
 Միիր էլ չե՞ս դառնա.—
 Եկ խառնվիր երգիս, այս արևոտ օրվան,
 Այս զրին ու գարնան:

Մահարու բանաստեղծություններում ծայրա-
 գույնի է հասցված հուզական սկզբունքը, լիրիկա-
 կան ինտոնացիան: Նրա գործածած բառը, բացի
 չիմնական, տրամաբանական իմաստից, փր. մեջ
 միաժամանակ պարունակում է բազում նրբերանգ-
 ներ. բառը նա մեծ մասամբ գործ է ածում զգաց-

մունքի թելադրանքով, որիշ խոսքով մեծ ուշադրություն է դարձնում բառի և ֆրազի էմոցիոնալասոցիատիվ հնարավորություններին: «Սիրած, ուկե աղջիկ, դեղին, հասկե աղջիկ», — կապակցության մեջ «դեղին, հասկե աղջիկը» տրամաբանական իմաստով բավականաշափ հեռու է ստույգ պատկերացում հաղորդելուց, բայց դրվելով «ուկե» էպիտետի հետ՝ միևնույն շարքում, ավելի է ուժեղացնում պատկերի հուզական ու իմացարանական տարրությունը: Բանաստեղծի խնդիրը այստեղ ոչ միայն նվազայնությունը ուժեղացնելուն է հանգում, ոչ միայն բառերի հյուսվածքի երաժշտական հնչեղությունն է ընդգծում, ոչ միայն չի խլացնում պատկերի առարկայական բովանդակությունը, այլև օդնում է երևույթի ռեալիստական վերաբրտադրությանը: Բանաստեղծը գերազանցապես տալիս է ուրիշագծեր («իմ ծաղկավոր անցյալ», «անձրևից հետո դու ծիածան դարձար», «ուկեթև թիթեռ»), որոնք այնքան հարուստ են էմոցիոնալ-ասոցիատիվ նրբերանգներով, որ նրանց կողք-կողքի դրվելը արդեն ստեղծում է աղջկա գեղեցկության կոնկրետ, շոշափելի պատկերը:

Բանաստեղծական լեզվի մեջ գերիշող էմոցիոնալ տարրը՝ ամեն մի գեղարվեստական ստեղծագործության համար պարտադիր հատկությունը, առավելապես ներդաշնակում է Մահարու պետքածված լիրիկ բանաստեղծի խառնվածքին: Մա-

Հարին ընդգծված բանաստեղծական անհատականություն ունեցող, աշխարհը դիտելու և լսելու իր սեփական կետը ճանաչող, բանաստեղծական իր ձայնով հանդես եկող քնարերգու է: Նրա ձայնը, իհարկե, այն ձայնը չէ, որ ինչքան աղմկոտ է, այնքան լսելի է: Ո՞չ, դա այն ձայնն է, որ այնքանով է լավ ու դուրեկան, որքան նման է փրեն, որքան հստակ է իր հնչյուններով:

Մահարու ինքնատիպությունը առավելապես արտահայտվում է նրա բնության երգերում: Ո՞ր բնությունն է նրան սրտամերձ: Առավելապես Արարատյան դաշտը՝ նրան բնորոշ արևային կոլորիտով՝ երկնամերձ, խշացող բարդիներ ու առվակների եղրին բուրող արծաթազօծ փշատենիներ, հստակ երկինք ու սլայծառ օդ, ծաղկուն այդեստաններ ու գյուղական ոլորապտույտ ճանապարհներ, ոսկե արտեր ու ոսկե հնձաններ, դաշտային ծաղիկներ ու արևի լույսի վարար ճառագայթներ:

Այս բոլոր պատկերացումները Մահարու պոեղիայի գեղարվեստական երանգներն են, այն հենքը, որի միջոցով նա արտահայտում է իր կապը կյանքի հետ:

Բայց Մահարին չի սահմանափակվում սոսկ պեյզաժով, բնության «շեղոք» նկարչությամբ: Բանաստեղծներ կան, որոնք բնության այս կամ այն պատկերը նկարում են ճիշտ, նմանողության առումով, բայց ոչինչ չեն արտահայտում, ոչ մի ի-

մաստ . շեն դնում պեյզաժի մեջ։ Ունի՝ արդյոք
Մահարին որոշակի կոնցեպցիա բնության իր եր-
գերում, ունի՝ բնության փր ըմբռնումը, թե՝ սոսկ
տալիս է ինքնանպատակ պատկեր։ Եվ եթե ունի
այդ աշխարհազգացողությունը, ապա «ո՞րն է դա՝
ընդհանուր գծերով։

Մահարու պեյզաժը ավելի է, քան սովորական
բնության պատկերը։ Լիրիկական մանրանկարների
մեջ դիպուկ, երբեմն անսպասելի շտրիխներով
փոելով հայրենի աշխարհի գեղեցիկ անկյուններից
մեկի շռայլ գույներն ու կոլորիտային երանգները՝
Մահարին արտահայտում է՝ Մարքսի խոսքերով
ասած՝ «Ժպտացող բնության» ըմբռնումը։ Մահա-
րու գլխավոր տրամադրությունը, որն անցնում է
նրա բանաստեղծությունների միջով—դա մարդու,
կյանքի, աշխարհի սերն է, բնության և մարդու
ներդպաշնակության զգացումը։ Ահա «Այգեստան-
ներ» (1927) բանաստեղծությունը, որտեղ բանա-
ստեղծը երգում է Արարատյան դաշտանկարի գույ-
ների շքեղությունն ու գեղեցկությունը։

Այգեստաններ մթին, սաղարթավոր ու վեհ,
Այգեստաններ, որոնք կարկարել են, տարվել
Բլուրների վրա ու բլուրներն ի վեր...
Այգեստաններ...

Այգեստաններ հուռթի ու կատաղի, հզոր
Բաղուկներով կանաչ ու մրգերով դնղին,

Այգեստաններ, որոնք վարարել են այսօր,
Սպասում են սիրով իրենց հավաքողին:

Խնկանման խաղող ու տանձ ու քալ ու դեղձ,
Իմաստություն՝ աշնան մրգերի պես հասուն,
Իմ մրգաստան երկիր, մրգանման իմ երգ,
Երգի նման տնմահ, Երդի նման ասուն...

Առեք, առեք երգը ոսկերառ ու հզոր,
Այգեստաններ բերրի ու ձեր գիրկը տարեք...
Այգեստաններ, դուք, որ վարարել եք այսօր,
Այգեստաններ...

③

Ուշագրավը այստեղ այն նոր հայեցողությունն է, որ Մահարին հանդես է բերում բնության հանդեպ: Անձուկ ու տրտում հին այգուց նա հասել է լայնասիրտ ու վարար այգեստանները, անհատական «հսի» նեղ հորիզոնից հասել է երգի ու երկրի սինթեզին («Իմ մրգաստան եւկիր, մրգանման իմ երգ»):

Մահարու երգերում բնությունը այն ճանապարհն է, որով նա ավելի սերտ է զգում կապը երկրի հետ, բնությունը այն ուղեցույցն է, որով նա զնում է դեպի նոր կյանքի փառաբանությունը.

Հոսում են երգերս հիմտ
Նման լուսաջուր գետի,
Անցնում եմ իմ երգերի հետ
Ողողված արևիդ շողքով.
— Ընդունիր երկիր, լնդունիր,
Խնդությունը քո պոետի,

Ես այս դաշտերի տրիբուն
Ու ծաղիկների ժողկոմ:

Մահարու բառարանում.. Հաճախակի հոլով-
վող «ամառային ոսկե սինի», «փառահեղ աշուն»,
«գարնան անձրև», «ոսկեհանդերձ բարդիներ»,
«անձրևով շնչող վարդեր», «լուսաջուր գետ», «հաս-
կերի բոց խրձեր», «շուայլ այգեստաններ» և նման
ուրիշ փոխաբերություններն ու մակդիրները,—
արևային, պայծառ երանդներ,— ցույց են տալիս,
թե որքան հարստացել է նրա լիրիկական հերոսի
հոգեբանական աշխարհը, որքան այդ հերոսը բաց
սրտով ու շպղտորված հայացքով է նայում աշխար-
հին: Իսկ այս արևային զգացողությունը ծնվել է
հետզհետե խորացող այն կապից, որ բանաստեղ-
ծը զգում է վերաշինության հզոր տենդով ապրող
իր երկրի, իր ժողովրդի հետ.

Օ՛, ողողիր մեր հուկիսները,
Ճորենով, մրգերով ու վարդերով.
— Հասումությո՞մ, դու որ գալիս ես
Ոսկեվոր, ոսկեվոր մեր արտերով...

Մարդկային անհատականության և ոկոլյու-
ցիոն փրականության, երգի և նոր կյանքի բնական
զուգորդումից են ծնվում բանաստեղծի՝ Հայրենի-
քին ձոնած հավատով զի խոսքերը.

Ես մի բառ քո ոսկեբարբառ
Ու անմահ պղնձե գրքում,

Ես-քո երգը, երգիւը վառ,
Դար իջած խնդության սարից:

- Բանաստեղծի տողերի մեջ անդրադառնում է
Նոր աշխարհի գեղեցկության ցոլքը.

Զնդա արևը թող
Իմ երգերի վրա
Ու իմ երկը անդող
Յերեկներին շռայլ,
Զնդա արևը թող,
Խնդությամբ իմ անտակ,
Իմ երգերի հորդուն
Երանդներին տարտամ...

Արբեցած նոր աշխարհի կառուցման պաթո-
սով, նոր մարդու փառահեղ գործերով ու վաստակ-
ներով, Մահարին իր պոեզիայի շրջապտույտի մեջ
է առնում կյանքի բազմազան երևույթներ՝ սկսած
Հայրենի դաշտերի կարմիր ծաղիկներից մինչև
Համայնական դաշտերի «քրտնաթոր հերոսները»:

Երկաթավոր մի բաղուկ մի նոր աշխարհ է կռում,
Մի նոր երկիր է երկնում նախրյան իմ երկրում,—

անկեղծ ոգեսրությամբ գրում է բանաստեղծը, աշ-
խատելով գտնել այդ նոր երկրի բանաստեղծական
արտացոլման ճշմարիտ ռիթմն ու պատկերը: Մա-
կայն այս նոր «սոցիալական պատվերը» նա չ'
հասկանում պարզունակացված ձևով, որպես ռան-
հատական ապրումի» և «քաղաքացիական պաթո-

սի» հակադրություն։ Նա չի մասնաւում մարդու կենդանի հոգեբանությունը, այլ որոնում է, երբեմըն սխալվում, չի գտնում, նորից որոնում է ժամանակի գլխավոր հույզը։

Նոր հունդեր կան հողի տակ,
Նոր ծաղիկներ կան բացվող,
Նոր մանուկներ սպիտակ,
Նոր առավոտ ու նոր ցող։
Սիրտ իմ պայծառ եղիր դու,
Աշխարհի դեմ, կյանքի դեմ,
Պարզ եղիր և իմաստուն,
Թող երգ լինի ժպիտը։

Արդեն 30-ական թվականների նախադռանը Մահարու լիրիկական շափածոյի մեջ ավելի ու ավելի նշանակալից տեղ են գրավում ժամանակաշրջանի աշխատանքային վերելքի զնդոցներն ու սովետական առօրյայի գծերը։

Երկնային ներկա, նոր առավոտ,
Նոր ծիլեր՝ աճող բերրի հողում,
Իմ ելնող երկիր, նոր իմ կարոտ
Թո բացվող օրն է իմ դեմ շողում։

Ճիշտ է, որ Մահարու մոտ պակաս են այսպես կոչված «օրյեկտիվ» բովանդակության բանաստեղծությունները առօրյայի կոնկրետ երևույթների մասին և մեծ տեղ են գրավում լիրիկական «խոստովանության» վրա կառուցված գործերը («Իմ երկիր, քո

ելման ժամին», «Երկիր դաշտային, կարմիր ծաղիկ», «Երգ սրտառուշ», «Մրգահաս» և այլն), բայց այս վերջիններիս մեջ բանաստեղծը արտահայտիչ պատկեր-սիմվոլներով վերարտադրում է ժամանակի որոշ դժերը:

Այդպիսի ընդհանրացնող կերպարներ են մըրդահասի, հայրենի հնձանների, ծաղկած, ուրախ ծաղիկների կերպարները։

Երբ բանաստեղծը դրում է, թի իր երգը հասել է երկրի «կարմիր մրգահասին», երբ ոգեշնչված փառաբանում է «երկնային» հարստությունը.

Օ՛, հնձաններ ոսկեղուռ,
Օ՛, հնձաններ իմ երկրի,
Որ որոտում եք այսօր
Նման անլուր մի երդի,
Դուք անգրավ ոստաններ
Առատության ու բերքի,
Որ բարձրացաք արյունոտ
Հողի վրա երեկի...—

և վերջապես, հավատարիմ զինվորի երդման նման ծնրադրում է հայրենիքի առաջ.

Քո արևով, քո դողով բացվեցին իմ աշքերը
Ու զարթնեցին քո շողով իմ երգերի դաշտերը,
— Չեմ բաց թողնի իմ ձեռքից քո դրոշը սրբազան,
— Սովետական իմ երկիր, Սովետական
Հայաստան,—

ապա դրանցով նա արտահայտում է սովետական իրականության գեղեցկության, հարստության, հասունության գաղափարը:

Մահարու «լիրիկական ֆրագմենտները», որոնցով նա արձագանքում է ժամանակի «հույզերին», ունեն իրենց անհատական, մահարիական բնորոշինունացիան:

Դա հնի փլատակների վրա բարձրացող նոր աշխարհի հանդեպ ցնծագին խանդավառության ինտոնացիան է. կյանքի յուրաքանչյուր նորություն բանաստեղծի հոգեկան աշխարհը ներկում է խնդության գույներով, արտաքնապես սովորական երեւյթի մեջ նա փորձում է դտնել դրա պատմական արժեքը:

«Խարկանքներ», բանաստեղծության մեջ Մահարին պատմում է իր երևակայական «ճանապարհորդությունը» դեպի հույզերի հին, կախարդական քաղաքը: Հնամյա մի տնակ, դուն սեմին իլիկը ձեռքին նստած մայրը. այդում բարդիներ և «երազային եղբեկանիների» բույր: Պատրանքը բախվում է իրական կյանքին, և բանաստեղծի առաջ փովում է իրական, սոցիալիստական քաղաքը.

Են բլուրն է... բարե, անգին,
Քաղաք երգի ու արեի,
Իմ երգերի մեծ երգարան,
Զահելության, փառքի օդրան,
Քաղաքների դու մայր քաղաք,

Սովետական իմ Նախրի,
Իմ սրտի սեր, իմ հատուցում,
Իմ մայր, իմ լավ, իմ Երևան:

Մտերմական ինտոնացիայի («Բարե անդին», «Իմ մայր, իմ լավ, իմ Երևան»), ռեալիստական հիպերբոլայի («Քաղաքների դու մայր քաղաք»), նպատակը չի սահմանափակվում սոսկ Երևանի գովով. Երևանը դառնում է սովետական ընդհանուր կյանքի վերելքի սիմվոլը («Սովետական իմ Նախրի»):

Քսանական թվականների հայկական պոեզիայում առանձնակի զերմությամբ են երկվում երերոի ապագա կառուցողները — այսօրվա մանուկները (Հիշենք Զարենցի «Մի հոկտեմբերիկի», Գ. Սարյանի «Մի մանկան», Ն. Զարյանի «Հանրիկին» բանաստեղծությունները և այլն): Մանկական աշխարհի յուրահատուկ պաշտամունքը արտահայտում էր բանաստեղծների վառ հավատը դեսի երերոի պայծառ ապագան:

Այդ մոտիվը ծրագրային մեկնաբանություն է ստանում նաև Մահարու «Գաղել մանուկների մասին» բանաստեղծության մեջ.

Կարկաշում եք ամենուր, — լուսե՝ մանուկներ,
Չեղ տեսնում եմ ամեն օր, — լուսե՝ մանուկներ:

Օրորոցում, փողոցում, գնդակ խաղալիս, —
Դուք ամեն տեղ բախտավոր, — լուսե՝ մանուկներ:

Մեր մանկությունը անցավ ավար ու խավար,
Մշուշներում ախտավոր,—լուս մանուկներ,

Եկեք, լցրեք մեր կյանքը, կանչում եմ ևս ձեզ—
Հայրենական ծարավոր,—լուս մանուկներ:

Վարդերով ենք ղարդարել ճանապարհը ձեր.
Կամարներով փառավոր,—լուս մանուկներ:

Խոսելով Մահարու լիրիկայի հասարակական
բովանդակության հարստացման, նրա պոետական
տեսադաշտի ընդլայնման, թեմատիկայի նորոգ-
ման մասին, չի կարելի շնչել նաև մի կարևորագույն
տարր ևս, առանց որի լիրիկան դադարում է այդ-
պիսին լինելուց: Դա զգացմոնքի ճշմարտացիու-
թյունն ու թարմությունն է, խոսքի ու պատկերի
հուզական հագեցվածությունը: Մահարու լիրի-
կայի վարակիչ ուժի ակունքն այն է, որ նա զրում
է «զգացված պատկերներով», կենդանի տպավո-
րությունների հիման վրա, ինչ-որ շափով օգտավում
է իմպրեսիոնիստական պոետիկայից: Բայց «իմ-
պրեսիայի» մոմենտը այս դեպքում չի ստիլիրում
իրականությունը, տպավորության «հատակում» չի
թաքցնում իրական, կոնկրետ առարկաները, այլև
խստիվ անհատական երանգ է տալիս նրա դեղար-
վեստական մտածողությանը: Պոետական դիտո-
ղականության այս անմիջականությունը Մահարու
շափատողերի վրա գցում է մի հաճելի, շարաճճի

ժպիտ, զվարթ կատակի մի բարակ շիթ, մի անակլնկալ երանդ, մի անսովոր շարիխ։ Ահա, օրինակ ինչպես է ներկայացնում նա իր՝ պոետի ծնունդը։

Այս ծպրիդներ շատախոս
Հուսընկայի ռհետ,—
Մնվեցի ձեր պատճառով
Այսպես պոետ։

Կամ ահա լիրիկայի մեծ վարպետի մահարիտան հումորով գծագրված պորտրեն։

Երազ տեսա և...
Նստել եմ էսպես
Ականջս ձենի,—
Մտիդ խռնված։

Ու ներս մտար դու
Զվարթ, ժաղոներես,
Ռւստա Կարոյի
Ականջիդ բռնած։

Անմիջական դիտման ճանապարհով Մահարին իր տպավորությունը հասցնում է համարյա թե ֆիզիկական շոշափելիության, Այդպես են մասնավորապես նրա բնաւատկերները, ծաղիկների ու բարդիների, անտառի ու անձրևի մասին դրած նրա երդերը («Երեք բարդի», «Կարմիր կակաչ», «Հովհերդություն», «Գարնան անձրև է խշշում», «Անձրև

է քո այսու վրա», «Խշում են բարդիները», «Մերգեյ Եսենինին» և այլն):

Մրանք ոչ միայն երգեր են, այլև քնքուշ նկարներ՝ լիրիկ գունանկարչի կողմից վրձինած: Այդ նկարների մեջ ընթերցողը շոշափում է ժայռի կրծքին ծաղկած զվարթ, կարմիր կակաչի գեղեցկությունը, գարնան անձրևի երգը, հայրենի աշնան ակվարելային պատկերը, սաղարթախիտ բարդիների նազանքը, Արարատյան գաշտի արևի զրնգոցը, գարնան հետ ծաղկած վարդերի ֆնտշությունը:

Մահարու լիրիկան իր հակասությունների ու ձևական որոշ թուլությունների մեջ իսկ (անհաջող, ինքնահնար բառադրծածություն, բառախաղեր հիշեցնող շափառողեր, հանդակաղմության մեջ ասոնանսի շափազանցված ընդգծում, երբեմն մշուշապատ այլաբանություններ), սովորահայ լիրիկայի զարգացման ուշագրավ էջերից է:

Նրա լիրիկան կրկնակի հետաքրքրություն է ներկայացնում՝ պատմական և արդիական: Պատմական արժեքի մասին փնքը Մահարին լավ է ասել Զարենցին նվիրված բանաստեղծության մեջ.

Առաջին տերեաթափ, ահագին և անկապան,

Այդ հողմ էր, փոթորիկ էր, սամում,

Տանջանքով երկնում էինք նոր երգի նոր ապագան,

Եվ այդ էր... արյում... քամում:

Իսկ արդիական արժեքը այն է, որ Մահարու լիրիկական բանաստեղծությունը զգալի հետք է թողել հայ պոեզիայի վրա։ Ժամանակակից հայ բանաստեղծներից՝ Համդ Սահյանը, Հրաչյա Հովհաննիսյանը, Վահագն Դավթյանը, Սաղաթել Հարությունյանը ստեղծագործական ազդուկներ են ստացել Մահարու զվարթ հումորից, «բալաղի ամարաթներից», «շուայլ այդեստաններից», նուրբ սիրերգներից, նրա անձրևի ու անտառի երգերից։ Չեր սխալվում Զարենցը, գրողների համամիութենական առաջին համագումարում արտասանած ճառում նշելով նաև Գ. Մահարու սովորհայ պոեզիան հարստացնող «նուրբ և ինքնատիպ վարպետությունը»։

5

Քսանական թվականների վերջին տարիներին Մահարին սկսեց պոեզիային զուգահեռ գրել նաև արձակ։

Նրա արձակ ստեղծագործությունն առանձնահատուկ ձգողական ուժ ունի, առանձնահատուկ գեղարվեստական գրավչություն։ Դրսնով է բացատրվում այն պարագան, որ քննադատությունը իրբեմն նրան ավելի արձակագիր է համարում, բան բանաստեղծ։ «Ասպարեզ եկավ իրքեւ բանաստեղծ, բայց այսօր հաստատել է իրեն ու գրական մնայուն արժեքների տեր դարձել իրքեւ արձակա-

գիր»: (Լ. Հախվերդյան, «Մահարու գրիչը», «Սովորակ» 1957, № 10):

Հակիրճ մի արտահայտությամբ եթե փորձենք ձևակերպել նրա արձակի գրավշության գաղտնիքը: Կարող ենք ասել. Մահարին ունի իր ստեղծագործական դեմքը, իր սեփական ոճն ու ինտոնացիան:

Հնուց եկող անխախտ ճշմարտություն է, որ արվեստի ստեղծագործություններում կարեռադույն մոմենտներից մեկը սեփական դրելաձեռնանալն է՝ ինքնատիպությունը: Չեխովը՝ աշխարհի մեծագույն ոճաբաններից մեկը, ասել է, եթե գրողը շոմի սեփական ոճ, նա անհուսալի է դրականության համար, իսկ եթե ունի այդ պարզեց: ապա կարելի է խոսել նրա ստեղծագործական աշխատանքի մյուս կողմերի մասին: Խոսքն անշուշտ ոճի ընդարձակ, բազմատարր ըմբռնման մասին է: Դրա մեջ մտնում են ոչ միայն հեղինակի կիրառած ոճաբանական հնարները, գեղարվեստական ֆրազի կառուցման յուրահատուկ ձևերը, պատկերավորման գույների պեսպեսությունը, այլ գերազանցապես այն մոտեցումը, սկզբունքը, մեթոդը, որով արվեստագետ-գրողը բացում է արժարժվող նյութի կեղևը, կյանքի փաստերը վեր է ածում գեղարվեստական պատկերի, իր տաղանդի ուժով լուսավորում է իրականության այսինչ կամ այնինչ կողմը, ընդհանուր, արծարծված կամ բոլորովին անմշակ, խոպան թեմային տալիս է մի-

այն իրեն հատուկ գեղարվեստական մեկնաբանություն։

Այս տեսակի ից՝ ինքնատիպության, իրեն խառնվածքին հավատարիմ մնալու առամով Գուրգեն Մահարու ստեղծագործությունը, մասնավորապես նրա արձակը շափաղանց հետաքրքրական երևույթ է, նրա ինքնատիպ գրելածնը հայ գրականության մեջ շունչի իր նախորդը։

Զվարթ Հումորի շիթերով հադեցած, համառոտ, բայց մանրամասն, ամեն մի տողից ժպիտներ արձակող, երբեմն տրամաբանական ու քերականական շարահյուսման արտաքին կանոններին շենթարկվող նրա խոսքի հյուսվածքը ծնունդ է այն արվեստագետի հոգեկան կառուցվածքի, որը երեւուցիներն ու աշխարհը դիտում է իր սեփական հայացքով, որի ֆրազի կառուցվածքի և ինտոնացիայի մեջ անգամ զգում ես հեղինակի գեղարվեստական և նույնիսկ՝ մարդկային անհատականությունը։

Գուրգեն Մահարու արձակը մեր առաջ չի բացում կյանքի բարդ ծալքեր ու լայնահուն բնագավառներ, արձակագիրը ժողովրդական կյանքի վերաբերյալ լայնաշունչ ընդհանրացումներ չի անում. սակայն միշտ հավատարիմ է մնում իր տարերքին. մնում է նույն անմիջական, ճշմարտախոս գրողը. որ իր տեսած, ապրած, զգացած կյանքի երեւուցիները մատուցում է այնքան անկեղծ ու բնական,

որ համարյա մոռանում էս գրական պայմանականության մասին:

Ինչ թեմա էլ շոշափի Մահարին՝ լինի դա հեռավոր մանկության անմեղ հուշ, թե ժողովրդական ողբերգության որևէ պատկեր, քաղաքացիութեան կոհիվների մասնավոր դրվագ, թե ամենասովորական, այսօրվա միջադեպ, անհետացած կենցաղի պատկեր, թե մարդկային հոգերանության որևէ «կամերացին» դրություն, — մենք բոլոր դեսպերում զգում ենք դրանց հեղինակին (Մահարու ստեղծագործության գլխավոր հերոսին), որը, շկաշկանդելով իրեն նախապես հորինած սյուժեի շրջանակներում, կարծես թե մտածում է բարձրաձայն, իրեն համար, մեկուսի ասված մտքերը, իր զննումները, իր տպավորությունները դարձնում է ընթերցողի սեփականությունը:

Մահարու արձակ էջերում ստեղծագործական պրոցեսն ու արդյունքը, կոնկրետ դիտողությունը և դրա վերածումը գեղարվեստական պատկերի այնպիս ին համընկնում միմյանց, որ թվում է, թե ֆրազները, մտքերը, պատկերները հենց նոր ծնվեցին գրողի մոտ, հենց նոր նոր տեսավ երեսութը, թեև նրա գրելաձեր ենթարկված է խիստ հաշվենկատ, մտածված, կուլտուրացի որոշակի աստիճանի հասցված վարպետության օրենքներին:

Մահարու արծակի առաջին դիրքը՝ «Սիրո, խանդի և Նիցցայի պարտիզանների մասին» խոսքով, լույս տեսավ 1929-ին։ Պատմվածքների այս ժողովածուն, ինչպես նաև դրանից հետո գըրված պատմվածքները («Կյանքի խաշմերուվներում», «Զիղղաղներ», «Ռտնաձայներ այգուց» և այլն), հետաքրքրական են ամենից առաջ նրանով, որ այսպես ասած պրոբլեմային գրվածքներ են։

Ի՞նչ պրոբլեմներ են արծարծում դրանք։ Գերազանցապես՝ հին և նոր կենցաղի, ընտանիքում բախվող հին և նոր հոգեբանության, սիրո և խանդի, ամուսնության և անհատի ազատության հարցերը։

Ամեն մի ժամանակաշրջան ունի իր խնդիրները, իր բարոյադիտական նորմաները։

Քսանական թվականներին ամենայն սրությամբ մեր հասարակական կյանքում և սոցիոլոգիական զրականության մեջ քննարկվում էր սովորական ընտանիքի ու պրոլետարական էթիկայի խնդիրը։ Անցյալի ժիաման ծայրահեղություններից մեկը այն էր, որ քաղքենիական հոգեբանության մնացուկ էր համարվում սիրո ազատությունը. անհատական զգացմունքները՝ սեր, խանդ, դռեհեկացվում էր ընտանիքի ու պրոլետարական բարոյականության հասկացողությունը։ Մահարին իր

պատմվածքներով «խառնվում է» այդ վիճերին՝ նուրբ հեղնանքով բանավեճ մղելով նման պատկերացումների դեմ:

Եթե մի շարք պատմվածքներում («Էջեր շան հիշատակարանից», «Սերը մաքրվող կոշիկների մոտ» և այլն), անհատական կենցաղի հարցերը լուծելու, կենցաղի մեջ նկատված արատները մերկացնելու համար նա ընտրում է գեղարվեստական անհաջող ձև (օրինակ շան բողոքը և «մտորումները» իր տիրոջ անհավատարմության մասին), մըթագնելով իննդրի լուծումը, ապա ուրիշ գործերում նա ճշմարտախոս գրչով հանդես է գալիս սխալ հայացքների քննադատությամբ: «Երբ գարունը բացվում է...» պատմվածքում, օրինակ, նա շարանընի ժամանակում է նկարադրում ուսանող Գարեգինի և ապա՝ բանֆակի աշակերտ Գոհար Սանոյանի միամիտ ըմբռնումները մորալի մասին (սերը, — դատում են նրանք, — «բուրժուական նախապաշտումունք է»), հասարակական պարտականության և անհատական զգացմունքի ենթադրյալ հակասության, մասին, և նույն «անմեղ» ժաղիտով էլ ցուցը է տալիս, թե ինչպես, այնուամենայնիվ, նրանց մեջ սկսում է գլուխ բարձրացնել կաշկանդումներից աղատագրվող մարդկային զգացմունքը: Արձակագրի վիրաբերմունքը առավել որոշակիությամբ է արտահայտվում պատմվածքից կարծեք թե առանձնացած, բայց ըստ էության նրա ոգուն

Հարազատ հեքիաթի մեջ, թի ոլինում է մի աղջիկ (առանց «չի լինումի») հետո էլ մի տղա, նրանք փնտրեցին առիթներ իրար հանդիպելու և երբ բըռնեցին իրար ձեռները, այդ շատ դուրեկան թվաց նրանց. և մարդիկ ասացին, որ նրանք իրար սիրում են, նրանք քիչ էին հանդիպում մեկ-մեկու, իսկ երբ հանդիպում էին, աշխատում էին շտեսնելու տալ. Այսպես անցան գարուններ, ամառներ, աշուններ և ձմեռներ, մինչև որ նրանք ծերացան, ծերության օրերին անդամ, երբ նրանք պատահմամբ փողոցում հանդիպում էին, էլի կարմրում էին, կարմրում և խուսափում: — Ես ձեզ կպատմեի այս հեքիաթը, բայց միևնույն է, ձեղանից ո՞վ կհավատա դրան...»:

Սիրո պրոբլեմը հետաքրքրական լուծում է ստացել «Սիրո, խանդի և նիցցայի պարտիզանների մասին» պատմվածքում: Իրար դեմ-դիմաց կանգնած են դաշնակցական բանակի հարուստ սպան և շարքային ունուցիոնները: Նրանք երկուսն էլ սիրում են Մելինին: Սա մեկի մեջ ողնահատում է» նրա հարստությունը, բարեկեցիկ վիճակը, մյուսի մոտ՝ պայմանականությունից ազատ զգացմունքը: Ո՞ւմ հետ դնալ, ո՞ր ճանապարհն ընտրել, ո՞րն է ճշմարիտ ուղին: «Ես մարդ եմ և մի կյանք ունեմ, — ասում է Մելինը, — ես ուզում եմ քո սեղանի վրա, այդ ատրճանակի փոխարեն նիցցայից պատվիրված գեղեցիկ ծաղիկներ տեսնել.

ես նրանց հոտն եմ սիրում և ոչ թե ձեր վառողի հոտը։ Իսկ դուք ուզում եք բոլորիս վայրենացնել...։ Մելինը, սակայն, չի բմբոնում, որ ծաղիկների բուրմունքին հասնելու համար անհրաժեշտ է «աղատագրել նիցցայի պարտիզաններին», աղատագրել այն մարդկանց, որոնք իրենց «քրտինքով աճեցնում են բարիքներ և ծաղիկներ»։ Մահարին իր ուսուցիոներ հերոսի վարքագծով հաստատում է այն գաղափարը, որ ծաղիկների աղատադրումը ձեռք է բերվում միայն մարդկանց աղատագրելու համար մղվող պայքարով, որ սոցիալական հակադիր ուժերի ճակատագրական բախման մեջ ծաղիկներից առավել կարևոր է կամուրջ գրավելը, գրոհի դնալը, իր կողքին՝ ամեն մի դժվարություն տանող, ժամանակավոր հոգսերին դիմացող, սլայքարը դնահատող սիրած կին ունենալը։

Այդպիսին չէ Մելինը. Նրան խորի են աշխատավորական այն հոծ ղանգվածները, որոնք սեփական բազուկների ուժով աճեցնում են գեղեցկության, մարդկայնության, հումանիզմի ծաղիկները, որոնք կերտում են իրենց ապագան։ Մելինը դաշնակցական սպայի հետ փախչում է արտասահման։ «Այն ժամանակ ինձ հետ կուլող ընկերները կարող են վկայել, — պատմում է ուսուցիոները, — որ ես լավ կռվեցի, ավելին՝ ես խիզախ հրաշքներ գործեցի։ Ամենավտանգավոր գրոհի նա-

խօրյակին, երբ հիշում էի Մելինին, ամեն ինչ
հեղտ էր թվում, ամեն ինչ թեթև ես երգելով էի
կովում, ես երգում էի խանդը, բարձրացնող, պայ-
տարի մղող խանդը»:

Մի շաբթ պատմվածքներում՝ «Աշնանային
պատմություն», «Հուսինը ձախից, կամ սովորա-
կան սեր», Մահարին ցուցադրում է անկազմա-
կերսկ ընտանիքի ողբերգությունը. վոքրիկ երեխան
զոհ է զնում մոր սիրախաղին («Աշնանային պատ-
մությունը»), Արամ Թեանյանը ինքնահոսի թող-
նելով ընտանիքը, կանգնում է կնոջ դավանանու-
թյան փաստի առաջ («Հուսինը ձախից...»):

Մահարու այս պատմվածքների մեջ շկան քան-
դակված կերպարներ ու հոգիքանական «լուրջ»
գործողություններ. սլատմվածքներում գերիշողը
հեղինակի սուրյեկտիվ ինտոնացիան է, դեսկերի
մատուցման, այսպես ասած, հարեանցի, ի միջի
այլոց սլատումը, զրույցի ձևը: Նա զրուցում է ըն-
թերցողի հետ, զրուցում է հերոսների հետ և նրանց
մասին, նրանց մասնակից դարձնում իր խոհերին.
Նրանց առաջ դնում պատասխան պահանջող հար-
ցադրումներ—ինչպես վարվել կյանքի այս կամ
այն հանգույցի նկատմամբ:

Դժբախտ վերջաբան ունեցող այս գրվածքնե-
րում Մահարու գույները տխուր են, մտախոհ, շա-
ղախված վշտի փնտոնացիայով. «Երրորդ օրն է,
ինչ գալիս է կիալոն, նստում է մի ծառի տակ և նա-

յում է իր ընկերոջ տան փակ պատուհաններին:

Տեսնես ի՞նչու էլ չի դալիս Սերժը:

Իսկ որթատունկերի տակ խաղալները ծիծառում են, քա՞՞հ-քա՞՞հ ծիծաղում» («Աշնանային պատմություն»):

«Իսկ ձախից ոչ մի լուսին շրաբճրացավ, որպեսզի լուսավորեր գոնե մի սովորական սեր, ուրիշ մի սիրուց լուսնահար» («Էլուսինը ձախից...»):

Սակայն նրա տիսուր երանգները փոխվում են իրենց հակադրությանը, դառնում են զնդուն, լուսավոր, ժպտացող, երբ նկարագրում է աշխատանքի մեջ փորձված, ճշմարիտ զգացմունքներից և բնական հարաբերությունների մեջ ծնված սերը:

«Արևոտու փոշուտ ճանապարհով գնում էր Կուսադարոցի ուսանող Սերգոն, ճամփու պաշարի և զրքերի պարկն ուսին, քթի տակ մոմուալով փնչ որ դաշտային երգ», — սկսում է Մահարին հերոսի նկարագրությունը («Էլեկտրական լուսին»), ապա անդրադառնում է մանկական լուռ «Հիշողություններին»՝ ջաղացը գետափին՝ թամուշի հետ միասին «կառուցած», գյուղական առաջին դպրոցը, մինույն նստարանի վրա նստած՝ առաջին բառերը՝ հեղելը, հետո էլեկտրակայանի հիմնադրումը՝ խնձորադաց-ջրադացների տեղը, կոմսոմոլի բջիջի վկայականով քաղաք մեկնելը, — և պատրաստ է մի կերպար-կենսագրություն, նոր մարդու հիանալի բաղադրություն, որի ներքին աշխարհը ամբող-

զովին ողողված է նոր կյանքի վարար լույսով, որի համար փոխադարձ սերն ամենամեծ բարիքն է կյանքում, «Նա տեսավ փողոցում էլեկտրական լույսը, իսկ վերևում լուսինը... էլեկտրական լուսինը...»:

«Երդի և աշխատանքի լեզուն» պատմվածքը մի սովորական կենցաղանկար է:

Հունաստանից հայրենադարձ Մելքոնը Քանաքեռդէսի հիվանդանոցում ծանոթանում է դժության քույր, ոուս աղջիկ՝ Լիզային և ամուսնում։ Ահա ամբողջ «այսօժին»։ Բայց ինչքան կենսուրախություն, պայծառ տրամադրություն կա ամուսնության «զավեշտ» հիշեցնող պատմովյան մեջ։ Նրանք շեն հասկանում միմյանց լեզուն, բայց լեզու շիմանալը ի՞նչ է նրանց հորդացող զգացմունքների առաջ։ Քանզորական ժողովում և Մելքոնը և Լիզան արժանանում են հարվածայինի պատվոգրի։

«Ռւդարնի՛կ, ուղարնի՛կ, խորոշո, և հարձակվեցի երկու ձեռքով նրա մի ձեռքի վրա ու սկսեցի թափ տալ։ Միծաղում էր և նա, և ինչ որ ասում էր իր լեզվով, բայց ես զգում էի, որ մենք հասկանում էինք մեկ-մեկի լեզուն»։

Փոքր, բայց բնորոշ մի քանի շտրիխներ, և մեր առաջ վերակենդանանում են 20-ական թվականների կյանքի բնորոշ դույները, այդ տարիների ոիթմն ու լեզուն, այդ կյանքի պրոբլեմները։

Մահարու պատմվածքները, ասացինք, դրված

են խիտ, հակիրճ և մանրամասն: Նա ելնում է՝ այն դեղարվեստական նախադրյալից, որ շպետք է ասել ամեն ինչ, որպեսզի ընթերցողը շնորհի, որպեսզի նա՝ օդ ունենա շնչելու և տարածություն՝ խորհելու, մտածելու, լրացնելու համար մինչև վերջ շասվածը կամ մինչև վերջ շրացահայտվածը:

Մահարին կիրառում է պատմվածքների կառուցման յուրահատուկ ձևեր, խուսափում է սյուժենետահորինման ծանոթ, շատ գործածությունից անհետաքրքիր դարձած սխեմաներից և ուղղաղիծ ֆաբուլաներից:

Ճիշտ է, որոնումները երբեմն նրան տանում են դեպի ինքնանպատակ օրիգինալություն («Շան հիշատակարանը»՝ իր գոեհիկ անալոգիաներով), սակայն մեծ մասամբ հաջողվում են՝ ձևի մեջ շխլացնելով հեղինակի առաջադրած և ժամանակի համար լնորոշ այս կամ այն պրոբլեմը:

Կառուցվածքով ու սրամիտ լուծումով հետաքրքրական է «Հին այգու պատմությունը», որտեղ որպես գործող անձեր հանդես են կալիս ծառերը: Պատմվածքը սյուժե շունի, այդին ոլեզու առած» պատմում է իր հին և նոր տերերի մասին: Առաջին զրույց. «Ես նորից և նորից շնորհակալ եմ թեյնար թեյնարովիշից: Նորից խնամված են իմ արմառները, ծաղկաստանն այս տարի հարստացել է նորանոր բնակիչներով, իսկ անցյալ տարվա վայրի դաշտերի տեղ բնակություն հաստատեց կեշիների

մի նոր սերունդ»։ Բեյնար Բեյնարովիշը լիուզի վայելում է տերևազարդի կանաչ ծիծաղը։ Սակայն փոխվում են ժամանակները։ «Բեյնար Բեյնարովիշից խլեցին տունը և ինձ պարտիզանը նույն սիրով խնամեց. իմ ճյուղերը, բայց իմ ծառուղիներում երևացին օտար մանուկներ և տերևաթափի վերջին մրգերը նրանք կերան։ Իսկ պարտիզանի մեծ տղան, նա, որ ամեն օր մեկնում էր տնից սպիտակ ձեռներով ու վերադառնում սև ձեռներով, նա սկսեց ավելի հպարտ ման գալ»։

Այգու ծառերի զրույցի ընթացքում Մահարին գծագրում է հնի դանդաղ անեացման նուրբ և իրոնիկ պատկերը։ «Բեյնար Բեյնարովիշի տանը ինչոր վատ բան է կատարվում։ Նրանք արձակեցին իրենց սպասուհոմ և կառքը ծախեցին...», — պատմում է այգին։ Հինը այսպես անվերադարձ կերպով թողնում է իր նախկին դիրքերը, իսկ նորը, որ ներկայացվում է պարտիզանի սև ձեռքերով տղայի սիմվոլիկ կերպարով, վստահորեն մուտք է գործում կյանք։ «Պարտիզանի սև ձեռներով տղան ստացավ Բեյնար Բեյնարովիշի սենյակներից մեկը։ Սա հասարակ տեղափոխություն չէ, այլ կյանքի նվաճում՝ կապված ժամանակի օրինաշափությունների հետ («ընակենք մեր շինած տան մեջ և վայելենք մեր մշակած այգու պտուղները»), — հորդորում է տղան՝ տիրոջը հավատարմորեն ծառայող պարտիզանին)։

Այսպես ծառերի խշոցի, նրանց զրույցի մեջ քանդակվում են այգու հին տերը՝ Բեյնար Բեյնարովիչը և նրա խեղճ, բայց հավատարիմ պարտիզ-պանը, ապա հանդես են գալիս սրանց որդի-ները, իրենց հոգեբանական աշխարհի յուրահա-տուկ փոփոխություններով։ «Հին այգու պատմու-թյուն» այլաբանական խոր իմաստ ունի. Բեյնար Բեյնարովիչի «անտրտունց» վտարումը աշխար-հից և սև ձեռքերով այգու վրայով փողոց անցկաց-նելու գործողությունը արտահայտում են այն իրո-ղությունը, որ հինը արմատներ չունի իր համար անհարազատ սոցիալական նոր միջավայրում, որ աշխարհի բոլոր պարտեզների և փողոցների ապա-դան ևսև ձեռներով» մարդկանց է պատկանում։ Սա անցվորների և եկվորների՝ 20-ական թվականնե-րին տարածված թեմայի յուրահատուկ արտահայ-տությունն էր։

Այդ թեմային է նվիրված նաև «Մայրը» պատ-մը վածքը։

«Զյունը թափավում էր։

Զյունը թափավում էր այսպես և մի տարի առաջ՝ Քաղաքն իր փողոցներով, տանիքներով ու ծառե-րով մուշտակավորվում է։ Շուրջը հանդարտ է, օդի ոչ մի շարժում, ոչ մի անհանգստություն։ Միայն թափավող փաթիլներն են խշում խուլ, ստորերկրյա-ցրի նման խուլ խշոցով։ Հատ ու կենու անդորր-ներ ձյան սպիտակ շերտով զարդարված շտապում

են ուր որ. նրանցից մեկը հավաց ու նրա ձայնը ձյունապատ փողոցում խուլ արձադանքեց:

...Մի կին գնում է:

Անութի տանի շորեղենի մի կապոց, ձեռքին պարենավոր մի վամբյուղ, դանդաղ ու դժվար գնում է նա»: Հակիրճ այս նախարանից հետո Մահարին ներկայացնում է միայնակ կնոջ մենախոսություն-խորհրդածությունը իր որդու՝ սխալ ճանապարհի վրա կանգնած Տեփանի մասին, որ հակապետական հանցանքի համար բանտարկվել է ուղղիչ տան «անարև խցում»: Մի տարի է, որ կալանավորված է որդին և այդ մի տարվա ընթացքում աշխարհից վերացած, վշտի տակ կորացած պառավ կինը ապրում է հոգերանության փոփոխության մի տանջալից ընթացք. «Չէ, նա չի տանի, որ բոլորի մայրերը հպարտանան փրենց զավակներով, իրենցը համարեն այս երկիրն ու նրա արել, իսկ ինքը, գլխիկոր, մաշի ուղղիչ տան սնուրախ ճանապարհը»:

Մոր մեջ կուլում են երկու զգացմունք՝ սերը գետի միակ որդին և այդ սերը հերքող գիտակցությունը, թե որդին սխալ ճանապարհի վրա է, արժանի չէ մայրական գորովագութ սիրուն. «Ամեն մարդ իր գործին, ամեն մարդ քարի վրա մի քար է դնում, մի շյուղ է հասցնում,— դո՛ւ միայն ծուռ ճանապարհի վրա, դո՛ւ միայն քո ձեռքով պատըմքած, դո՛ւ միայն...»:

Մայրական ցավի միջից լսվում է դատապարտող ինտոնացիան՝ հինը անրջող, հանցավոր մարդու նկատմամբ, որը պատմության տրամաբանությամբ դատապարտված է հեռանալու ասպարեզից:

Մայրը՝ իր արթնացած գիտակցությամբ կանգնում է նորի դիրքերի վրա,— և այս բարդ ընթացքը Մահարին տվել է բնական հարաբերությունների մեջ, որպես սովետական կյանքի առօրյայից կատարված հետևություն:

Ռեռլյուցիոն իրականությանը մերվելու մի ուժիշ դրվագ է ներկայացնում «Զիգզագներում» պատմվածքը։ Հայրենիքին օդտակար լինելու բարձր գաղափարով ներշնչված, բայց ժողովրդին ծառայելու ճշմարիտ ուղիները շնանաշող Վարդան Նարինյանը դառնում է դաշնակցական բանակի ակամա զինվոր։ Անցնելով պատերազմի ավերածությունների, պատերազմի դաժանությունների բովով, ականատես դառնալով հայ գյուղացիության և «խմբապետական» տարերքի խոր հակասությանը, մտորելով իր դրությունը «իսարժամանակներում», «Որոտ» խմբի զինվորը պատերազմի դաշտում ապրում է Հոդեկան լուսավորման ընթացք և այս անգամ ոչ թե ակամու, այլ խորին հավատով ու գիտակցությամբ կանգնում է սոցիալիստական ռեռլյուցիայի դրոշի տակ։

«Զիգզագներում» պատմվածքը, ինչպես առ-

Հասարակ, Մահարու շատ գրվածքներ, հյուսված
են առանձին ֆրազմենտներից, որոնց մեջ առերե-
վույթ բացակայում է ներքին միասնությունը։ Սա-
կայն դա այդպես չէ։ «Այսօժետային» կուռ մտա-
ծողություն շունենալը չի խանգարում, որպեսզի
ընթերցողը զգա նկարագրվող ժամանակաշրջանի
ընորոշ ոիթմն ու մարդկանց հոգեբանությունը;
առանձին ֆրազմենտների ետնախորքում տեսնի
փաստերի հոգեբանությունը։

Արտահայտման պարզությունը, գոմանկար-
շական կոլորիտը, մշտապես արթուն սուրյեկտիվ
ինտոնացիան, երբեմն էքսցենտրիկ, երբեմն մեղմ,
աշոյող՝ հումորը՝ Մահարու պոետիկայի այս հատ-
կանիշները փայլուն կիրառություն են գոնել
«Ռուսական այգուց» (1934—1954) պատմը-
վածքում։

Հոգեբանական առանձին նրբերանգներից, ·
կենցաղային հասարակ մանրամասներից հյուս-
ված, գունանկարչական թանձր ներկերով գրված
պատմվածքը բացվում է հետևյալ պոետական նա-
խարանով։ Օքամին երեկոյան ծովից էր փշում,
իսկ երբ բարձրանում էր լուսաստղը՝ սարից։ Այն
ժամանակ ծառերի տերևները շրջվում էին, Եվ ոչ
միայն ծառերի տերևները։ Շրջվում էին խաղաղ
հոսող ջրերի կնճիռները, տափակ տանիքների վրա
բացողյա կախված շորերը, քաղաքի վրա իշխող
քամու ջրաղացի պտույտը, բարձր հացենիների և

բարդիների վրա գիշերով թուշունների փետուրները, ինքը՝ գիշերը և Օհանես աղան...»:

Պոետական այս պատկերին հաջորդում է կյանքի ամենախեկական պրոզան՝ անհետացած քաղաքի տարեգրության կենդանի էջը, որտեղ Մահարին չորս եղբայրների կյանքի ուրուցն ընթացքի միջոցով փայլուն կերպով վերաբարեպրում է իր նկարագրած միջավայրի սոցիալական կառուցվածքն ու կենցաղը, գույքային, ոճնեցվածքային հարաբերությունները, հասարակական տարբեր աստիճանի վրա կանգնած մարդկանց հոգերանության ու կրքերի աշխարհը։ Մահարին թերեւ իր ոչ մի պատմվածքում այնքան ստուգապատում չէ, որքան այսուեղ, — այնքան բնական է նկարագրված հեռացած կյանքը՝ իր յուրահատուկ կոլորիտով, գույնով, ոիթմով։ Կարելի՞ էր սոցիալական հակադրության ավելի բնութագրական պատկեր ստեղծել, քան սովորական բնական այն տեսարանը, երբ երկու եղբայրները՝ վաճառական Եհանես աղան և շարքաշ հողագործ Միոն բռնում են քաղաքի ճանապարհը։ «Դեպի քաղաք ձգվող, ուրիներով ծառապատված լայն փողոցով գնում են։ Օհանես աղան է փր սպիտակ իշու վրա նստած, և Միոն՝ նստած իր մոխրագույն էշին։ Գորգալատ թամբով, հնչուն դանգուլակներով դնում էր Օհանես աղի սպիտակ էշը և նրա հետ, կողք-կողքի

Մխոյի անհամեմատ ավելի դեմոկրատիկ հագնը-
շված անասովնը... Շուկա են գնում...

... Նրանք կողք-կողքի առաջ անցան: Օհանես
աղու իշու աշխույժ զանգուլակները կենդանություն
և աշխուժություն են ներշնչում նաև Մխոյի անս-
սունին:

Մինչ կրտսեր եղբայրը, քթի տակ մեղմ եր-
գելով, «իշում» է զավակներին, գյուղը, վար ու
ցանքը, ավագ եղբայրը շոր անտարբերությամբ
որոճում է առևտրական վերելքի հետագա քայլերը:
Մինչ փոքր եղբայրը մտածում է կնոջ համար քա-
ղաքից ամենահասարակ նոլեր տանելու մասին,
Օհանես աղի «քթամատի ու ցուցամատի արան-
քում» հալվում է ոսկին: Երկու մարդ, երկու հոգե-
բանություն, երկու վարքագիծ: Կերպարը մեկնա-
րանելու ճշմարիտ, ոեալիստական ճանապարհն է
դա: Մահարին ընդգծում է հակադրությունը՝ սո-
ցիոլոգիական հավաստիությամբ: և վերլուծական
ղննումով, սակայն ընդգծում է այնպես, որ կար-
ծես թե շի էլ մտածում այդ հակադրության մասին:
Դա ինքնին է ծնվում, այնքան բնական են տրված
երկու եղբայրների քայլելու ձևը, դեմքի արտահայ-
տությունը, խոսակցությունը, նրանցից յուրաքան-
չյուրին բնորոշ «երազի» բովանդակությունը:

Այս պատմվածքում Մահարին ցուցադրում է
ասիական և հվրոպական կուլտուրաների ողբեր-

գական բախումը, կյանքի տերերի վհատեցնող ձանձրութը, հասարակական քնչերին ծալապատիկ նստած վաճառականների պերճախոսության դատարկությունը և կերտում է անմոռանալի դիմապատկերներ, որոնք իրենց ձևակերտման քանդակային պլաստիկությամբ և կոլորիտով հիշեցնում են Ակսել Բակունցի «Կյուրես» երգիծական վեստի միջավայրն ու հերոսները:

Պատմվածքում կերպարների բացահայտման ծանրությունը իրենց վրա են վերցնում կենցաղի այն բազմաթիվ մանրամասները, որ դիտում է գրողը անցյալ կյանքի մեջ։ Այդ սկզբունքով է գրված նաև Բակունցի երկը։ Բայց երկու դեպքում էլ «կենցաղայնությունը» չի խլացնում նրանց սոցիալական նորադարձությունը՝ հին կյանքի արտաքուստ «գրավիչ», բայց ներուստ խարխլվող գոյության երգիծական դատապարտումը։

Գրականության պատմության մեջ դիտված երեսութ է, որ երբ խսկական բանաստեղծները անցնում են արձակի, — դա սովորաբար տեղի է ունենում հասուն շրջանում՝ «արձակի հասակում», — նրանք բերում են իրենց հետ խոսքի կուլտուրա՝ հարգանք բառի նկատմամբ, բառի էմոցիոնալ, իմաստային արժեքի և նախադասության մեջ խոր թաքնված հնչունական հարստությունների ըմբռնում։ Իհարկե, ոմանց մոտ այդ անցումը տեղի է ունենում պոեզիայի կաշկանդիչ

սլատերից դեպի արձակի «ազատությունը» դուրս
դալու պահանջով, որը իբր ենթադրում է խոսքի
ծավալում, լայն հնարավորություններ է տալիս՝
լնթանալու «տարրեր ուղղություններով»։ Ոչ, այդ-
պիսին չի Մահարու արձակը—հակիրճ, խոսքի գոր-
ծածության մեջ ժլատ, պոետական, խտացած ար-
ձակ, որ երբեմն նրան տանում է դեպի անհասկա-
նալի լինելու, այնպես էլ շրացահայտված մնալու
վտանգավոր ուղին։

«Շամաշուղներ», «Փոքրիկ Վիտուշի մտած-
մունքները», «Օրեր», «Շառերը ուկեռվում են»,
«Գերեզմանատանը» պատմվածքները ամեն ինչ
մինչև վերջ շասելու, ծայրահեղորեն «թանձը» լինե-
լու պատճառով թողնում են անլուծելի ռեբուսների
տպավորություն Այս դեպքում չփ օգնում նաև գրո-
ղի նախասիրած սկզբունքի գործադրությունը՝
թերասվածը լրացնել երեսակայության և մտքի
աշխատանքով։ Դա է պատճառը, որ հիշատակված
է էլի ուրիշ պատմվածքներ դուրս շեն գալիս Մա-
հարու ստեղծագործական լաբորատորիայից, մը-
նում են գրողի «պահեստում», ընթերցողների։ մեջ
շեն գտնում այն հաջողությունը, որ ունեն նրա
լավագույն արձակ ստեղծագործությունները և
առաջին հերթին՝ ինքնակենսագրական տրիլո-
գիան։

Գուրգեն Մահարու ինքնակենսագրական տրի-
լոգիայի մեջ («Մանկություն»—1929, «Պատանե-
կություն»—1930, «Երիտասարդության սեմին»—
1955) առավել ցայտոն են արտահայտվել նրա
գրական վարպետության «տարօրինակ» գաղտնիք-
ներն ու դրելաձեի յուրահատկությունը, նրա տա-
ղանդի և կենսափորձի լավագույն կողմերը:

Մահարու արձակ հասկացողությունը ամենից
առաջ կապվում է գրվածքների այս շարքի հետ:
Այստեղ է ամենից առաջ փայլատակում նրա ձիր-
քը, այստեղից է ամրապնդվում նրա կապը ընթեր-
ցողի հետ, և վերջապես, այս երկերով է գիտակ-
ցըվում Մահարու տևական նշանակությունը նաև
գալիքի համար: Գրված շփներ Մահարու տրիլո-
գիան, հազիվ թե նա իր մյուս պատմվածքներով
գրականության պատմության մեջ նույն տեղն
ունենար, ինչ-որ նվաճել է...

Մահարին իր այս շարքին չի տվել ժանրային
որևէ անուն, ուստի և ինքնակենսագրական անվա-
նումը պայմանական է, քանի որ դա ոչ միայն հե-
ղինակի անցած կյանքի ժամանակագրական պարզ
հիշողությունն է, այլ՝ նախ և առաջ պատմության
խաչողիներում «հայտնված» մի ամբողջ սերնդի
անցած ճանապարհի ու ճակատագրի գեղարվես-

տական սլատմությունը՝ բեկված գրքի դլխավոր հերոսի հոգեբանության ու «հայացքների» մեջ:

Տրիլոգիայի մտահղացումը և գաղափարական խմաստը պարզվում է առաջին գրքին՝ «Մանկությանը» կցված պոետական հակիրճ նախաբանից, որտեղ Մահարին գրում է. «Տարիները աղոտել են շատ բաներ, ո՛, այս շատ գծեր են ջնջվել և շատ պայծառ դեմքեր մշուշվել: Ես ուզում եմ փրկել մնացածն ու հնարավորը իմ մանկության խորասուզվող մակույկից... Հիշել եմ ուզում, վերհիշել, և՛ գրել հեշտ և՛ թեթև, գրել և զգալ, որ քունքերս խփում են ներքին հուզմունքից, գրել անմշշուշ, պայծառ, պայծառ, այն քաղաքի երկնքի նման, ծովի կասկույտի նման, այդեստանների կանաչի ու լուսընկա գիշերների խորության նման...»:

Այս պարբերությունը, մանավանդ մանկության խորասուզվող ոսկե մակույկի բոլորովին անմեղ պատկերը, ապա նաև՝ պատանեկությանը տրված՝ «իմ ծափ, իմ ծիծաղ, իմ կապույտ, ոսկե պատանեկություն» գնահատականը, և վերջապես՝ մանկության անմոռաց օրերի գունային լճնորոշումները՝ «արծաթ ջուր», «ոսկե մակույկ», «կապույտ կարոտ» և այլն,— անցյալում, սրանից երեք տասնամյակ առաջ, որքա՞ն սխալ մեկնությունների և հեռում գնացող, քմահաճ եղրակացությունների առիթ են տվել:

Ի՞նչ էր ասվում Մահարու գրքի մասին:

Մահարին սրբաւործում է անցյալը, ծանր մանկությունը ներկայացնում է եվրոպական միջնադարի պատորալի՝ հովվերգության ձևով, Մահարին ուկեղօծում է արցունքու մանկության էջերը, կսկիծով ու ափսոսանքով է վերհիշում անկրկնելի ժամանակները, ողբում է «նացիոնալիստական անցյալի վաղաժամ կորուստը» (?!), — ահա, ընդհանուր գծերով, այն հիմնական առարկությունները, որոնցով հանդես էին գալիս Մահարու գրքի ընդդիմախոսները։ Որոշակիորեն սխալվում էր նաև գրողի այնպիսի բարեկամ, ինչպես Ե. Չարենցը։ Սակայն մի բան էր Չարենցի տեսակետը, մի այլ բան այն ծանր մեղադրանքները, որով հանդես էին գալիս մի շարք «անհանդուժող» քննադատներ։

Անցյալի իդեալականացման և անհատապաշտական հոգեբանության մեղադրանքը, որ հարուցում էին ուսպական մահակներով զինված «քննադատներ», տեղին կլիներ այն դեպքում, եթե Մահարին ինչ-որ շափով նվազեցներ կյանքի ողբերգական երևույթները, հարթեր իր պատկերած սոցիալական իրականության կնճիռները, եթե նա կյանքի մեջ եղած դրական որոշ սկզբունքների և դրական բնավորությունների կողքին անտարբեր «շեղոքությամբ» մոռացության մատներ ժողովրդի պատմության ամենաողբերգական շրջանի և նրա առավել ողբերգական հատվածի՝ արևմտահայու-

թյան գաղթի, տեղահանության, արհավիրքի տարիների ցնցող ու սարսափելի անցքերը։ Գրքի «արծաթաջուր», «ոսկեծամ», «ջինջ լուսնային» էջերի կողքին մահարիական ինտոնացիայով և հումորով, ողբերգական շնչով ներկայացված է զարդացման բնական հունից դուրս ընկած, աղավաղված, ցավաղին մանկությունը։ «Միամիտ, հիմար և ծիծաղելի ժամ,— խոսառվանում է գրքի հերոս,— քեզ կարող էր սանդեել միայն պատերազմը և աննորմալ այն տեղահանությունը, որ դարձրեց Հայերին և Սաթիկին, ինձ և Մելինին՝ բեղմնավորող ծաղկափոշի և առէջք, որոնք հանդիպում են միմյանց պատահական մի ձիու ստամփսի մեջ... իսկ ե՞րբ ձիու ստամփսի մեջ, որքան էլ բարեպատեհ լինի ծաղկափոշու և առէջքի հանդիպումը, ծաղիկներ են բուսել...»։

Էլ ի՞նչ ոսկեզօծում, երբ մանկության ճանապարհներին շեն բուսնում անգամ ծաղիկներ... Մահարին ակամա հերքում է անցյալի սրբագործման վերաբերյալ լեզենդը, բայց հերքում է մի տեսակ «ուրախ» ժպիտով, հեղնանքի ինտոնացիայով։ Սա Մահարու պոետիկայի, նրա գրելաձեկի յուրահատկությունն է։ Այս մասին հետաքրքրական դիտողություն է արել Մահարու գրքի ենթատեքստը ճիշտ կարդացած քննադատ Լևոն Հախվերդյանը։ «Ժպիտ էլ կա, ժպիտ էլ։ Տեսիք, թե ինչ դառնագին խաղ է խաղում թշվառացող ժողովրդի մասին»

սլատմող գրողի լեմքին, Կոտրված ժպիտ, որ շաղախված է արյունով, Նույն այդ ժողովրդի մասին ժպիտով շե՞ն գրել Պարոնյանը, Օտյանը, «Վշտի ծիծաղի» հեղինակ Առանձարը... Այս, կա նաև վշտի ծիծաղ: Բայց ինչու՞ վշտի ծիծաղ, երբ պետք է լինի վշտի լաց, Հենց բանն էլ այն է, որ ծանրադին վշտի մասին չի կարելի լալով գրել, մեծ երդիծարանն է ասել՝ խեղճության արտասուք թափելն՝ ապացուցել է, թե արյուն չունենք թափելու Դա ունի և իր գեղագիտական բացատրությունը: Մեծ վշտի այն ահ ու սարսափի, արյան ու ավերի մասին, որ Մահարու դրի նյութն է, առանց ժպիտի գրել՝ նշանակում է գրել այնպես, որ անհնարինի կարդալ: Դրա համար էլ գրականության մեջ այնքան շատ են ողբերգության մասին երգիծանքով գրող հեղինակները՝ Դիկկենս, Գոգոլ, Տվեն, Օտյան, Շոլոմ — Ալեյխեմ...»¹:

Հենց Մահարու տրիլոգիայի ենթարնագիրն է, որ վրիպել է «զինված աշքով» կարդացող այն քննադատներից, որոնք Մահարու գիրքը դրեցին անցյալի իդեալականացման պաթոս ունեցող գըրքերի շարքում...

Բայց ո՞ւր մնացին ծիծաղի ու ուկե մակույկի պատկերները, ինչո՞վ բացատրել այդ պարագան: Ամբողջ խնդիրն այն է, որ մանկության ժպիտնե-

¹ Լ. Հայկերդյան, Մահարու գրիչը, «Սովետական գրականություն», 1957, № 10, էջ 135:

ըլն ու պատանեկության ծիծաղները, որոնք շողում ու սլայթում են գրքի հյուսվածքի մեջ, որոնք լուսավոր ճառագայթներով ողողում են գրքի հերոսի ճանապարհը, անցյալի գեղարվեստական մեկնաբանության այն առողջ տենդենցի արտահայտությունն են, որ հիանալի ձևակերպել է Մաքսիմ Գորկիին «Մանկություն» հանճարեղ գրքում։ Գորկիին ասում է. «Մեր կյանքը նրանով չի միայն հիանալի, որ նրա մեջ այդպես առատ և շաղ է ամեն տեսակ անասնական անպետքության շերտը, այլ այդ շերտի միջով, այնուամենայնիվ, հաւթականորեն աճում է վառը, կենսունակն ու ստեղծագործականը, աճում է բարին, մարդկայինը, զարթեցնելով մեր վերածնության անխորտակելի հույսը դեպի պայծառ, մարդկային կյանքը»։

Մաքսիմ Գորկու հոշակած գաղափարական և գեղադիտական սկզբունքների, մանկության և պատանեկության թեմայի բացահայտման համար նրա մշակած նորարարական կոնցեպցիայի անմիջական և արդյունավետ աղղեցությամբ հայ գրականության մեջ հրապարակ են գալիս մի շարք գրքեր, այդ թվում Գ. Մահարու «Մանկություն» և պատանեկություն» (1929—1930), Ստեփան Զորյանի «Մի կյանքի պատմություն» (1934), Վահան Թոթովենցի «Կյանքը հին հոռմեական ճանապարհի վրա» (1934) երկերը։

Ինքնակենսագրական և ինքնավերլուծական

զգալի նյութ պարունակող, տարբեր ոճով ու մաներաներով գրված այդ ստեղծագործություններում հեղինակները ոչ միայն հաղթահարում են երկերը կենսագրական մանրուքների մեխանիկական հավաքածու դարձնելու վտանգը, ոչ միայն շենքայլում սուրյեկտիվմի արահետներով, այլև աշխարհագրական իմաստով միմյանցից հեռու, տարբեր միջավայրերի և տարբեր կենցաղի վարժված մարդկանց ճակատագրի ցուցադրման ճանապարհով վերարտադրում են հայրենի ժողովրդի պատմական կյանքի որոշ էտապներ:

Առանձին անհատների, ամենից առաջ գլխավոր հերոսների կենսագրությունը այս գրքերում, մեկի մեջ ավելի, մյուսի մեջ նվազ շափով, զուգակցվում է պատմությունը ցուցադրելու սկզբունքին:

Գուրգեն Մահարու տրիլոգիայի մեջ ևս հարազատորեն պահպանված է պատմականության սկզբունքը, ըստ որում հասարակայնորեն առավել «խոսուն», ավելի հնշեղ, պատմական տարողություն ունեցող մոմենտները այնքան ավելի մեծ տեղ են գրավում, որքան ավելի գլխավոր հերոսը հասունանում է իրադարձությունների հորձանութիւն, որքան ավելի շատ բան է տեսնում, լսում, հասկանում, և, որ ամենակարևորն է՝ «իմաստավորում»:

«Մանկության» մեջ, օրինակ, գույներն ավելի

մեղմ են, հերոսի տեսադաշտն ավելի անձուկ, միշտ ավագրի և հերոսի կապը՝ անմիջական։ «Պատանեկության» մեջ հորիզոնը լայնանում է, ողբերգական ցավի հնչյունները հաճախակի են դառնում, իսկ այս վերջինս «Երիտասարդության սեմին» գրքի համեմատությամբ ավելի սահմանափակ իրականություն է ընդգրկում։ Այստեղ հանդես են գալիս ավելի նշանակալից դեպքեր, նշանավոր անձնավորություններ։ Բայց «անձուկ» և «սահմանափակ» հորիզոնը, որ կա առաջին երկու գրքերում, արձակագրին բոլորովին էլ չի տրամադրում դեպի մի անհատի ես-ի կենսագրությունը։ Մահարին վարպետորեն այդ «եսից» կամուրջ է զցում դեպի ժողովրդի կյանքը, դեպի պատմական, սոցիալական, քաղաքական, կենցաղային այն իրադարձությունները, որոնք կատարվում են հերոսի աշխարհում, յուրովի արձագանք գտնելով նրա ներաշխարհում։

Անհատական և պատմական սկզբունքները Մահարու գրքում հանդես են գալիս անխղելի միասնության մեջ, մի տեսակ ագուցված իրար։ Նման մոտեցումը լայնացնում է գրքի ճանաշողականիմացաբանական շրջանակները, նրա «պատմականությանը» հաղորդելով ականատեսի և դեպքերի մասնակցի անմիջական զննումների հավաստիություն։

Ո՞րո՞ւ է, երկու խոսքով, Մահարու տրիլոգիայի

ընդհանուր, «մեծ» թեման. Հայ ժողովրդի արևմբռտյան հատվածի ծանրագին ճակատագիրը համաշխարհային առաջին պատերազմին նախորդող և հաջորդող տարիներին, նրա անասելի տառապանքը՝ դադիմի ճանապարհներին և ապա դաշնակցության տիրապետության օրերին, ժողովրդի մարդկանց անցուղիները ծանր կյանքի մղձավանջի միջով մինչև պատմական այն սահմանագիծը, երբ «Հառնեց երկիր նախրին՝ ավերներից և մոխրիներից, և հնամյա ու հավերժական Մասիսների առաջ պարզեց փոքրութակը մուրճ ու մանգաղով և Արարատի ծագող արևով»:

Սա, ըստ էության, նախրյան վշտի, նախրյան թախծի, նախրյան կարոտի թեման է, որ այնքան մեծ շափերով տեղ է գտել 10—20-ական թվականների հայ գրականության մեջ, որ այնքան ցավագնորեն վերապրել է առաջավոր հայ մտավորականությունը, նրանով գումավորելով իր հոգեկան աշխարհը, փոքրացմունքները, իր միտքն ու երեվակայությունը: Դա այն թեման է, որ գեղարվեստական փայլուն արտահայտություն գտավ Հովհաննես Թումանյանի, Ավետիք Իսահակյանի, Վահան Տերյանի, ապա Ծղիշե Չարենցի ստեղծագործություններում, այնուհետև փոխանցվեց գրական հաջորդ սերնդին...

Հայ գրականության համար վճռական նշանակություն ունեցող այդ թեման Մահարին վե-

սապատկերել է տաղանդավոր գրչով և ինքնատիպ
արվեստով։ Այդ թեմայի մեջ նա միաժամանակ
բացել է նրա տասնյակ ենթաթեմաները, նրա բազ-
մագույն արտահայտությունները՝ քաղաքական
ճնշում, սոցիալական անարդարություն, տնտեսա-
կան աղքատություն, մարդկանց հոգերանական
ծանր ապրումներ, լավ գալիքի և սլայծառ եղերքի
կարոտ, ցավ ու տառապանք, մարդկային արժա-
նապատվության կորուստ, որբություն, ազգային
վիշտ, — և այլն, և այլն։

Մեր հիշատակած ենթաթեմաները Մահարու
տրիլոգիայում շեն արծարծվում մերկ տենդենցի ու
անարյուն սխեմաների ձևով։ Դրանք գրքում գոյու-
թյուն ունեն որպես կյանքի պատկերներ ու դրվագ-
ներ, իմաստավորված պատմողի հոգերանական
յուրահատուկ ապարատի միջոցով։ Բացի պատմո-
վից, որ գրքի կենտրոնական հերոսն է, այստեղ
ներկա է նաև հեղինակը, որն անցած կյանքի, հե-
ռացած օրերի, «մոռացված» հուշերի նկատմամբ
ունի իր վերաբերմունքը, իր գաղափարական
ուժը։

Դեպքերը նկարագրում է ականատեսը, դրանք
իմաստավորում է դարձյալ ականատեսը, — բայց
արդեն հասունացած, ըստ որում այս վերջինը
ավելորդ «միջամտություններ» շի անում, տեղի-
անտեղի «չի խառնվում» հերոսի ապրումի ընթաց-
քին, այլ մի օթաքնված ակնարկի, մի ժամանող հա-

յացքի, մի լիրիկական շեղման, հումորի մի երանգի միջոցով արտահայտում է իր վերաբերմունքը։ Գ. Մահարու գրելածեփի այս առանձնահատկությունը («թաքուն տենդենցը»), դրքի վրա ոչ միայն չի գցում պասսիվ հայեցողության ստվեր, այլև օդնում է խոր, ճշմարիտ արվեստով լուծելու ժողովրդի ճակատագրի պատմական թեման։

Չովաշունչ, խիտ այգեստանների և կակաչների մեջ թաղված վան քաղաքում է անցնում հերոսի անկրկնելի մանկությունը։ Դա անկրկնելի, բայց ամեննեն էլ անխոռվ, փոքրական, «խաղաղ» մանկություն չէ։ Մահարու դրքի մանուկ հերոսը, ճիշտ է, երգում է այդ մանկության դրվագների «կապույտ շղթան», բայց այդ երդի մեջ այնքան ցավագին տիսրության շեշտեր, այնքան ողբերգական հնչյուններ կան, որ այդ երգը դառնում է քայլասումն այն կոպիտ միջավայրի, որտեղ անցնում են աշխարհի վրա դեռ նոր միայն աշք բացող հերոսի առաջին տարիները։ Մանուկ հերոսին դեռ անծանոթ են գաղթի ու արհավիրքի ծանր օրերը, նա դեռ վերահասու չէ «շարյաց պատճառներին», իրականությունը նայում է մանկան լըպղտորված, վճիտ աշքերով, նրա ընկալումները կոնկրետ-զգայական հայեցությունից այն կողմ չեն անցնում, բայց այդ անմիջական պատկերացումների մեջ Մահարի-հեղինակը այնքան շատ ճշմարտություններ ու «գաղտնիքներ է» հուշում

Մահարի-Հերոսին, Մանկության հիշողությունները
վերապատմելու ճանապարհով արձակագիրը ցու-
ցադրում է, թե ինչպես են մեծ կյանքի դեպքերը
կաթիլ-կաթիլ ներծծվում երեխայի հոգու մեջ, ինչ-
պես են «դրսի» անցքերը խոր ճեղքվածքներ թող-
նում նրա մանկության մեջ, ինչպես են արտաքին
միջավայրի դրվագները սևով ներկում հերոսի
պայծառ մանկությունը, Հիշենք հոր մասին պատ-
մըված եղելությունը. «Հիշում եմ, որ մեկը մեռավ,
թե՝ իրեն սպանեց:

— Աձմունց պարոն Քրիքորը...

— Քո խոր՝ քեռիդ սպանեց, — ասաց գրեթե
շշնչալով՝ ինձանից մի քանի տարով մեծ, մեր դրա-
ցի Շերումը:

— Ինչի՞...

— Դհեզ, շե՞ս դիտե, հերդ արմենական էր,
քեռիդ՝ դաշնակ...

— Բա քո խերն ի՞նչի...

— Հնչակ...

Հնչակ, դաշնակ, արմենակ, — միայն այս
մնաց Հիշողությանս մեջ այս եղերական վրույցից»:

Այլարանական իմաստ է դրված հոր ողբեր-
գական մահվան պատկերի «շարահյուսման» հիմ-
քում. մանուկ հերոսի հոգու առաջին ցավը կապե-
լով նաիրյան քաղաքում գործող քաղաքական
պարտիաների գործունեության հետ, Մահարին
բարձրացնում է մանկության վարագույրի մի ժայ-

ԱՌ՝ ի ցույց դնելով դաշնակցության արկածախընդիր գործիշների «պատմական» «հերոսակառումը»:

Գրքի հաջորդ դրվագներում՝ «Խորհրդավոր գիշերներ» և «Վանքը», ինչոր շափով «լուսավորված» հերոսը պատմում է դաշնակցության «ազգափրկիչ» «վաստակների» մասին, իր ձեռվ բացահայտելով քաղաքական ավանտյուրիստների և ժողովրդի հասարակ խավերի միջև գոյություն ունեցող խոր անդումնդը:

Ահա «հերոսներից» մեկը՝ խմբավետ հշխանը, որը բոնությամբ խեղճ ու կրակ գյուղացիներին ստիպում է զենք դնել.

«— Ապա,— դարձավ հշխանը երեք գյուղացիներից մեկին,— մոտ առի...»

Մեկը առաջ եկավ:

— Դու ինչո՞ւ զենք չես առնում:

Գյուղացին շոքեց զետնի վրա և բազուկները տարածեց.

— Հշխան փաշա ջան, ոտքերիդ խողն եմ...

— Պատասխան տուռո... մի քառշ դա...

— Զըմ կանա... մեկ կով ունեմ, էն էլ ծախեմ, ճժերոց ինչպես պախեմ...

— Կոճու Դավոն, — ասաց հշխանը, — զործի անցիր...

Կոճու Դավոն, մի փափախավոր աժդահու, մտրակը ձեռքին առաջ եկավ:

— Տու դռան...

Բարձրացավ մտրակը և շաշեց ծնկաշոք գյուղացու վզին, նա ցավից կծկվեց և ուզեց վեր կենալ...»:

Այս «խոսուն» մանրամասնը, առանց սոցիոլոգիական հավելյալ միջնորդության, առանց հավակնամիտ «գաղափարայնության» ի՞նչքան շատ բան է ասում հերոսի ապրած կյանքի ողբերգության մասին, ի՞նչքան անսպասելի «գաղտնիքներ» է բացում մանկան առաջ:

Առհասարակ նման բնորոշ մանրամասնություններով առատ են Մահարու «Մանկության» էջերը: Ահա նաև «Զուգհակներ» գլուխը՝ հին աշխարհում մարդու ողբերգության մի թանձր, ավարտված պատկեր: Զուգհականոցի տերը՝ Հակոբ աղան, տիրոջ իրավունքով և տիրոջ մոլուցքով խորտակում է երկու պատանիների՝ Սեղրակի և Քինոյի նորաբողբոջ սերը: Ի՞նչ սոցիոլոգիական վերլուծություն կարող է փոխարինել անմեղ հոգիների կործանման ցնցող պատկերին: Հակոբ աղան երիտասարդ զուգհակին հրամայում է իր դազգահից շորս արշին կտավ կտրել սիրած աղջկա պատանքի համար. «Սեղրակը շարժվեց ձուլած բրոնզի պես, շափեց կտավը, կտրեց և ընդհանուր լոռության մեջ շարժվեց դեպի Հակոբ աղան և պարզեց նրան սպիտակ կտավը: Բոլորն էլ կարծում էին, թե մի վատ բան պիտի պատահի:

Հակոբ աղան դոմատվել էր ձեռքի կտավի

պես... Բայց Սեղրակը նույն հանգստությամբ դարձավ իր տեղը:

Նույն գիշեր, երբ ես հանգիստ քնել էի տատիս հետ, տատս ինձ զարթեցրեց.

— Գուրիս, Գուրիս, յանկոմն ի:

Ես շղիտեի յանկուն ինչ բան էր, բայց երբ աշքերս բացի և մեր սենյակը լուսավորված տեսակտավի լույսից, հասկացա...»:

Դյուղացիների ծեծը, հոր սպանությունը, ջուկ-հականոցի դրվագը, առաջին սիրո մերժման դեպքը հոգեկան այն առաջին ցնցումներն են, որոնց մանուկ հերոսը «ճաշակում է» պատաճության մեծ դեպքերի նախօրյակին:

«Մանկությունն» ավարտվում է լիրիկական շնչով գրված մի վերջաբանով, որտեղ Մահարին կարծեք թե բանավեճի մեջ մտնելով իր գրքի ապագա անբարեխիղճ ընդդիմախոսների հետ, բացատրում է գեղագիտական-գաղափարական նշանաբանը. «Այն քաղաքը ժպտում է ինձ հրապույրից զրկված պշտուհու նման, համառորեն կախվում է ուղեղիս թելերից և չի ուզում հեռանալ: — Նրա մըշուշում իշխանն է անցնում մառզերը ձեռքին. Հյուսեյն փաշեն մտնում է Շահբաղյանենց տուն՝ խնջուցքի, իսկ նազելին քահ-քահ ծիծաղում է ինձ վրա:»

— Իշխանն իմ հոր դուստն է...

Հետո շքավոր դյուղացիներին ևն ծեծում

անցյալի կապույտ մշուշում։ Անցյալի կապույտ մշուշը չի խանդարում, սակայն, որպեսզի ես տեսնեմ նրանց դեմքերի վրա մտրակի կապույտ երիզները, Քինոյի հուղարկավորության ձայնն եմ լըսում, երիտասարդ ջուղհակը կանգնել է ձեռքին բռնած շորս արշին սպիտակ կտավ, հետո ջուղհականոցի կապույտ բոցերը կարմիր են ներկում անցյալի կապույտ մշուշը»։

Խիստ գործնական, դոկումենտալ հաղորդումով է սկսվում Հերոսի պատանեկությունը. «Ես դուրս եկա Վանից և բռնեցի Կովկասի ճանապարհը։ Հերոսի կյանքի այս շրջանը հեղինակի կողմից բնութագրված է «կապույտ և ոսկի պատանեկություն», որի վերաբերյալ հիշողությունների արծաթ ու հստակ ջրերում», սակայն, լողում են «դառնուրյուն, արյուն և սև»։ Այս, ինչպես «Մանկության» մեջ, այստեղ ես մոտեցումը նույնն է. պատանեկության ծիծաղին խառնված է՝ ողբերգական լացը, ավելի ճիշտ՝ ծիծաղը վկայակոչվում է որպես լացի ձեերից մեկը։ Գաղթի ոլորվող ճանապարհ, Մարդկային մի անծայրածիր քարավան՝ սովահար ճանապարհներով, անքում ու հոգնած, անօթևան ու քաղցած, խուճապով ու անդադար, մերկ ու բոկոտն, ոտքով ու սայլակներով, թախիծով ու մոլեգին ուղևորվում է դեպի Կովկաս՝ ռփրկության եղերքը»։

Պատանի Հերոսը ճանապարհին կորցնում է

Հարազատներին. «Ինչպես եղավ,որ ես մենակ մնացի: Ի՞նչ ուժ իմ ձեռքը հանեց տատիս ձեռքերից... Զկան Անուշը, Սուրենը, Խորենը...»

— Մայրիկ... Խորեն...

Ես շսեցի իմ ձայնը: Գնում եմ կարծես երազի մեջ, հիպնոսված, շարժում եմ ոտքերս և թվում է, թե նրանք իմը չեն: Աշքիս դեմ երեսում են հրեզեն բծեր,— այդ հոգնությունից է, անքնությունից և քաղցից:

Ես ընկնում են ճանապարհի եղերքին»:

«Պատանեկության» մեջ մեծ տեղ են զրավում ժողովրդի տեղահանության և ահավոր ողբերգության՝ դանթեական նոր դժոխքի պարունակներն ընկած մարդկանց կերպարները: Դեպքերի ալեպը-տույտի մեջ ընկած, անօդնական ու մոլորված պատանի հերոսի մտապատկերների մեջ դժվում են Վանի հերոսական պաշտպանության, կամավորական խմբերի կոհիլների, կսկծացող ցավով իրենց բնավայրը թողնող, գաղթի ճամփանթրին մոլորված, արդարության ու կարեկցանքի ծարավ, հուսահատության վերջին սահմանագիծը հասցված մարդկանց կյանքի մեկը մյուսից ծանր դրվագները: Ֆրագմենտար այս դրվագներից յուրաքանչյուրը նվիրված է մի առանձին թեմայի, պարզում է այն ժամանակվա պատմական փրականության մի առանձին կողմ: Ահա անանուն, բայց իսկական հայրենասեր-հերոսի մահարիական նկարագիրը.

«Խըժ-խըժ, էյ խըժ-խըժ, Խելագա՞ր էիր, թե հերոս, նս էլ շգտեմ, բայց դու տասը օր և տասը գիշեր չքննցիր: Երգելով խաղացիր մահվան հետ: Երգելով • բարձրացրիր վիրավորներին, իսկ երբ թաղում էին սպանվածներին, դու երգում էիր.

Վարդ մի բացվիր առավոտվա շաղերով,
Ազիդ բալա, վարդ քաղեցիր մաղերով:

Իսկ տասներորդ օրը, ուշ երեկոյան, մի գնդակ ծակեց քո քոմքը. .

— Տղերք,— ասիր, ծփ զարկին, թե մեռա, ինչ կասեք, ասեք. Կըքնեմ, կըզարթնեմ... տասը օր է շեմ քընե... վարդ մի բացվի... էն վարդը դուք եղեք...

Ես մեռա...»:

Կամ ահա դադթի «սովորական» տեսարաններից մեկը. «Դետ է, կիրճ և զարհուրելի դիշեր: Բերկրի: Բենդի-մահու...»

Հասել է թշնամին և կրակում է զեռներից:

Գալարվում է մի դանթեական խուճասկ: Փախչում են, արորում են մեկ-մեկու, կանչում են փրարու նորից:

Գիսախոփիվ են կիները, իսկ տղամարդիկ՝ արյունոտ աշքերով:

Թողնում են սայլերը, տնասունները, ձիերը՝ վազում են դեպի կամուրջը, շատերն իրենց գետն են նետում՝ նորից զուրս շդալու համար: Մայրը

դետը շպրտեց իր կրեխային և թեթևացած առաջ վազեց։ Գնում է մայրը և ծիծաղում է, գնում է մայրը և նորից ծիծաղում, գնում է մայրը ու խելադարվում է»։

Այսպիսի դրվագների մի երկար շարան, և ընթերցողը շոշափելի սլատկերացնում է փրականության «ոսկեպօծած» դեմքը։

Սովորահայ դրականության մեջ բավականաշափ արծարծված թեման՝ ժողովրդի «որրանոցային կյանքի» շրջանը, առաջին անգամ Մահրու գրչի և դիտողականության շնորհիվ ստանում է հարազատ, ճշմարտացի դեղարվեստական վերարտադրություն։

Էջմիածնի ու Դիլիջանի որրանոցների ամենօրյա, սովորական դարձած կենցաղի մեջ դիտված ամեն մի մանրամասնություն, յուրաքանչյուր դիպած ինքնին մի փոքրիկ սյուժետային նովել է, իսկ սյուժենների այդ շարանը — մեջեմեջ հյուսվելով, տալիս է դաշնակցության մղձավանշային տիրապետության ստույդ բնութագիրը։ Ամեն մի դրվագ մի նոր կողմից է բացում իրականությունը, յուրաքանչյուր, կինեմոտոգրաֆի լեզվով ասած՝ «կապը», դեղարվեստական մի գյուտ է, ենթարկված արծակագրի ստեղծագործական հիմնական մտահղացմանը։ Դրանք կոչված են միմյանցից սահմանագատելու իրականության մեջ եղած լուսավոր, դրական սկզբունքները նրա ընդհանուր ողբերգա-

կան կոլորիտից, ողբերգական հանգամանքների մեջ դրված հերոսի առաջ ըացել կյանքի վարագույրը:

Ինչպես «Մանկության» մեջ, «Պատանեկության» մեջ ևս պատմող հերոսը ինչ-որ շափով հեռավորության վրա է դոնվում հեղինակից:

Բայց այստեղ հեղինակը ոչ թե սոսկ հուշարար է հերոսի համար, այլ յուրահատուկ մեկնարան: Նա ոչ միայն հերոսին պատմում է նրա անցյալը, այլև «զգաստացնում է» նրան, մղումներ տալիս՝ իմաստավորելու երևույթները, տեսնելու նրանց կապերը, անհրաժեշտ եզրակացություններ է թելադրում ժամանակի մասին:

«Պատանեկության» մեջ ներմուծված «հավելյալ», օրյեկտիվ պատմություններն ու օրագրային գրառումները, կենցաղի մանրամասնություններն ու այլաբանական խորհրդածությունները, «կողմնակի» դրվագներն ու շտրիխները արտաքուստ ցրիվ տպավորություն թողնելով, ներքուստ խիստ միասնական են, պատմական բովանդակությամբ հագեցած:

«Աշխարհը դիտելով իր կետից», պատանի հերոսը իմաստավորում է ժամանակի իրադարձությունները, արտահայտում իր ուրույն վերաբերմունքը կյանքի նկատմամբ:

Հերոսի «օպոզիցիան» կյանքի անարդարությունների և գոեհկությունների դեմ, ազատության

Նրա ծարավը, նրա «կենսափիլիսոփիայությունը» փայլուն արտահայտություն են գտել «Անտառային հեքիաթ» բանաստեղծական ոիթմով գըրված գլխում։

Համսունյան անտառային ֆեյայի մասին հեքիաթը մտնելով Գուրիսի հոգեկան աշխարհը, դառնալով նրա էության անբաժան մասնիկը, հետաքրքրական ձևափոխության է ենթարկվում։

«Անտառային ֆեյա» — Սպիտակ աղավնին իջել է լճափը, թողել է իր փետուրները լճափին, դարձել է աղջիկ և լողացել է լճի արևոտ ջրերում։ Հետո փշել է անտառային մի քամի և ցրիվ է տվել լճափի սպիտակ փետուրները։ Աղջիկը դուրս է եկել աղավնակերպվելու և չի դտել, չի գտել իր փետուրները։ Հետո նա մտել է անտառ և եկել, բնակություն է հաստատել ահա այս անտառային փոքրիկ տնակում և ապրում է որպես մարդացած աղավնի, որպես անտառային սպիտակ ֆեյա։ Սա Համսունն է։ Մահարու հերոսը այս հեքիաթին շարահյուսում է իր կյանքի պատմությունը։ «Անտառային ֆեյա» ՚Իու սպասում էիր ինձ։ ՚Իու գիտեիր, որ ես պետք է գամ հեռու-հեռավոր երկըրներից, Երբ ես դուրս եկա իմ երկրից, դու տեսարքու երազը։ — Գալիս է մի տղա. գալիս է յոթ սարում ու յոթ ձորով. դալիս է արյունու ուղիներով ու հոգնած...»։

Անտառի թեմայով, որ լայն տեղ է գրավում

«Պատանեկության» հյուսվածքի մեջ, Գուրգեն Մահարին ոչ թե հեռանում է իրականությունից, այլ ավելի է մոտենում իրական կյանքին, հոգեբանական ու սոցիալական փայլուն լուծում տալով անտառի ու միջավայրի փոխարարերությանը:

«Անտառային հեքիաթի» ուղղակի շարունակությունն է «Եղնիկը» գլուխը.

«Անտառապահն ուղղեց հրացանի փողը դեպի թփուտները: Ես և նունիկը մատներով փակեցինք մեր ականջները, որուը խլացնելու համար:

— Բո՞մ, բո՞մ — բո՞մ...

Պայթեց երեք որոտ իրար հետեւից:

Թփուտների մեջ մի բան թփրտաց:

Անտառապահը հրացանը հենեց ծառին և դիմեց դեպի թփուտները: Մենք լսեցինք նրա հեռու, շոր ձայնը...

— Թյուհ, սատանա...

Նա գրկել էր մի բան, և գալիս էր կարծես դժվարությամբ, ծնկին տալով:

Մոտեցավ, կանգնեց ու ծանրացած բազուկներով, խփած որսը բռնեց լուսնի դեմ, իր գլխից մի քիչ բարձր, իրենից մի քիչ հեռու, լավ տեսնելու համար:

Լուսնի գունատ շլղերի դեմ բռնել էր նա...

Թիլու դիակը, Թիլու դիակը...»:

Հերոսի անմիջական պատումի կողքին «հայտ-

նըվում է» արձակագիրն իր կոմենտարով. «Մարդ, ընթերցող, որքան տարօրինակ է լինում որբերի սերը, որքան տարօրինակ...»

Տարիներ են անցել, տարիներ այդ օրից, բայց ամեն անգամ, երբ լուսընկա է դիշերը, ես փոմ դեմ տեսնում եմ թիլու դիակը... Իսկ ականջներիս մեջ խշում է խոռված անտառը... խոռված ու լուսնահար անտառը...»:

Հարուստ, խոր, բովանդակալից ենթաբնագիր ունի Մահարու գրքի այս անդուգական էջը, մի ենթաբնագիր, որի իմաստը հանդում է քնքուշ երազի և կոպիտ փրականության, ֆանտաստիկայի և իրականության, լուսեղեն անուրջների և ողբերգական հանգամանքների բախմանը:

Թիլու ճակատագիրը խորհրդանշում է հաղարավոր հայ որբերի «Ռուսօրինակ», — ո՞չ ծանր ճակատագիրը «խոռված» այն տարիներին, երբ մարդկային կյանքը ենթարկված էր «կույր պատահականությունների» օրինաշափությանը:

Բնությանը մերձեցող, բնությունը իր հոգու «գեղեցիկ ապաստարանը» համարող ոռմանտիկ հերոսի ողբերգական զգացողությունը փայլուն կերպով արտահայտվել է Միամանթոյից բերված հետեւյալ բնաբանի մեջ.

...Բայց իմ հոգիս,
իմ խեղճ հոգիս,

Այս բոլոր թաղումներեն
Ու մահացումներեն վիրավոր,
Անտառներուն սարսափին մեջ,
Բանտարկված մնաց:

Փշրվեց անտառի գեղեցիկ նեֆիաքը, կործանվեց պատանի հերոսի երազների երևակայական ամրոցը, երջանկության սպիտակ աղավնին անդարձ հեռացավ՝ փոխակերպվելով կապույտ թըռչումի: Դեպքերի ալիքը հերոսին մի վայրից նետեց մյուսը, մի կարուտից տարավ մյուսը. Նա վերստին տեսավ հարազատ ու օտար երևույթներ, ռտխուր և «ուրախ» դեմքեր: Նրա առաջ ծառացավ նոր ուղիների որոնման, նոր եզերքների հարցը:

Քսանամյա ընդմիջումից հետո Մահարին դրեց տրիլոգիայի երրորդ մասը՝ «Երիտասարդության սեմին» խորագրով:

Երիտասարդական հասուն հասակը, — այս հասակի աշքերով է հերոսը նայում կյանքին, — ոնականարար ավելի լաճն իրականություն է ընդգրկում, ավելի է ընդլայնվում նրա տեսադաշտը: Գրական ու հասարակական միջավայր, քաղաքական պարտիաներ ու հոսանքներ, քաղաքացիական պատերազմ ու գաղթականություն, դիվանագիտական հարաբերություններ ու «հայկական հարց», տնտեսական ռառորդաց երևույթներ ու ռեվոլյուցիոն ցույցեր, նոր դեպքեր ու նոր մարդիկ, բարեկամներ ու ծանոթներ, նոր տիեզավայրեր՝

Թիֆլիս, Վլադիկավկազ, Բաթում,— ահա, ընդհանուր դժեռով, Երիտասարդ Հերոսի «Չիմսն» նոր կետերը:

Գուրգեն Մահարին «Երիտասարդության սեմին» գրքում նև շարունակում է: Հայ ժողովրդի ողբերգության թեման, բայց ոչ միայն ականատեսի դիտումներն է տալիս, այլև փորձում է «գտնել» ժողովրդական ողբերգության նախապատճառները, թե ո՞վքեր են պատասխանատու անլուր տառապանքի ու անթիվ դժբախտությունների համար:

«Խառնակ ժամանակների» Հայաստանն է վերհիշում Հերոսը այն ժամանակ, երբ երկիրը կանոնած էր մահվան անդունդի եզրին, երբ «հայն այդքան հարուստ չէր եղել»: «Հասարակ ջուր ծախողի օրական վաստակը հազար ոռորլուց պակաս չէր», և շնայած դրան՝ «ամբողջ երկրում գործում էր մահվան սառը գերանդին, «բարեկամներից» լըքված Հայաստանը դիվանագիտական նիստերում ճանաշվում էր սոսկ իբրև աշխարհագրական հասկացողություն, նրա ռկառավարման մանդատը» մի «հովանավորից» անցնում էր մյուսին:

Ռեալիստական թանձր ներկերով է վերարտադրված «խառն ժամանակների» կենցաղային կոլորիտը՝ ջուր ծախող, ոտարորիկ երեխաներ, գըրքերի կազմից կերակուր եփող գյուղացիներ, ճաշի Հերթի կանգնած տանջահար գաղթականներ, ուղտերի քարավաններ, պարենավորման քարտեր,

սլաղամենտի դոների առաջ սովոր գալարվող որբեր, շուկաներում վխտող փերնզակներ, ա՞նաշնակցության պարտիան, որ իր ավանտյուրիստական դործունեության համար անմեղ և խոնարի ժողովրդին տանում է դեպի կործանում, Մահարու գրքում հանդես է գալիս որպես հակաժողովրդական պարտիա, որի համար ոչ մի ծեղի արժեք չունի, մորթվող ժողովրդի բախտը. Մահարու գրքի մեջ այս թեման լուծման բարձրակետին է հասնում այն տեսարանում, երբ դաշնակցության պարտիայի ավանայուրիդիմից խորապես հիասթափված դորավար Անդրանիկը «Մի բաժակ թեյ» պանդոկում շարադրում է իր կարծիքը. «Ի՞նչ լսեցիք, ինչո՞ւ չեք խոսեր: Անդրանիկե՞ն կքաշվիք: Ո՞վ է Անդրանիկը: Ի՞նչ է Անդրանիկը: Տաճկահայաստանի երկինքը սեացավ վառվող քաղաքների ու գյուղերի ծխից: Յոթը գարուն, յոթը ամառ, յոթը աշուն անձրևի փոխարեն սև ջուր է թափվելու երկընքից, յոթը ձմեռ սև ձյուն է իշնելու ավերակ Հայաստանի, Կիլիկիայի, Զեյթունի, Սասունի, Շարին-Գարահիսարի, Մուշի ու Վանի լեռների ու դաշտերի վրա: Ո՞վ է մեղավոր... Բայց մեղքը, ավելի շուտ ոճիրը գործված է: Թափված է մեկ ու կես միլիոն հայերի՝ մանուկների ու ծերուկների, ուստի ու բռնաբարված դռաստրերի արյունը...— Ու մեղք է գործված, պետք է փնտրել մեղավորին, հանցանք՝ հանցավորին,

ոճիր՝ ոճրադործին... Եթե ես չեմ մեղավորը, հապա ո՞վ է: Փնտրել, գտնել և խաչ հանել ոճրադործին...»:

Ո՞վ է մեղավոր: Դաշնակցության ոճրածին «քաղաքադետները» և արևմտյան դիվանագիտության «քարերարները», — պատասխանում է Մահարին իր գրվածքով: Հասարակաբնորեն կարեռ այս թեման սպառիչ բնութագրություն է ստացել վեպի գործողություններից առերևույթ ածանցվող, բայց ըստ էության նրա սլրորեմատիկային սերտորեն մերվող «Արարատյան միջ կամ ապագա պատմաբանի համար հում նյութեր» գլխում: Զարենցյան «Երկիր Նախի» վեպի ահեղ երգիծանքին բնորոշ «միամիտ» ծաղրի ձևով Մահարին վերատադրում է դաշնակցության Արտաքին գործոց մինիստր Դաշունու և նրա կնոջ՝ Եկատերինա Պարսամովնայի զրուցը համաշխարհային քաղաքականության մեջ Հայաստանի պատմական դերի շուրջը, նրա պաթետիկան լրացնելով հետևյալ մերկացնող մանրամասնով: «Նրա (Դաշունու) ականջներում ցնծության զանգեր էին հնչում, սաղավարտների և վահանների շաշում, սուսերների շառաշում»:

Այդ միջոցին էր, որ Գուրգեն Վահանյանը 50 դեղին թուրքական ոսկիներ հնչեցնելով թափեց թեյի պարագաների սկուտեզի վրա, ու նրանց ձեռ-

ները միացան փոխադարձ սիրով ու պետական վստահությամբ:

Մահարու մերկացնող պաթուը ուղղված է ոչ միայն դաշնակցության տիսրահոշակ կառավարող՝ ների արտաքուստ «Հրաշագործ», «ազգանվեր», բայց ներքուստ՝ ողորմելիության շափ խղճուկ գործելակերպի, այլ արևմտյան պետությունների կեղծ ռարեսլաշտության դեմ. «Մենք ի՞նչ իմանայինք, որ հայերը չպիտի կարողանան փրենց վայելու սլահել. մի մասը գնացել, առանց ծանր ու բարակ կշռադատելու կոտորվել է...»,—ասում է Քերզոնի դիվանագիտության բանբերը, ապա խոսքով լուծում տալով «հայկական հարցին, բոնում է դարձի համփան՝ «անհետաձգելի դործերը» կարգավորելու:

Մահարու տրիլոգիայի բարձրակետում հնչում է ուսուցուցիոն ճանապարհով, Սովետական Թուսաստանի օդնությամբ Հայաստանի ազգային ու սոցիալական ազատագրման թեման. Գրքի հերոսը գտնվելով խաշածե աղղեցությունների կենտրոնում, արդեն իր կյանքի հաստնության շեմին,—կանգնում է մուրճ ու մանգաղի իշխանության դրոշի տակ, որին ապավինեցին հայ ժողովրդի բոլոր ազնիվ զավակները, դրանց թվում՝ Հ. Թումանյանը, Վ. Տերյանը, Ե. Չարենցը...

Մահարու տրիլոգիայի «Վերջերգը» ժամանակի հերոսի կյանքի ողիսականը ամփոփում է նոր իրականության ու երկրի ապագայի վերաբերյալ

շավատեսական պատկերով. «Մորս եմ տեսնում
հաճախ երազումս: Տատիս վաղուց է, որ չեմ տես-
նում: Բայց ի՞նչ կապ ունի այս գրվածքիս վերջա-
բանի հետ: Ոչ մի կապ: Ես ուզում էի միայն ասել,
որ հաճախ մորս տեսնում եմ երազումս: Իսկ կողքի
սենյակում, ննջարանում, զարթնել է շորս ամսա-
կան երեխաս և խոսում է... ի՞նչ է խոսում, ի՞նչ
լեզվով: Հաստատ կարելի է ասել, որ դա աղավ-
նիների բարրառն է, — զո՞ւ-զո՞ւ... և պետք է են-
թադրեն, որ նա պատմում է իր հարուստ կենսա-
գրությունը. «Ծնվել եմ շորս ամիս առաջ, երեան
քաղաքում:

Այսպիս էլ է սկսվում մանկուրյունը, ո՞վ դու,
որ հայելու միջից նայում ես ինձ թափված գան-
գուրներով, ալեհեր մազերով պսակված ճաղատով
և այնուամենայնիվ ժողիտով»:

Ակներև է, որ այս վերջաբանով Մահարին
հաստատում է Ժամանակակից մանկության նոր
որակի ձևավորումը, այն մանկության, որի ոչ
թե ակամա, այլ իրական, դալիքին վստահ ժաղիտը
հերքում է հին մանկությունը: Այս կոնցեպցիան է
Մահարու տրիլոգիայի մեջ մարմնավորվել գեղար-
վեստական նույն վարպետությամբ և գրական հե-
տաքրքրական հնարիներով:

Մահարու պրողան նոր էջ բացեց մեր գրտ-
կանության մեջ: Մահարին բերեց բոլորովին փնք-
նատիպ, միայն իրեն պատկանող, միայն իր աշ-

իաբհց արտահայտող գրական ոճ ու դեղարվեստական սկզբունքներ։ Նա «Հեռացավ» տրադիցիոն դեղարվեստական մտածողությունից՝ իր սեփական ձևը դանելու համար։ Բայց այդ շեղումը չկատարվեց տրադիցիան ոտնահարելու հաշվին, տրադիցիան հախուռն ժխտելու հաշվին, երեսվթ, որ 20—30-ական թվականներին բնորոշ էր։

Հենվելով հայ և օտար դրականությունների կուտակած պորձի վրա (Եղիշե Չարենց, Շոլոմ-Ալեյխեմ, Կնուտ Համսուն), Մահարին, սակայն, այդ «ազգեցությունների» մեջ պահպանեց իր դրական անհատականությունը, իր սեփական ոճի գույները, «շկորցրեց» իրեն։

Արվեստի մեջ ինքնատիպությունը վերջին հաշվով իրեն արտահայտելն է, իր մարդկային և քաղաքացիական գծերը, փր մեջ ներդրված հոգեկան ուժերը արտահայտելը, իրականությունը դիտելու իր կետը ունենալը։

Մահարու համար իրականությունը դիտելու այդպիսի եղանակ է նրա շուայլ հումորը։

Նրա տրիլոգիան լիցուն է հումորով, ծավորով, ժողիտմերով, առավելապես հումորով, բայց դա լուրահատուկ հումոր է՝ նուրբ, անսպասելի, շառածընթյան հասնող, որի մեջ դգում ես հեղինակի սուրյեկտիվ ինտոնացիան, նրա պարզ հայացքը. աշխարհի վրա, նրա ապրումների և ներկայացրած կյունքի ողբերգական ընկալումների ուժգնությու-

նը: Եթե համեմատության համար զուգահեռ բերենք կերպարվեստի բնադավառից, ապա կարող ենք ասել, որ Մահարին հաճախ պայծառը դիտում է մուգ ֆոնի վրա կամ հակառակ՝ առավել տպավորիչ դարձնելու համար իր խոսքի ներդորժության ուժը: Ահա մի հատված պատանի հերոսի որբանոցային օրադրությունից. «Այսօր եկավ Արտաշի մայրը և գտավ Արտաշին: Արտաշի մայրը լաց եղավ, Արտաշն էլ լաց եղավ: Հետո հավաքվեցին որբեր, նրանք էլ լաց եղան, եկան օրիորդներ, օրիորդներն էլ լաց եղան: Բոլորն էլ մի խոսքով լաց եղան: Շատ ուրախ էր...»:

Ահա երկրորդ օրինակը: Լուսանկարիչը «հայմանկությունը» հավերժացնելու համար որբերի խմբանկարն է ստեղծում. «Լուսանկարիչը կանգնեց կազմ ու պատրաստ:

—Տիսրեք, լացեք,—կարգադրեց նկարիչը:

Ինչ վերաբերում է տիսրելուն, այդ միանդամայն ավելորդ կարգադրություն էր, որովհետև բոլորն էլ տիսուր էին, իսկ գալով լալուն, այդ նույնքան դժվար էր, որքան ծիծաղելի, այդ իսկ պատճառով ոչ ոք շարձագանքեց կարգադրիչի մարտական կոշին:

Կարգադրիչը, ևնթադրելով, մենք շենք հասկանում նրա լեզուն, դիմեց իւյուստրացիային.

— Հացեք, լացեք, այ, այսպես, հ'ը-հ'ը-հ'ը-
հ'ը-հ'ը...

Ու ցուցամատով ճմրթեց աշքը:

Բոլորն էլ գործի անցան: Բարձրացավ մի
անգույր երաժշտություն:

Նկարչական դործիքը շխկաց: Բայց պատահեց
մի զարմանալի բան.—ցուցադրական լացը փոխ-
վեց խսկական՝ լացի, և իղուր կարգադրիչը կար-
դադրում էր.

— Բավական է, բավական է, էլ պետք չէ»:

Ի՞նչն է բնորոշ Մահարու գրքից մեջ բերված
այս և նման ուրիշ հատվածների համար: Այն, որ
արձակագիրը հաճախ է ընտրում այնպիսի դրու-
թյուններ և մտցնում հյուսվածքի մեջ, որոնք ծիծա-
ղելի են արտահայտման ձևով և կատարելապես
ողբերգական՝ իրենց բովանդակությամբ: Սա Մա-
հարու հումորի էսթետիկական առանձնահատկու-
թյունն է և միաժամանակ նրա գաղափարական
յուրահատուկ «ապողիցիայի» արտահայտման ձևը:
Այս գրելակերպի վրա ակներև է շեխովյան
տրադիցիայի ազդեցությունը՝ ծիծաղի և ժապիտի
խառնուրդը թախսի և տխրության հետ, ընդ որում
ծիծաղը և ժապիտը արտաքին երևույթ են (պայծառ
ֆոն), իսկ հեկեկանքը և թախսիծը, լացը և տխրու-
թյունը՝ ոճի ներքին հատկանիշը (իրական բովան-
դակությունը): Կյանքի երևույթների արտացոլման
համար ընտրված տխրագին հումորի այս փնտո-

նացիան որքան դժվարին ու համարձակ գեղարվեստական հնար է, նույնքան էլ հետաքրքրական ու թարմ, որով Մահարու դիրքը տանձնանում է մանկության և սլատանեկության թեմայով հայ գրականության մեջ ստեղծված ուրիշ մնացուն արժեքներից, ինչպես Ստ. Զորյանի «Մի կյանքի պատմությունը», Վ. Թոթովենցի «Այանը Հին Հռոմեան ճանապարհի վրան»:

Այս դրքերը տարբերվում են միմյանցից ոչ միայն մանկության թեմայի լուծման գեղարվեստական առանձնահատկություններով։ Տարբեր է նաև նրանց հումորի այսպես կոչված էսթետիկան լիցքը։ Վ. Թոթովենցի գրքում հումորը հյուսվում է սրամիտ դիտողություններից ու սրամիտ ոճերից, Զորյանի մոտ իշխում է ժողովրդական խոսքի կենդանի ինտոնացիան, հումորը խառնվում է տխրությանը, ստանալով դրամատիկ բովանդակություն, իսկ Մահարու մոտ ովքերդական երեւցիքը առաջ է բերում ժողիտ ու ծիծաղ, բայց դա կոտրված, աղավաղված ժողիտն է ու ակամածիծաղը։

Այս մաներան, որ դարձել է Մահարու ոճի օրդանական հատկանիշը, որով հեղինակը աշխատում է զիմապրոդական ուժ ձեռք բերել՝ շնեկեկալու համար տանջահար մանկության ու ծանր պատանեկության հիշողություններից, միաժամանակ դադարական առանձին վերաբերմունք է

նույն այդ կյանքի նկատմամբ՝ հագեցած դատապարտման, ժխտման մոտիվներով։

Այն կյանքը, որ նկարագրում է Մահարին, որ դիտել է նա, ինքնին ուրախ չեր, շատ էր տիտուր, թախծու, բայց նա հատուկ դիտավորությամբ այդ ամենը մասուցում է ծիծաղի միջոցով, ծանր կյանքից սահմանազատելու համար գալիք կյանքի ու ապագա եղերքի թեման։

Յուրահատում են ոչ միայն Մահարու հումորը, այլ նաև մանկության և պատանեկության թեմայի բացահայտման նրա սկզբունքը, նրա մեթոդոլոգիան, նրա գրքի կառուցվածքը։

Մահարու գրքի գլխավոր հերոսը ինքը՝ հեղինակն է՝ տարբեր հասակներում։ Մանուկ Գուրիսը ավրում է Վանում, ապա բոնում է գաղթի սովահար ճանապարհը, հասնում է Կովկաս, շփվում է նոր շրջապատի հետ, հանդիպում նոր մարդկանց, և հասունանում իբրև մարդ ու քաղաքացի։ Ուրիշ ֆարուշ, կողմնակի սյուժեային ճյուղեր հակիրճախոս Գուրգեն Մահարու համար ծավալով այս «վիթխարի» երկը չունի։

Բայց նրա թողած տպավորությունը և բովանդակությունը հակադարձ համեմատական են նրա հասարակ ու պարզ ֆարուշային։ Մահարին ամբողջ գրքի ընթացքում քայլ առ քայլ վերլուծում է իր հոգեբանությունը, — պատմում է իր մանկական, պատանեկան, երիտասարդական հասակի տպա-

վորությունները, և ապա որպես Հեղինակ հեռանում, բաժանվում է իր հերոսից՝ վերաբերմունք արտահայտելու համար:

Արձակագիրը վերլուծելով իրեն, խստորեն պահպանում է տարրեր հասակի ընկալումների վավերականությունը, երևույթները մատուցում է այնպես, ինչպես անդրադարձել են դրանք հեղինակի յուրահատուկ հոգերանական ապարատի մեջ:

Գնդարվեստական նուրբ տակտով Մահարին պահպանում է իրականության երևույթների ճշմարիտ արտացոլման սկզբունքը, դրանք մատուցում է այնպես, ինչպես երեացել է սկզբում երեխային, ապա՝ պատանուն, այնուհետև՝ երիտասարդին:

Նա այնքան ճշմարտախոս ու անկեղծ է, որ կարծեք թե ոչինչ չի ավելացնում դեպքերի հետադարձ իմաստավորումից, այն մարդու փորձից, որը տարիներ հետո՝ անցած-հեռացած իրադարձությունների մասին պատմում է հասուն գիտակցությամբ: Այս մոտեցումը՝ ամեն ինչ տալ իր նախնական բնական փայլով, ինչ-որ ֆրագմենտարություն է մտցնում Մահարու պատումի մեջ, բայց և նրան հեռացնում է սոցիոլոգիական տկլոր սխեմաներին ապավինելու դայթակղությունից: Որ Մահարին չի գայթակղվել հասուն հասակի փորձով և չի դավաճանել տարրեր հասակների հոգերանությունը, երևում է նրա գրքի հետեւյալ առանձնա-

Հատկությունից. որքան հասունանում է հերոսը դեպքերի հորձանապալույտի մեջ, այնքան Մահարի-հեղինակը ավելի է մերձենում Մահարի-հերոսին, տալով իր ուրույն բնութագրությունները մարդկանց ու դեպքերի մասին։

«Մանկություն» գրքում ամեն փնչ մանկական է, չկա «վերլուծություն» հեռավոր նշույլ անգամ. «Պատանեկության» մեջ ուժեղանում են հեղինակի սրտի զարկերը, սրվում է նրա միտքը, առաջվա ռանհոգությունը» թողած նա տանջագին է : Վերապրում հայ մանուկների ողբերգության, հարազատ ժողովրդի տառապանքի ծանրությունը, իսկ «Երիտասարդության սեմին» գրքում հերոսը դառնում է ավելի ծանրախոհ, «նըստած», դատողական, խուզարկու, առաջվա հումորին ու ժպիտներին փոխարինում են փայլատակող ծաղըն ու ուղակի մերկացնող ինտոնացիաները։ Եվ թերևս այս պարագայուղ պետք է բացատրել այն, որ Մահարուտրիլոգիայի վերջին մասին պակասում է ոճի այն անմիջականությունը, որը հատուկ է գրքի առաջին երկու մասերին։ Այո՛, Մահարու գրիչը «կորցրել է» առաջին տպավորության անմիջականությունը, բայց դա ոչ թե գեղարվեստական հասումների կորստով պետք է բացատրել, այլ պատմողի հասակին բնորոշ «լոցությամբ»։ Ահա թե ինչու մեզ սխալ են թվում գրքի երրորդ մասի վերաբե-

բյալ քննողառության երդմից արված վերապահությունները:

Երիտասարդական հասակի մասին Մահարին, արդարե, չեղ կարող գրել նույն ոճով, ինչով գրել է մանկական տարիքի մասին։ Պատումի ոճի փոփոխությունը ինքնին նշանակում է, որ Հեղինակը խուսափել է միօրինակությունից, նոր նյութը թեւաղբել է արտահայտման նոր հնարներ, ավելի ճիշտ՝ նույն ոճարանական հնարների նոր կերառություն։ Դա արդեն աեսանք Մահարու հումորի օրինակով՝ մի տեղ ժպտացող, ծիծաղող հումոր, մի այլ տեղ՝ ծաղրի աստիճանի հասցված։ Բայց Մահարու տրիլոգիայի միակ առանձնահատկությունը հումորը չէ։

Մյուս ցայտուն աեսանելի հատկանիշը դա այն է, որ արձակագիրը երևույթների բազմազանության միջից առավելագես ընարում է այն մանրամասները, որոնք անհրաժեշտաբար հաստատում են այս կամ այն երևույթի նշանակությունը և Հեղինակի ուշադրությունը չեն ցրում դեպի «արձակի լայնությունը»։

Երբ խոսում ենք մանրամասնի հանդեպ ունեցած նախուսիրության մասին, ապա դա չպետք է շփոթել մանրակերպության հետ։ Մահարին հենվում է մանրամասնի վրա ոչ այն իմաստով, որ մանրամասնությունը նկարագրում է երևույթները, դիտողի աշքին երևացած բոլոր առարկաները և

պրանք փոխազրում դրբի էջերը։ Նրա պատումի մեջ
այդ բանը բոլորովին չկա։ Նա խորշում է երկարա-
բանությունից, նկարագրական հանդարտ, ան-
շտապ ոճից, ժլատ է արտահայտչական միջոցների
ընտրության մեջ, դերավանցորեն օգտվում է
«իսոքի նեղվածության» սկզբումքից։

Վերցնենք, «օրինակ, այսպիսի մի պատկեր։
Պատանի Գուրիսը և նրա մանկության ընկերը՝ Նա-
զելին մանկական շարաձնիությամբ նայում են
ջրհորին՝ մեծ բավականություն ստանալով դեմքե-
րի անդրադարձումից։ «Հեռու, Հորի հատակում,
հստակ ջրի հայելում, ես տեսնում էի իմ գլուխն ու
նազելու գլուխը կողք-կողքի, և զարմանալի ներ-
դաշնակ»։ Բայց այդ հաճույքը շուտով փոխա-
կերպվում է տիսրության։ «Երբեք, երբեք այնքան
չեմ դառնացել, որքան այս օրը, ջրհորի մոտ, երբ
նազելին ներս փախավ և ինձ թողեց մեն-մե-
նակ, ջրհորի մոտ, ջրհորի մոտ...»։

Հերոսի շքեղ երեակայության աշխարհն է
մուտք գործում դառնությունը։ Այս «մանրուքը»
օգնում է հասկանալու այն երեխայի հուզմունքը,
որը աղոտ կերսլով զդում է, որ աշխարհում ամեն
ինչ չէ «ջինջ», որ տեղի է ոմնենում ինչ-որ գեղեցիկ
և ինչ որ դաժան մի բան։ «Ես թեքվեցի ջրհորի
վրա և նրա հայելում տեսա իմ մենակ, մերժված,
որրացած դուխը»։

Ահա մեկ ուրիշ օրինակ. նույն Նազելուն գուր
գալու համար Գուրիսը ամբողջ գիշեր մտածում է
ձի գտնելու մասին։ Առավոտյան նա գտնում է այդ
ձին. «Ամայի այգում, ածուների մեջ արածում էր
լղար մի ձի, առանց սանձի ու կապի։

Գլխապույտ թուա դեպի ձին։

Զրհորի մոտ ընկած է մի հին պարան։ Բատ
երևույթին կտրել և դույլը տարել են։ Այնուեղ գոտա
ես նաև մի ծաղկաման։ Ես վերցնում եմ պարանը
և ծաղկամանը ու մոտենում ձիուն։ Զին թողեց
արածելն ու հնազանդ իշու սկս կանգնեց։ Մի կերս
պարանը կապեցի վզից և քաշեցի։ Զին առանց
դիմադրության հետևեց ինձ...

Գնում եմ փողոցով իմ թանկագին ավարի հետ
և ուրախությունից ստներս գետնին չեն կոլչում։

Միայն թե շուտ հասնեմ։ Նազելին, Նազելին,
որքան կուրախանա Նազելին։ Ես նրան կղնեմ. ձիու
վրա և կտանեմ — շուր աշխարի ծեր...»։

Ամբողջովին պոետական գեղեցկությամբ
շնչող հերոսի հոգեբանության մեջ մի ծանր կսկիծ
է մտնում ոչ այնքան նազելու մերժումից, որքան
այն բանից, որ պարզվում է հետեւյալ գաղտնիքը։
«Ես նրանց բակից դուրս թուա, մտա մեր տուն,
սանդուխքների տակից վերցրի մի հաստ փայտ և
մոտեցա կատաղած ձիուն։ Զին կանդնել էր ան-
շարժ, գլուխը բարձր։ Ամբողջ ուժով ես բարձրաց-

Իի փայտը նրա գլխին խփելու համար։ Զին տեղից
շարժվեց։

Ես ուշադրությամբ նայեցի նրա գեմքին։
Զին երկու աշխավ կռւյր էր»։

Սա ևս սիմվոլիկ մանրուք է, մանկության թե-
մայի լուծման մեջ հնչոսմ է ներգործոն ուժով,
լցված է այնպիսի բովանդակությամբ, որ գաղա-
փարական որոշակի ֆունկցիա է վերցնում իր վրա։

Ամբողջ տրիլոգիան հյուսված է նման լու-
սաստվելներից՝ ուրախության և տխրության խառ-
նուրդով, նման խոսուն մանրուքներից, որոնք
գրողի պոետական-լիրիկական պատումը մոտեց-
նում են իրականությանը։

Ամեն մի երևոյթ ունի իր սկիզբը և պատմու-
թյունը։ Մահարին արձակի բնագավառն է թևակո-
խել շափածոյից, և այս վերջինից է բերել շատ
հատկանիշներ՝ ոճաբանական սինոնիմների առա-
տությունը, բառի էմոցիոնալ երանգավորումը,
էպիտետի անսպասելիությունը, բնության գույնե-
րի արտահայտման պոետական գիծը, հոգեբանա-
կան պառզարի հնարը, նույնիսկ կետադրության
«տարօրինակությունները»։

Բայց դա իսկական ոեալիստական արձակ է;
ինչպես հներն էին ասում՝ պոեզիայով հերկված
արձակ է։

Եթև Մահարու. մի շարք պտտմվածքներում զգացվում է դրական սեթևեթյունը, եթև նրա գրառումները երբեմն մոտենում են կոնցենտրատի՛ շափից դուրս խտացած լինելով, լիրիկական գիծը ստվերում է իրական առարկաների նկարը. ապա տրիլոգիայում ամեննեին չեն զգացվում ինքնանպատակ էսթետիզմին բնորոշ այդ արատները:

Լիրիկական-պետական սկզբունքը, որը Մահարին կիրառում է մարդկացին փոխհարաբերություններ և բնության պատկերներ գծագրելու համար, շի ստվերում երևույթների նյութական կոնկրետությունը, և մի դուրեկան ցոլք է գցում ամբողջ հյուսվածքի վրա:

Մահարին առանձնապես սիրով ու նրբությամբ է վերարտադրում բնության կյանքը: Անտառի նրա նկարագրությունը մի ամբողջ նկարչություն է, այնքան հիանալի են տրված նրա լուսաշող գույները, հնչյունները, յուրահատուկ բույրը: Թերենք մի հատված նրա նկարագրությունից.

«Խորունկ, վիթխարի գիշեր:»

Էսվում է գետի միալար վշշոցը վարից, ծառերի արանքից նայում են մի քանի գումառ, էլեկտրական լամպեր, իսկ վերից լուսինը հոսում է աշխարհի վրա ու նրա լույսը կարծես գնալով ավելի է մոլեգնում, ավելի է շատանում ու հորդում:

Ամեն ինչ լուսնով է հարբած:

Ես առանց մի փոքրիկ վախ անգամ զգալու
մտնում եմ անտառ:

Գնում եմ ծանոթ կածանով, քայլում եմ ըստ-
վերների ժանյակների վրայով, իսկ սիրտս եր-
դում է:

Երգում է սիրտս, իսկ ես լցվում եմ նոր ճայ-
թող հոմադերի, նոր ծաղկող ծաղիկների և հասնող
առաջին պտղի երգով:

Թշվում է, որ ես լսում եմ ծիլերի ծլելը, լսում
եմ ավիշի երգը, նա երգելով բարձրանում է դեպի
ծառերի գաղաթը, և ապրում են ծառերը, իսկ լու-
սինը նրանց քաշում է:

Լուսինը քաշում է անտառին,— դրանից է.
Որ հաճախ կանդնում է ավիշների ընթացքը նրա
երակներում, և անտառի սիրտը սկսում է ավելի և
ավելի արագ բարախսել:

Ես լսում եմ իմ սրտի տրոփը, այդ իմ սիրտն
է, իմ սիրտն է տրոփում, անտառի սիրտն է տրո-
փում, աստծո սիրտն է տրոփում...»:

Լեզվա-ոճական միջոցների ստեղծագործա-
կան նույրը լնորությամբ, բաների ինքնահատուկ
զուգակցումով Մահարին կարծեք թե թարմացնում
է բառի նշանակությունը, խոսքին հաղորդում է
լիարժեք հնչեղության համար անհրաժեշտ ազա-
տություն:

Արձակագիրը մեր առաջ փռում է անտառի
սլոեղիտն՝ առվակի միալար խոխոզ, մենավոր կա-

ծաններ, վարարած լուսին, ծառապատ բլուրների «կանաչավուն գլուխներ», թիթեռնիկի հետևից վազող երեխաներ, անտառապահի տնակ, անտառապահի աղջիկը կրակի առաջ, անտառի վրա որոտացող ամպ և անտառի վրա իշնող անձուն:

Անտառի նկարադրությունը՝ արված իմպրեսիոնիստական թեթևությամբ, միաժամանակ հյուված է ճշգրիտ նկարչական մանրութներից:

Մահարու արձակը ոիթմ ունի, որը չի թույլատրում, որպեսզի նախաղասությունը աղոտանա, բեկրեկվի, կորցնի իր ձեր: Հենց այդ պոետական ոիթմն ու նուրբ ինտոնացիան Մահարին հմտությամբ օգտագործում է ոչ միայն բնություն նկարելիս կամ երդելիս, այլև մարդկային փոխհարաբերություններ ու ապրումներ ցուցադրելիս, այլև երկախոսության դեպքում:

Նրա դիալոգը առանձնապես արտահայտիչ է, ծառայում է հերոսների ոչ միայն խոսքի բնութագրությանը, այլև հոգեբանական բացահայտմանը:

Ահա, օրինակ, Գուրիսի և անտառի աղջկահանդիպման ժամանակ ծայր առած և գրեթե «նությամբ» գրի առնված դիալոգը.

«— Անոնդ ի՞նչ է,— հարցրի ես նրան,

— Նունիկ...

— Ի՞նչ կանես էստեղ...

— Հերս մեշի պահապանն ա... ապրոմ ենք...

— Ես որբ եմ, — ասում եմ ես, — Բիլին էլ
որբ է...

Բիլին բարակ հառաշեց, համոզվելով իմ
լիրիկական տրամադրությունը, իսկ աղջիկը հապիվ
նայեց նրա վրա:

— Գիտեմ...

— Ի՞նչ գիտես...

— Իմացա, որ որբ է... ցավո՞մ ա...

— Չէ, անցավ...

Բիլին վազեց մի թիթեռնիկի հետևից:

— Բիլի, շկորշես, — կանշեցի ես:

— Չէ, — կենսուրախ ճիշով պատասխանեց

եա:

— Քո անունն ի՞նչ ա...

— Գուրգեն...

— Վայ, էղ ինչ լավի ա...

— Ի՞նչը...

— Անունդ... դու էլ լավիկն ես...

Ես որպեսզի կարողանամ վարձահատուց մի-
նել, ասում եմ.

— Դու սիվտակ, սիրուն, մեծ կատու ես...

— Դու էլ՝ դե շուն ես... մատս կծես ոչ...

Ու ծիծաղեց զրնգուն ծիծաղով, ծիծաղեց և
ավելացրեց.

— Թե ուզում ես՝ էստեղս կծի. —

Ու ցույց տվեց երեսը:

Ոչ միայն երեխաների, այլև մեծահասակների միջև ծավալվող բնական դիալոգը Մահարու տարերն է։ Նա առանց իր պաղտնիքները բացելու, միամիտ ձևանալով, բայց նրբանկատ արվեստագետի հաշակով այնպես է խոսեցնում մարդկանց, որ թվում է, թե հենց նոր գրի առավ խոսակցությունը և ոչ մի միջամտություն չկատարեց։ Վերոհիշյալ օրինակի մեջ (իսկ օրինակները կարելի են բաղմապատկել), երկու պատանիների մասին համարյա թե ոչինչ չի ասվում, բայց մենք ոչ միայն լսում ենք նրանց խոսակցությունը, այլև կարծես թե տեսնում ենք նրանց շարժումները, հայցքների մեջ փայլատակող ուրախությունը և թաքուհուզմունքը։

Յե՛ բնության, թե՛ մարդկային փոխարարեալությունների, թե՛ դիալոգի ցուցադրման վարպետությունը արդյունք է այն բանի, որ Մահարին զգում է բառը, նրանից քաղում է բոլոր կենսահյութերը, հնշեցնում է դարձվածքը։

Մահարին արձակի մեջ, — ինչպես ասցինք, — շափածոյին հատուկ ոճարանական հնարներ է օգտագործում՝ ածականի ետաղաս կիրառություն («անտառը պանդրահեր», «լուսինը ջինջ»), դարձվածքի երկհերթ կրկնություն («ծիծաղեց, զըրբնդուն ծիծաղով ծիծաղեց»), պատմվող դրվագից հետո նրա հիմնական շեշտը պարունակող արտահայտության ընդունում («Անտառապահի»

ոռւնց...», «...Մայր արագիլը»), անսովոր էսրի-տեսներ («բարակ հասաշանք», «վարար դիշեր», «իիթևարի դիշեր», «վարարած լուսին»), մի պար-բերության վերջին առղի մյուսի առաջին տող դարձ-նելու հնարը («քայլում եմ ստվերների ժանյակ-ների վրայով, իսկ սիրոս ելուսմ է»— «երդում է սիրոս, իսկ իս լեցված եմ նոր ճայթող հունդե-րի...») և այլն:

Բառի նման կիրառություններով, Մահարին, անպայման, եղնում է այն սկզբունքից, որ ժամա-նակը պահանջում է իր արտահայտչական նոր ձևը, որ ժամանակը առաջ է քաշում ոճի թարմաց-ման հարցը: Եվ իր այդ որոնումներով նա հայ ար-ձակի ավանդական նկարագրի մեջ բերեց ոճական նոր դժեր, նոր եղանակներ:

Մահարու արձակը մեր գրականության ընդ-հանուր նկարագրի մեջ մի յուրահատուկ երևույթ է, և մի նոր ապացույց սոցիալիստական ուսալիզմի մեթոդի շրջանակներում գրական բազմապիսի ոճերի ոչ միայն անհրաժեշտություն, այլև լայն հարավորությունների մասին:

Մահարու արիլուգիան հայ արձակը հարստաց-րեց ոչ միայն իր թեմատիկայով, գեղարվեստական առանձնահատկություններով, այլև սոցիալիստա-կան ուսալիզմի մեթոդի շրջանակներում գրական այլ ուղղությունների առանձին հասկանիշների

օգտագործման առողջ տեսնդենցով։ Իմպրեսիոնիստական շտրիխը, նատուրալիստական մանրուքը, սիմվոլիկան Մահարին համարձակորեն մտցնում է զրքի հյուսվածքի մեջ, դրանք ենթարկելով ուսավիստական արտացոլման նպատակին։ Բիլիի հետ կապված պատմությունը՝ սպանությունը «պատճական» գնդակից, սիմվոլի ձևով արտահայտում է մահարիստական ողբերգական մոտիվը և դրանով ուժեղացնում է նրա ուսալիստական հնչեղությունը։ Որբային կյանքի կամ դաշինքի ու տեղահանության տպավորություններին անդրադառնայիս արձակագիրը հաճախ է հիշում խելադար ու դզզլված մազերով կանանց, նեխող դիակներ, տալիս է մարդկային տառապանքը պատերազմի արձավիրքների մեջ և բոլոր այս նատուրալիստական մանրամասները կարողանում է հմտորեն ենթարկել ուսալիստական վերաբռնության պահանջին։ Նա առանձնապես մեծ շափով է օգտվում դիտված առարկայի առաջին և ակնթարթային տպավորություններից, և հատկապես բնությունը (Հիշենք դարձյալ անտառի նկարագրությունը) պատկերելու դիմում է լույսի և սովերի, դույների տարերերանգների կոնտրաստին, իմպրեսիոնիստական բնկալումը դարձնելով ուսալիզմի ձևերից մեկը։

Տասը տարվա ակամա դադարից հետո, 1947-ին Գուրգեն Մահարին նորից վերադառնում է գրական աշխատանքի, վերազանցորեն զբաղվելով թարգմանություններով: 1948-ին լույս է տեսնում Հայունական պատերազմի մասին սովետական գրականության լավագույն երկերից մեկի՝ է. Կաղակեվիչի «Ասողը» վիպակի թարգմանությունը:

Անկային Մահարին ավելի արդյունավետ է աշխատում 1954-ից հետո, վերահրատարակելով նախորդ շրջանում գրած շափածոն («Երկեր», 1954) և արձակը («Երիտասարդության սեմին», 1956, «Детство и отрочество», 1956), գրելով նոր դրամեր՝ բանաստեղծություններ, պատմվածքներ, մանրապատումներ, հոդվածներ և վերջապես՝ «Փորձություն» վերնագրով պիեսը:

Ստեղծագործական աշխատանքի նոր շրջանը Մահարին բնութագրում է լուսավոր տրամադրություն արտահայտող «Աղջոյն արև ու օր» բառերով: Գրողին համակած այս տրամադրությամբ են շնչում նրա նոր երկերը, մասնավորապես պատմվածքը, որտեղ նա կարողացել է անվթար ու թանկպարգի նման պահել իր ձեռք բերած գեղարվեստական հասումները, իր ինքնատիպ գրելաձեկ գծերը:

Մահարու ստեղծագործության համար՝ և
անցյալի փորձի խմասավորման և հեռանկարը
որոշելու իմաստով, բնորոշ է «Եարմիր կակաչներ»
պատմվածքը (1947—48 թթ.): Այսուղ նա, Վահան
Տերյանի կյանքի մի խմաստալից դրվագի միջոցով,
արծարծում է ռեռլյուցիայի և արվեստի, ավելին՝
ռեռլյուցիայի և զեղեցկի վոխճառաբերության
պրոբլեմը: Մոռացված մի պատմության վերհուշ է
պատմվածքի սյուժեատային հիմքը. քաղաքում
հայտնի ծաղկավաճառատուն է այցելում Երևան
ժամանած մեծ բանաստեղծը՝ Վ. Տերյանը և ծաղ-
կավաճառի աղջկան պատվիրում է կարմիր կակաչ-
ներ պահել իր համար: Իսկ հայրը Տերյանի համար
պահված ծաղիկները հանձնում է «Լավ տղերանց»:
Դեպքն առերևույթ մեծ տարողություն շունի, բայց
էական են այն դատողությունները, որ հյուսվում են
ծաղիկների շուրջը: Վ. Տերյանը՝ ծաղիկների բա-
նաստեղծը, արդեն ոտք դրած ռեռլյուցիոն պար-
ագի ուղին, — այնուամենայնիվ, — չի մոռանում
ծաղիկները՝ զեղեցկությունը, և ժողովրդի աղա-
տագրական պայքարի իմաստը տեսնում է այն
բանի մեջ, որ արդարություն լինի, «ծաղիկներն եւ
ուրախ լինեն», որ այլև «շթախճեն աշխարհի ծա-
ղիկները», աշխարհը մարդու առաջ բացվի իր բո-
լոր պայծառ, արեավոր գույներով:

Գրողի հայացքը անցյալից թեակոխում է ներ-
կան. նախկին ծաղկավաճառատան տեղում, առվի

մոտ շ16 տարեկան մի աղջիկ փռել է կարմիր կակաչներ։ Մոտենում են անցորդները, ոմանք հատով, ոմանք փնջերով դնում են կարմիր կակաչներ, վճարում են և քայլում առաջ։ Նրանց մեջ է ծաղկավաճառի դուստրը՝ «սև մետաքսե շորերով կինը», որը կարմիր կակաչներով փռմանը ձեռքին «Տերյանի փողոցով բարձրանում է դեպի վեր և կարմիր կակաչների թերթիկները հատ-հատ պոկում ու նետում է մայթին»։

Ռեոլյուցիան, — ասում է արձակագիրը կարմիր կակաչների սխմվոլով, — ոչ միայն չի խորտակել գեղեցկությունը, այլև սովետական մարդուն է բաշխել «միլիոնավոր կարմիր կակաչներ», որոնց «ուրախության» համար նահատակվեցին ժողովրդի լավագույն զավակները։ Մահարին ընտրել է և ոչ թե «Հորինել» մի եղակի մանրուք՝ ցուցադրելու հասարակական գիտակցության մեջ կատարված տեղաշարժերը։ Կակաչների խորհրդանշանը պարունակում է հարուստ կենսական բովանդակություն։

Պատմվածքում, ինչպես արձակագիրն է խոստովանում, շկան «լայնարձակ» արձակին բնորոշ «կենդանի մարդիկ», որոնք «ապրում են, շնչում, սիրում են, տանջվում, ժապում են, լալիս, պայքարում են, հաղթում», բայց դա չի խանդարել նրան՝ խտացված ձեռվ, ընթերցողի համար անտեսանելի ուղիներով ցուցադրել ժարդու մեջ

ունուցիայի աղղեցությամբ արթնացած գեղեցկության սերն ու ծարավը:

Կյանքի և արվեստի փոխարարերության պրոբլեմը, դարձյալ խոհական երանգավորումով և խորհրդանշանների արտահայտչական միջոցի օգնությամբ, դրված է Մահարու «Թե ինչ պատմեցին»¹ («Հոկտեմբերյան քանդակներ») մանրանկարների շարքում։ Պատմում են երաժշտական շորս գործիք՝ դաշնամուրը, սրինդը, զութակը, շեփորը։ Նրանցից յուրաքանչյուրի միջոցով վերարտագըրված է ռեոլյուցիայի աստիճանական ընթացքը և այդ ընթացքի մեջ արտահայտված ժողովրդի կյանքում արվեստի դերի ըմբռնումների մեջ կատարված փոփոխությունները։

Յուրաքանչյուր դործիք բացում է իր սիրութամբանակավոր կառավարության օրհասն է, ճարհատում են հին աշխարհի հիմքերը, վիթխարի աղմուկներում լոել է դաշնամուրի ձայնը, լքվել ու մոռացվել՝ իր նախկին տերերի կողմից։

Դաշնամուրի շուրջը,—պատմում է նա,—այլևս չեն հավաքվում կյանքի տերերը, այլևս մեծ դահլիճում չեն հնչում ոռմանսներն ու վալսերը, թվում է, թե եկել է արվեստի կործանման սկիզբը... Ժողովուրդը ռեոլյուցիա է կատարում՝ էլ ի՞նչ երաժշտություն, ինչ ոռմանսների ժամանակ է, ժո-

¹ Մոլետական գրականություն, 1957, № 11:

զովուրդը կենինին է լսում, ուրեմն անհրաժեշտ է լոել, — ավարառամ է իր խոսքը դաշնամուրը:

Զութակի ինքնագովերգությունը՝ «իմ լարերը կարող են հնչեցնել և օրորոցի երգի պայծառ բերկրանքը, և որդեկորույս մոր կսկիծն ու դառնությունը», ընդհատվում է փողոցում պայթած համազարկից, որը ստիպում է զութակին մտնել իր պատյանը՝ մինչև գո ժամանակը: «Իսկ առայժմ կարմիր աստղակիրը մատը պարզեց դեպի փողոցը (դեպի զինվորական նվազախմբի մարտական քայլերգը)», — այս է պահանջում ժողովուրդը»:

Գյուղի երիտասարդ հովհավը՝ վարժ սրինդարը զնաց կոհիվ, — պատմում է սրինդը, — «Իրացանի հետ ինձ էլ վերցրեց հետու:

Սրինդը նույնպես լոռում է. «Իմ տերն էլ կրակում էր, կրակում ու չէր էլ մտածում իմ մասին: Իսկ եթե հիշեր ինձ և փորձեր նվազել... չէր լսվի իմ երդը, իմ երգը, որը սիրում է արձակ դաշտերի խաղաղությունը և լությունը կանաչապատ բլուրների»:

Սոցիալական մեծ ցնցումների ժամանակ հընչում է միայն շեփորը, ոտքի հանելով «ով ճորտ է, մերկ է, և ստրուկ», կովի կոշելով ազատության զինվորներին: «Օս շպետք է լոեմ, — ասում է շեփորը, — որպեսզի երկրում բարձր, ավելի բարձր և արվեստով հնչեն դաշնամուրի, զութակի և սրնգի երգերը»:

Հոկտեմբերյան քանդակների մեջ Մահարին վերադառնում է դեպի «ահեղ»ութեավոր» պատմության այն օրերը, երբ կյանքից ահաբեկված էսթետները, ունոլյուցիայի մեջ «գուշակում էին» բոլոր գեղեցկությունների կործանումը, «մաքուր արվեստի» դիրքերից ողբում էին մեռնող, հոգեվարքի մեջ գտնվող անցյալը, շկամենալով ըմբռնել կյանքի երկաթի տրամաբանությունը՝ ժամանակավորապես լուսմ է նուրբ երաժշտությունը, որպեսզի նոր ուժով հնչի ունոլյուցիայով նորոգված երկրի վրա:

Այլաբանական կերպար-սիմվոլների միջոցով Մահարին արտահայտում է արվեստի և կյանքի, գեղեցկի և ունոլյուցիայի փոխհարաբերության փիլիսոփայական իմաստը. միայն այն գեղեցիկն է պիտանի, որը բավարարում է կյանքի պահանջները, որը սնվում է իրականության կենսահյութերով, որը սահմանաղատում է իրեն կեղծ, կյանքից կտրված «գեղեցկության» ըմբռնումներից:

«Նկարչի աշխատանոցում»¹ մանրաքանդակում Մահարին արծարծում է ստեղծագործության պրոբլեմը: Ծրիտասարդ նկարիչը, հավատացած, որ իսկական արվեստը կապ շունի քաղաքականության հետ, առանձնացած իր «փողոսկրե աշտարակում»՝ նկարագրում է կիսամերկ կանաց, աշնանային

¹ «Սովետական արվեստ», 1957. № 11.

ակեցածներ, հնամյա վանք: Ճայց ահա արվեստանոցի պատուհանից դուրս նայելով դեպի փողոցներն ու հրապարակները, նա զգում է, որ ֆրամասիվ հայեցողական, ներանձնացած «արվեստը» շունի կյանքի վրա ներգործելու, ժողովրդին մեծ հույզերով տոգորելու ուժ, ժողովուրդը հոսում է փողոցներով՝ և դրոշների վրա նկարված է... Մուլճ ու մանդաղ: Զկան այստեղ ոչ նրբերանգներ, ոչ պոնդիա, ոչ էքսպոզիցիա: Նայում է ժողովուրդը այդ սլարդ նկարին, ոգևորվում է նրանով, հավատում է նրան ու քայլում է առաջ:

Իսկ ի՞նքը... ինչո՞վ է զբաղված ինքը:

Ու թվում է երիտասարդ նկարչին, որ ծանր սապոգներով բարձրանում է մեկը սանդուղքներից վեր և հաստատում քայլերով մոտենում է իր աշխատանոցին:

Քաղաքականությունը...

Մոտենում է նա արվեստին հաստատում քայլերով:

Նկարչի ստեղծագործության մեջ սկսված բեկումով Մահարին հաստատում է ճշմարիտ, ժողովրդային արվեստի գեղեցկությունը, արվեստագետի ակտիվ վոխհարաբերությունը կյանքի հետ, առաջ է քաշում արվեստը ժամանակին նուրբ զգացարանը դարձնելու գաղափարը:

Մահարու նոր պատմվածքների մի մասը նվիրված է մեր երկրի Հյուսիսում ապրող մարդ-

կանց կյանքին։ Մահարու Հյուսիսը նույնքան հետաքրքրական է և առօրեական, որքան նրա նկարագրած Հայաստանը։ Նրա պատմվածքների հյուվածքը նույնպիսի արևով ու զվարթությամբ է ողողված, ինչպես տաք, արևային Հայաստանին նվիրված գործերում։ Աս, անշուշտ, անհատական ընկալում է՝ Մահարին այնպես է տեսնում աշխարհը, որ Հյուսիսի դաժան բնությունը դառնում է հարագատ, նրա ներկայացրած մարդկային փոխարարերությունները՝ շատ սովորական։

Մահարին կարողանում է գրավիչ դարձնել պատմվածքը՝ առանց «գրավիչ», «հետաքրքրաշարժ» սյուժեների։ Հոգեբանական պայքարը կամ կենցաղային հասարակ մանրուքը, — ահա նրա ստեղծագործական ուղեցույցը։ Այս սկզբունքով են գրված «Մի անգամ գերեզմանատանը», «Արջը ծխամուրճով», «Անմեղ մեղավորներ», «Ողբերգություն թռչանոցում» պատմվածքները։

«Մի անգամ գերեզմանատանը» պատմվածքի¹ հիմքում դրված է մի շատ սուր գրություն։ մահացել է ֆերմայի ջրկիր Վասյայի կինը՝ յոթանասունամյա Մարիա Մախանչուկը և նա մեծադույն հպարտությամբ է հիշում հավատարիմ կողակցին, որը ինդրեց, որ իր գերեզմանը միայն Վասյան փորի, ոչ մի աօտար» մարդ շմուտենա։ Զնայած

¹ «Երիտասարդության աեմին», 1957, էջ 585—591։

վշտին, Վասյան այնուամենայնիվ գոհ է կյանքից, դոհ անցյալից, իր պառավից, բայց նրա երջանկությունը կյանքի մայրամուտին խոռվում է մի հասարակ միջադեպ: Գերեզմանաժուն է գալիս կոլտնտեսության հաշվապահ Իվան Սերգեյիչը և նըրանց մեջ տեղի է ունենում հետեւյալ խոսակցությունը.

«Տուր... դու հանգստացիր...

Վասյա դային բահը հեռացրեց ու մոմոաց.

— Պետք չէ... ես կփորեմ:

— Հանգստացիր, էլի կփորես,— պնդեց Իվան Սերգեյիչը:

— Պետք չի կրկնեց Վասյա դային, — հանգուցյալը հրամայեց, որ եմ... ես շթողնեմ օտար մարդիկ...

— Օտա՞ր, — հատ ու կենտ ատամների միջից մրթմրթաց Իվան Սերգեյիչը, և նրա աշքերի մեջ բռնկվեց մի շար բոց:

— Օտա՞ր... նա ձեռքը մեկնեց դեպի բահը՝ շկտրելով իր հայացքը Վասյա դայու աշքերից:

Վասյան նայում էր նրան կարծես հիպնոսացված, կամաց-կամաց նա խեղճացավ, կարծես սմքեց, փոքրացավ և բահն անցավ, փնքն էլ շիմացավ թե ինչպես, Իվան Սերգեյիչի ձեռքը»:

Դեպքի վերաբռնությունից հետո, Մահարին, որպես իսկական արվեստագետ, զգացել է նկարագրված դրությունը լուսավորող լրացնուցիւ

այնպիսի պատկերի անհրաժեշտությունը, «որը կուժեղացնի նրա ներգործությունը։ Մահարու զատած պատկերը նույնքան բավանշանակ է, որքան պատմվածքի «սյուժեային հատիկը»։ Դա դաշտային արահետի պատկերն է. Վասյա դային ռձեռքը մի քանի անգամ խփեց ծնկին, հողը թափ տալու համար արդյոք և մշուշված հայացքը հառեց դեսպի դաշտերն ու արահետները։ Իսկ արահետները խաչաձևում են իրար, բաժանվում, տեղադրել զուդահեռվում, հետո կորցնում են իրար, կարծես պատահաբար կանչում են հեռվից և իրար չեն լսում, չեն լսում»։

Այդպես էլ կյանքն է,—նույրը ակնարկով ասում է արձակադիրը,—ավելի բարդ, հարուստ, հետաքրքրական, քան թվում է մարդուն տռաջին հայացքից. Հին ճշմարտությունը բացվում է նոր լույսով։

«Մի անգամ դերեվանատանը» պատմվածքը գրված է Մահարու դրշին հատուկ հումորի մեջմ գույներով, կատակերգական երանդներով։

Նույնպիսի կատակերգական մեջմ տոներով են գրված «Արջը ծխամորճով», «Անմեղ մեղավորներ», «Անվերնադիր», «Ռղբերգություն թռչնանոցում» և այլ պատմվածքները։ Եթե մի համառու ձևակերպում անհրաժեշտ լինի այս գործերի հիմնական իմաստը բնութագրելու համար, ապա մենք դա կանվանենք խանդաղատադին սեր դեսպի Հյու-

սիսի հասարակ, հասարակական կյանքի ոլորտում «աշքի ընկնող», բայց կենսախինդ, կորովի, հիանալի մարդկանց նկատմամբ։ Դրանք են թոշնապահ Մարուսյան, կոլտնտեսության հացի ամբարի պահակ Միրոն Միրոնովիչը, մեղվապահը, հայթուիսը։ Մահարու վերաբերմունքը դեպի աշխատանքի մարդիկ—անկեղծ է, բարի, գորովագութ, բացսիրտ։ Այդ մարդկանց կյանքի մի ակնթարթի ցուցադրումով Մահարին ոչ թե հետապնդում է ինչոր հոգերանական բարդ խնդիրների լուծում, այլ ասում է,—տեսեք, թե ինչպիսի մարդկացին ազնիվ նյութեց է կառուցված աշխարհը, ինչպես են այդ մարդիկ իրենց փոկական և դժվարին աշխատանքով գեղեցկացնում ու բովանդակալից դարձնում կյանքը։

«Հյուսիսացին շարքի» պատմվածքների արժեքը ոչ թե ֆարուղացին հետաքրքրաշարժության, այլ բնավորությունների նկարչական պատկերման մեջ է։ Ահա թոշնապահ Մարուսյան՝ իր հավերի ու հնդկահավերի շրջապատի մեջ։ Նա ամենամեծ բավականությունը գտնում է այդ ամենահամեստ դործի մեջ։ Ահա Միրոնը, որ մախորկացի և օղուսիրուն դետին է տվել իր պատիվը, և այժմ «հազար ձեռքով քվեարկում է» այն բանի օգտին, որ մոռանա անցյալը, որ այլևս ապրի առանց ահուդողի, աշք շտնկի հանրացին բարիքի վրա։

Մահարին իր ընտրած մարդկացին բնավորություններով ընթերցողին տեղափոխում է բնական, դիտավորյալ չգեղեցկացված մի սպեաիկական աշխարհ։ Այդ մարդիկ այն ազյուսներն են, որոնցից հյուսվում է սովետական ժողովրդի կյանքի տարեգրությունը։

Մահարու վերջին շրջանի մանրապատումները, սակայն, հավասար ուժով չեն զրված։ Արտահայտման հակիրճությունը երբեմն նրա մոտ վեր է ածվում դատապարտելի ժամանական և ոլահանջված գեղարվեստական տպավորությունը չի տալիս։ Վերցնենք, օրինակ, «Թյուրիմացություն» պատմվածքը, որտեղ դեպքի արձանագրումը չի ստանում հոգեբանական նույր պատճառաբանություն, բացակայում է գրական բոլոր տեսակների համար խիստ անհրաժեշտ այն երրորդ շափումը, որ սանեն Մահարու պատմվածքներն առհասարակ, «Մերժված սիրո» պրոբլեմը լուծվում է առանց կողմերի հոգեբանական բախման, միայն և միայն խոսքերի միջոցով, ավելի շուտ՝ հեղինակը պատմում է, անեկդոտ հիշեցնող դեպքը և ոչ թե վերլուծում փաստի հոգեբանական ներքին իմաստը։

Սյուժետային սրամիտ քայլերը Մահարու ստեղծագործության մեջ երբեմն ինքնանպատակ բնույթ են կրում։ Այդպիսի մի նմուշ է «Բույն-թանգարան» մանրապատումը, որտեղ խոսքի սրամը տությանը զոհաբերվում է դադարիք։ Մահարու

գրչին վայել շեն «Հոսկոպի արցունքները» հեքիա-
թային սյուժեի ոճավորումը և «Լոռության ձայնը»,
ելի ուրիշ՝ գրչի թեթև հանաքներ հիշեցնող, տար-
տամ ու անորոշ մանրապատումներ:

Մանրապատումից բացի վերջին՝ հնգամյա-
կում Գ. Մահարին առանձնապես եռանդուն գործ է
կատարում քննողատության ասպարեզում։ Գրում
է Հոդվածներ, դրախոսություններ, գրական նկա-
տողություններ՝ առաջ քաշելով գրականության
ժողովրդայնության, պոետական նորարարության,
արվեստագետի ինքնատիպության, լիրիկայի տե-
սադաշտի լայնացման հարցերը։ Միշտ չէ, որ Մա-
հարու նկատողությունները ճշմարիտ են ու հա-
մոզիչ, բայց միշտ դիպուկ են ու հետաքրքրական
նրա զնահատումները, հեռու շարլոնից ու քննա-
դատական սխեմատիզմից։ Գրականության պատ-
մության համար առանձնապես մնայուն արժեք է
ներկայացնում «Չարենց-Նամե» մեմուարը¹։ Սա
բազեացած է «մեծ ուխտի կարմիր ուխտավորի»,
մեր դարաշրջանի տաղանդավոր բանաստեղծի
կյանքը, գրական կենցաղը, բնավորությունը, կա-
պերը բացահայտող առանձին ֆրազմենտար դրո-
վագներից ու հակիրճ, անմիջական բնութագրում-
ներից։ Ստուգապատում այդ հիշողությունները՝
դրված «Հերոսական ընկերոջ և ազնիվ ուսուցի»

¹ «Առվետական գրականություն», 1957, № 9:

մասին, արժեքավոր նյութ են մատակարարում գրականության պատմաբանին՝ մասնավորապես Չարենցի ստեղծագործական անհանդիստ ու ալեկոծ որոնումների վերաբերյալ:

Գ. Մահարու արձակը, միաժամանակ որոշ իմաստով դրամատուրգիական արձակ է. բացի սուբյեկտիվ պոետական ինտոնացիացից, նրա արձակ երկերում մեծ տեղ է գրավում գործողության մեջ գծագրված մարդը, դիալոգի մեջ բացահայտվող մարդկացին բնավորությունը, երևույթի մատուցման դրամատիկական, «բոռնցքի պես» սեղմված ձևը:

Ճանաչելով իր դիալոգի դրամատուրգիական այս հատկությունը, Մահարին վերջերս գրեց «Փորձություն» պիեսը, որը պատրաստվում է բեմադրության Գ. Սոնդուկյանի անվան թատրոնում: Դեռ վաղաժամ է խոսել պիեսի մասին, — Հեղինակը նորից վերանայում է որոշ դրույթներ, — սակայն ակներև է, որ նա գրել է թե՛ կոնֆլիկտի, թե՛ հարցադրումների, և թե՛ ձեի տեսակետից հետաքըրքը բրական մի գործ՝ հայրենադարձության և մարդկացին արժանապատվության թեմայով: Արտասահմանից հայրենիք վերադարձած երկու հերոսի՝ ճարտարապետ Մեհրաբյանի և վիրաբույժ Շահրիկյանի ուրույն ճակատագրի ու նրանց բնավորությունների բախման միջոցով Մահարին արվեստի միանգամայն թարմ հնարներով ցուցադրում է նոր

միջավայր ընկած մարդու հայացքների ոչ թե
առերկեռութ, այլ իսկական, ապրված շրջադարձը՝
տատանումներից դեսպի սովետական կյանքի ճշշ-
մարտության ընդունումը:

Մահարին ներկայումս զբում է «Կոմիտաս»
ուրեմնական և «Այլով այլեստանը» վեպը:



ՍՈՒՐԵՆ ԲԱՐԴՈՒՅԻՆ ԱԳԱԹՈՎՅԱՆ

ԳՈՒՐԳԵՆ ՄԱՀՄԵԴԻ

Պատ. խմբագիր՝ Ա. Խ. ԻՆՔԻՑՅԱՆ
Հրատ. խմբագիր՝ Տ. Ա. ԿԱՐԱԳԵՏՅԱՆ
Տեխ. խմբագիր՝ Դ. Ա. ՍԱՐԳՍՅԱՆ
Վերսաուզող օրբագրի՝ Ա. Կ. ԶԱՔԱՐՅԱՆ

Վ.Յ. 07603, այտովեր 312, հրատ. 1720, էջեւ 554, տիրաժ 1500

Հանձնված է արտադրաւթյան, 8/VII 1959 թ., Առողազրված է առաջարկության 17/X 1959 թ., թուղթ, $70 \times 92^1/32$, Տպադրական $9^{1/2}$ մամակ,
+ 2 ներդիր, հրատ. 4,25 մամակը գինը 2 ռ.

Հայկական ԱՄՆ Գիտությունների ակադեմիայի Հրատարակության
տպարան, Երևան, Արևովյան, 124,

ԳԻՆԸ 2 Ռ.

ԳԱԱ Հիմնարար գիտ. գրադ.



FL0034079

A 1
398